

Aposel si gwelenj

Yom whê bapia dindec sa-nga

Luk to inj ndê buku tilu-nga dindec, ma gic têku yom nanj inj to yêc inj ndê njawaê njayham. Alic yom njatô pi Luk yêc ‘Yom whê Luk ndê njawaê njayham sa-nga.’

Yêc buku dindec, Luk to yom pi lênj nanj njawaê njayham sa tiapa yêc gamej nanj lau Rom-nga sem gôlij. Sêsam buku dindec bu ‘Aposel si Gwelenj,’ magoc lau njatô sêsôm bu ‘Njalau Dabuŋ ndê Gwelenj.’ Njahu bu gênj hoj nanj aposel sêkôm, nanj sêkôm nj Njalau dau ndê njac lai. Tênj ndoc Yisu bu hu nom dindec sij ma mbu pi undambê ndi, nanj sôm tênj inj ndê lau bu sêhu malac Jerusalem sij dom, e sêtap mwasiŋ nanj Anötö gic bata tênj njac, nanj sa. Yom dau hêganônj inj ndê Njalau Dabuŋ (1:4). Ma tiŋambu inj sôm tênj njac bu sêhoc yom njandô asê pi inj yêc Jerusalem, ma yêc gamej Judia-nga ma gamej Samaria-nga, e yom dau sa tênj nom njagamej hoj (1:8).

Luk whê sa bu lau aposel sêkôm gênj dalô daêsam bu puc njac si yom dônj, tu bu lau sêlic ti sênjgô, ma sêkiŋ whiŋ Yisu-nga. Ma inj to yom daêsam pi Saul, nanj tiŋambu sêsam bu Pol, ma pi njalênj nanj Anötö gêm inj kwi, ma kêyalinj inj sa bu hoc njawaê njayham asê tênj lau gamej apa-nga nanj lau Israel dom.

Yisu gic bata Njalau Dabuŋ

1 ¹O Tiopilas, yêc anej buku njamata-nga aô gato yom pi gênj hoj nanj Yisu gic hu bu kôm ti kêdôhônj tênj lau. ²⁻³Anej yom nanj gato, nanj mej tênj bêc nanj Anötö kôc inj su pi undambê gi. Inj hôc njandê ma mbac ndu su, ma tiŋambu tisa ma hoc dau asê tênj lau †aposel nanj inj kêyalinj njac sa su. Tôm bêc 40 inj mbo whiŋ njac ma tôc dau tênj njac sêlic, e sênyalê pi njandô bu inj tisa ma mbo tali tiyham yom njandô. Tênj njasawa dinaŋ Yisu whê yom sa tênj njac pi †Anötö ndê gôlij ma pi gwelenj nanj bu sêkôm-nga, ma Njalau Dabuŋ puŋ yom dau dônj yêc njac si njalôm.

⁴Tênj bêc daŋ inj gênj gênj mbo whiŋ njac, ma inj kênj yatu njac bocdec bu, “Mac ahu Jerusalem sij dom, magoc ahônj e atap mwasiŋ nanj Damaŋ gic

bata bu kêŋ meŋ, naŋ sa. Aö gasôm yom pi mwasiŋ dau muŋ su. ⁵Muŋ-ŋga Jon kêku lau ŋa bu, magoc bêc meŋ kêpiŋ bu Anötö êŋku mac ŋa ŋalau Dabuŋ.”

⁶Têŋ têm daŋ Yisu mbo whiŋ ndê aposel, ma sêndac iŋ bocdec bu, “Pômdu, bocke? Kwahic dec am oc êmgaho yac lau Israel-ŋga su yêc lau Rom-ŋga si gôliŋ ŋapu, ma ti kiŋ ma nem gôliŋ yac, me mba?” ⁷Ma iŋ ô yom ma sôm, “Gêŋ bocke naŋ bu hóc asê lau Israel-ŋga, ma ŋatêm ti ŋabêc, naŋ Damaŋ Anötö ti ŋadau ma kêyaliŋ sa su, ma iŋ oc tóc asê têtŋ mac dom. ⁸Magoc têtŋ ndoc ŋalau Dabuŋ meŋ ma nem mac ahuc, dec oc kêŋ ŋaclai têtŋ mac, ma mac oc ahoc yom ŋandô asê pi aö yêc Jerusalem, ma yêc gameŋ Judia-ŋga ma gameŋ Samaria-ŋga, e yom dau tiapa nem nom ŋgameŋ hoŋ ahuc.”

Yisu pi undambê gi

⁹Yisu sôm yom dinaŋ su, goc Anötö kôc iŋ sa pi lôlôc gi e sôc dao ŋalôm, dec sêlic iŋ apu. ¹⁰Iŋ pi gi ma ŋac tatic umboŋ sêlhac, ma sep eŋ ŋgac lu ti ŋakwê sêsêp sêmeŋ sêlhac sêwhiŋ ŋac. ¹¹Ma iŋlu sêsôm, “Mac laungac Galili-ŋga. Tu ake-ŋga dec alhac tamtac undambê? Kwahic dec Anötö kôc Yisu su yêc mac, ma tiŋambu iŋ oc mbu meŋ tiyham ŋalêtŋ tigeŋ tôm naŋ alic iŋ pi gi.”

Sêŋyaliŋ Matias sa ti aposel ô Judas su

¹²Dinaŋ su, goc sêhu Lôc Olib siŋ ma sêmbu sêtêtŋ Jerusalem si. Lôc dau kalhac kêpiŋ Jerusalem, seŋ ŋasawa gitôm kilometa tigeŋ.^a ¹³Têtŋ ndoc sêhóc asê su, naŋ sêtêtŋ ŋac si andu sêmbu-ŋga si, ma sêpi ŋalôm ŋahô-ŋga si. Lau dau si ŋaê bocdec: Pita lu Jon, ma Jems lu Andru, Pilip lu Tomas, ma Batolomeas lu Matyu, Alpayas atungac naŋ ndê ŋaê Jems, ma Saimon (naŋ sêsam bu ‘ŋgac †Selot’), ma Jems^b atungac Judas. ¹⁴Yisu dinda Maria, ti iŋ ndê asii, ma lauwêŋ ŋatô sêmbu sêwhiŋ ŋac. ŋac hoŋ sêpiŋ dau dôŋ ti ŋalôm tigeŋ, ma sêteŋ mbec sêwhiŋ dandi tôm bêc hoŋ.

¹⁵Têtŋ bêc daŋ lau sêkêŋ whiŋ-ŋga gitôm lau 120 sêkac sa sêmbu sêwhiŋ dau. Ma Pita tisa kalhac ŋalhu, ma sôm, ¹⁶⁻¹⁷“O asidôwai hac. Mac aŋyalê Judas, ŋgac naŋ wê lau naŋ sêkôc Yisu dôŋ. Iŋ yac lau aposel 12 mba daŋ, ma wêkaiŋ gwelêŋ whiŋ yac. Muŋ-ŋga andô, ŋalau Dabuŋ hoc yom asê sa akêŋ Dawid whasuŋ, naŋ hêganôŋ Judas. Ma yom dau gic waê bu ŋandô sa.”

^a 1:12 Yom naŋ Luk to, naŋ sôm bu seŋ naŋ yêc Lôc Olib ma malac Jerusalem ŋasawa, naŋ gitôm seŋ †Sabat-ŋga daŋ. Lau andô Israel-ŋga sêmasaŋ ŋagôliŋ daêsam naŋ hêganôŋ yomsu bêc Sabat-ŋga, bu tóc asê gêŋ naŋ lau Israel-ŋga gitôm bu sêkôm têtŋ bêc Sabat-ŋga, ma gêŋ bocke naŋ sêlic bu gwelêŋ. ŋagôliŋ Sabat-ŋga daŋ sôm bu lau sêtôm bu sêŋsêlêŋ sêsa seŋ ŋasawa gitôm kilometa tigeŋ têtŋ bêc Sabat-ŋga. Lau bu sêŋsêlêŋ sêhóc gêlêc kilometa tigeŋ, dec ŋac oc sêsôm bu sêkôm gwelêŋ, ma sêŋgili yomsu Sabat-ŋga.

^b 1:13 Luk to ŋaê Jems tidim tó, magoc ŋaê dau ŋgac tigeŋ ndê dom, ŋac lau tó.

18 (Tu Judas ndê mêtê sac hoc Yisu asê-nga, dec lau semlhi in, ma in kôc ñaôli dau ma gi gêmli nom dan. Yêc dinañ in peñ sip gi, e gambo hôc kôc ma ñatac wê. 19Lau Jerusalem-nga sêngô ñawaê, ma sêsam nom dau yêc si awha-nga bu Akeldama, nañ danem kwi bu ‘Nom ti Dac.’)

20“Yom nañ Dawid hoc asê pi Judas, nañ sêto yêc Buku Wê-nga bocdec bu, *‘In ndê gameñ tigasañ man, ma lau dan oc sêmbo dom.’* Ma sêto dan tiyham bocdec bu, *‘Ñamalac dan oc ti ñgac bata ma kôc in ndê gweleñ ô in su.’* 21Sêto yom dau yêc bocdinañ, dec aô gauc gêm bu yac tanjaliñ ñgac dan sa ô Judas su. Gauc nem lau hoñ nañ sêmbo sêwhiñ yac tôm bêc hoñ nañ Pômdau Yisu mbo yac ñasawa. 22Lau nañ sêmbo têtñ Jon, ñgac Kêku Lau-nga ndê têtñ e meñ têtñ ndoc Yisu pi undambê gi. Yac tanjaliñ ñac si dan sa, bu hoc Yisu tisa ñawaê asê whiñ yac.”

23Goc sêñjaliñ ñgac lu sa, dan ndê ñaê Matias, ma dan ñaê Josep, nañ sêsam in ndê ñaê dan bu Basabas, ma in ndê ñaê dan tiyham bu Justus. 24Ma sêteñ mbec bocdec b u, “O Pômdau. Am kêyalê ñamalac hoñ si ñalôm. Tôc ñgac lu dau si asa nañ am kêjaliñ sa su, nañ asê têtñ yac. 25In oc kôm gwelêñ nañ am kêñ sip lau aposel amba, nañ Judas hu siñ ma kôlhô têtñ gameñ nañ gic in ñawaê, nañ gi.” 26Goc sêpuc gapoc e gi sip Matias. Ma bocdinañ in ti aposel dan whiñ ñac lau 11.

Ñalau Dabuñ sip meñ

2 1Têtñ Om †Pentikos ñac hoñ sêmbo sêwhiñ dau. 2Ma ñagahô eñ ñakêcsia gitôm mbu puc ñadinda meñ akêñ undambê, ma gêm andu nañ ñac sêndôc, nañ ahuc. 3Ma sêlic gêtñ gitôm yawahô meñ ma whê dau kôc-kôc, goc gi sac ñac ñagôlôn têtñtêtñ gitôm ya ña-êmbala. 4Ma ñalau Dabuñ gêm ñac hoñ ahuc e sêsôm lau apa awha nañ sêñyalê muñ su dom, tôm ñalau Dabuñ hôc ñac awha sa.

5Têtñ têtñ dinañ lau daêsam sêmbo Jerusalem, nañ sêmeñ akêñ nom ñagameñ hoñ. ñac lau Israel-nga nañ sem akiñ Anötö ma sêtoc in sa. 6Ñac sêngô lau nañ ñalau Dabuñ gêm ñac ahuc, nañ sêsôm ñac awha têtñtêtñ, goc sêsô ñandô ma sêkac sa sêtigasuc. 7Ñac sêhêdaê ñandô, ma sêsôm têtñ dandi, “Aluê! ñac lau dê sêsôm yom sêmbo dê, nañ lau Galili-nga me? 8Ma bocke dec danğô ñac sêsôm yac awhañ têtñtêtñ, tôm dinañ si sêkôc yac ma dasôm? 9Yac lau nañ dambo dec, nañ amêñ a kêñ Pata, Midia ma Elam, ma akêñ Mesopotemia, Judia, Kapadosia, Pontus ma Esia, 10-11 ma akêñ Prigia ti Pampilia, Isip ma Libia kêpiñ Sairin, ma akêñ Krit ma Arabia ma akêñ malac Rom. Yac lau Israel-nga, ma lau apa nañ sêñkuc lau Israel-nga si sakiñ tu sênem akiñ Anötö-nga. Bocke ma kwahic dec danğô lau Galili-nga dindê sêsôm yom asê yêc yac dauñ awhañ têtñtêtñ, pi gêtñ dalô nañ Anötö kôm!” 12Gêtñ dau kôm ñac sêhêdaê ti gauc gêm yom daêsam, ma sêndac dandi, “Gêtñ dindec ñahu bocke?” 13Magoc lau ñatô sêsu lau aposel susu ma sêsôm, “Mboe sênôm wain ma kêñiñ ñac.”

Pita whê ŋalau ndê gwelen sa

¹⁴Têṅ dinaṅ Pita ti aposel 11 sêtisa ma iṅ hôc awaha sa ma sôm têṅ lau daêsam dinaṅ, “Mac lau Israel-ṅga ti mac hoṅ naṅ andöc Jerusalem. Akêṅ daṅam ṅapap ma aö wawhê gêṅ dindéc ṅahu sa têṅ mac. ¹⁵Mac lau ṅatö gauc gêm bu wain kênṅiṅ lau dindéc, a? Aö wasôm têṅ mac bu mba! Bu ac kwahic pi meṅ. ¹⁶Magoc yom naṅ propet Joel to muṅ su, naṅ dec ṅandö sa. ¹⁷Joel to Anötö ndê yom dau bocdec bu:

Tiṅambu aö wakêṅ aneṅ ŋalau sip lau hoṅ si ṅalôm, e atômṅgaci ti atômwêi sêsôm yom asê sêtôm lau propet. ŋalau oc kôm mac nem balêkoc wakuc tandö kainṅ daṅ sa e sêlic gêṅ ṅagatu, ma ŋalau dau oc suṅ mbê têṅ lau andö. ¹⁸Têṅ têm dinaṅ aö wakêṅ aneṅ ŋalau têṅ aneṅ lau akiṅ awhê ma ṅgac hoṅ. Ma ṅac oc sêsôm yom asê sêtôm propet. ¹⁹Aö wakôm gêṅ dalö yêc umboṅ ma yêc nom bocdinaṅ, gêṅ dalö dac ti ya ma yawasu-ṅga. ²⁰Ac oc nem ganduc, ma ayö oc tikoc nditôm dac. Ma tiṅambu bêc atu oc meṅ sa, naṅ Pômdau mbu meṅ ti ṅawasi atu. ²¹Ma têṅ dinaṅ lau hoṅ naṅ sêta Pômdau ndê ṅaê, naṅ Anötö oc nem ṅac si.” [Joel 2:28-32]

²²Goc Pita sôm, “Mac lau Israel-ṅga, ṅṅö aneṅ yom dindéc pi Yisu Nasaret-ṅga. Iṅ ṅgac naṅ Anötö whê sa têṅ mac ṅa gêṅ dalö tidau-tidau. Mac aṅyalê su, bu iṅ kôm gêṅ dau yêc mac aṅôm-ṅga. ²³Ma tu lêṅ naṅ Anötö gauc gêm tidöṅ gwananṅ su-ṅga, dec Judas hoc Yisu asê ma kêṅ iṅ sip mac amam. Ma mac akêṅ iṅ têṅ lau Rom-ṅga naṅ sêsöc Anötö ndê yomsu ṅapu dom, bu sêndic iṅ pi a gicso dau, dec tôm mac daôm ac iṅ ndu. ²⁴Tigeṅ gitôm dom bu ṅaclai dambac ndu-ṅga ku iṅ dulu. Anötö kôc iṅ ndê ṅandê mbac ndu-ṅga su yêc iṅ, ma uṅ iṅ sa akêṅ lau batê-ṅga. ²⁵Dawid to yom pi Yisu bocdec bu:

Aö galic Pômdau kalhac aö aṅöṅ-ṅga ṅapaṅ. Aö oc wantitec dom, bu iṅ mbo aö amañ andö-ṅga. ²⁶Tu dinaṅ-ṅga dec aö atac ṅayham sa, ma gasôm yom ṅayham-ṅayham. Aö gauc gêm aneṅ ṅamlic, ma gakêṅ bataṅ ²⁷bu am oc tec aö wayêc sêhô ṅapaṅ dom. Mba! Am oc tec am nem ṅgac dabuṅ e iṅ ṅamlic tibalê dom. ²⁸Am tôc seṅ wandöc taṅli-ṅga asê têṅ aö, ma oc kêṅ aö walhac am aṅôm-ṅga ti atac ṅayham atu. [BW 16:8-11]

²⁹O asidôwai hac. Abañ Dawid sôm yom dinaṅ pi iṅ dau dom. Yac taṅyalê bu iṅ mbac ndu su ma sêṅsuhuṅ iṅ. Ma iṅ ndê sêhô yêc gameṅ dindéc e meṅ têṅ kwahic dec. ³⁰Magoc Anötö gic bata têṅ iṅ bu kêṅ iṅ ndê wakuc daṅ ndöc iṅ ndê pôṅ kiṅ-ṅga. Dawid dau kêyalê yom dinaṅ tidöṅ, ṅahu bu iṅ propet daṅ. ³¹Ma gêṅ naṅ oc hôc asê tiṅambu-ṅga, naṅ iṅ kêyalê gwananṅ su. Tu dinaṅ-ṅga iṅ sôm yom dinaṅ pi †Mesaya, ma sôm bu Anötö oc tec iṅ yêc sêhô dom, ma iṅ ndê ṅamlic oc tibalê dom. Mba! Mesaya tisa su. ³²Anötö uṅ Yisu sa mbo tali tiyham, ma iṅ ndê lau

yac alic su dec asôm asê. ³³Kwahic dec Anötö toc iñ sa ndöc iñ amba andô-nga, ma iñ kên Ñalau Dabuñ têt yac tòm Damba gic bata. Gêñ nan mac alic ti aņgô têt acsalô lec, nan Ñalau dau ndê gwelen ña-ñandô.

³⁴“Ma Dawid dau pi undambê gi dom, magoc iñ to yom yêc bocdec bu, ‘Anötö sôm têt aneñ Pômdau, “Am ndöc aö aman andô-nga ³⁵e nditôm aö wakêñ nem ñacyo sêsôc am gahim ñapu.”’ ³⁶Iñ to yom dau hêganônñ Yisu. Bocdinañ mac lau Israel-nga hoñ aņgô. Aņyalê pi ñandô, bu Yisu nan mac ac iñ ndu pi a gicso dau gi, nan Anötö toc iñ sa ti Pômdau, ma tóc asê bu iñ Mesaya dau.”

³⁷Pita ndê yom hoñ dinañ kuñ lau dau si ñalôm ñandô, dec sêsôm têt iñ ti lau aposel ñatô bu, “O asidôwai, yac dec oc akôm bocke?” ³⁸Ma Pita ô yom ma sôm, “Mac hoñ anem nem ñalôm kwi ma aliñ saņgu tu Yisu Kilisi ndê ñaê-nga, tu bu Anötö suc mac nem sac kwi-nga. Ma mac oc akôc mwasin nan Anötö gic bata, nan Ñalau Dabuñ dau. ³⁹Bu iñ gic bata Ñalau Dabuñ gic waê lau hoñ nan Pômdau yac neñ Anötö kêgalêm ñac sa. Gêñ dau gic waê mac ti mac nem balêkoc, ma lau hoñ nan kwahic dec sêmbo ahê ma tiñambu oc sêkên whiñ Yisu nan.”

⁴⁰Tiñambu Pita sôm yom daêsam ti gêm la ñac, ma kac ñac bocdec bu, “Anem daôm kwi têt Anötö bu nem mac si, dec mac oc andiñam awhiñ lau sac nan kwahic dec sêmbo nom, nan dom.” ⁴¹Ma têt bêc dau dinañ lau nan sêkên whiñ sêti daêsam, bu lau gitôm 3,000 sêkôc Pita ndê yom sa ma sêliñ busaņgu.

Lau sêkên whiñ-nga si lêt

⁴²Tôm bêc hoñ lau sêkên whiñ-nga sêpiñ dau dôn ti sêkên dañga yom nan aposel sêndôhôn têt ñac, ma ñac sêteñ mbec ti señ gêt sêwhiñ dau. ⁴³Aposel sêkôm gêt atu-tu ti gêt dalô daêsam, e lau Jerusalem-nga hoñ sêhêdaê. ⁴⁴Lau hoñ nan sêkên whiñ, nan sêndöc tigen ma sêyob si gêt hoñ sêwhiñ dau. ⁴⁵Ñac si lau ñatô bu sêpônnda dau, dec asidôwai ñatô oc sêkên si wapa ñatô ti gêt têt lau semlhi, goc sic sam ña-awa bu sênem lau nan sêpônnda dau, nan sa. ⁴⁶Tôm bêc hoñ sêkac dau sa sêmbo lôm dabuñ ñabatêmndô, ma yêc ñac si andu ñac señ gêt sêwhiñ dau ti atac ñayham, ma sêsôc Anötö ñapu ti si ñalôm sambuc. ⁴⁷Ñac sêmpiñ Anötö ma lau hoñ sêlic ñac ñayham dec sêtoc ñac sa. Ma tøm bêc hoñ Pômdau kôm lau wakuc sêkên whiñ, dec kôm gôlôwac dabuñ Jerusalem-nga kêsôwec tiatu.

Pita kôm ñgac bôliñ ñayham sa

3 ¹Têt bêc dañ Pita lu Jon sêñsêlên bu sêtên lôm dabuñ sêndi, têt acgatu gitôm 3 kilok telha-nga, nan lau Israel si têt sêteñ mbec-nga dañ. ²Ma ñgac dañ mbo, nan dinda kôc iñ tigahi tigołoñ. Tøm bêc hoñ lau sêmbalañ iñ si, sêkên iñ ndöc lôm dabuñ ñagamen kêpiñ gatam dañ

naŋ sêsam bu Gatam Ŋayham, ma iŋ teŋ gêŋ têt lau naŋ sêsôc sêsa. ³Têt ndoc iŋ gêlic Pita lu Jon sêmeŋ bu sêsôc sêndi, naŋ iŋ teŋ mone têt iŋlu. ⁴Pita lu Jon tahê iŋ, ma Pita sôm têt iŋ, “Tamhê alu.” ⁵Dec ŋgac dau tahê iŋlu, ma kêt bata bu oc sêkêt gêt têt iŋ. ⁶Goc Pita sôm têt iŋ, “Aô neŋ awa silba me gol bu wakêt têt am-ŋga mbasi, magoc gêt naŋ yêc aô, naŋ oc wakêt. Tu Yisu Kilisi Nasaret-ŋga ndê ŋaê-ŋga aô wasôm têt am bu êmsêlêt!” ⁷Ma Pita kêm iŋ têt amba andô-ŋga, keŋ iŋ sa, ma ŋagahô ŋambwa iŋ ndê hapa ti hagwam ŋayham sa. ⁸Iŋ pwê gi kalhac e kêsêlêt, goc sôc lôm dabuŋ ŋabatêmdö whiŋ iŋlu gi. Ma iŋ kêsêlêt ti pwê-pwê ma kêpiŋ Anötö. ⁹Lau hoŋ naŋ sêlic iŋ kêsêlêt ti kêpiŋ Anötö, ¹⁰naŋ sêŋyalê bu iŋ ŋgac teŋ gêt-ŋga naŋ muŋ-ŋga ndôc lôm dabuŋ ŋasactô yêc gatam naŋ sêsam bu Gatam Ŋayham. Ma sêhêdaê ti sêseŋ amba ŋandô tu iŋ ŋayham sa-ŋga.

Pita gêm mêtê mbo lôm dabuŋ ŋabatêmdö

¹¹Pita lu Jon sêlhac lôm dabuŋ ŋabatêmdö yêc gameŋ naŋ sêsam bu Solomon ndê Batêm, ma ŋgac teŋ gêt-ŋga dau sap iŋlu dôŋ ŋapaŋ. Ma lau hoŋ naŋ sêlic gêt dau sêsö, ma sênti sêtêt iŋlu si. ¹²Pita tahê ŋac ma sôm, “Mac lau Israel-ŋga! Tu sake-ŋga mac asô tu gêt dindec-ŋga ma tamhê alu ŋaŋga? Mac gauc gêm bocke? Alu mba ŋaclai ti mêtê gitêt dec kôm iŋ ŋgac dinaŋ ŋayham sa ma kêsêlêt, a? Wasôm têt mac, mba! ¹³Abraham lu Aisak ma Jakob si Anötö, yac neŋ abaŋi si Anötö, kôm gêt dindec tu bu po iŋ ndê ŋgac akiŋ Yisu ndê waê sa. Mac daôm akêt iŋ sip lau Rom-ŋga amba bu sêndic iŋ ndu. Pailot dau gauc gêm tidôt bu êŋgapwêc Yisu su, magoc mac atôc asê têt Pailot bu mac atec Yisu. ¹⁴Iŋ ŋgac dabuŋ ti gitêt, magoc mac atec iŋ, ma atet Pailot bu êŋgapwêc ŋgac naŋ gic ŋamalac ndu, naŋ su têt mac. ¹⁵Magoc ŋgac naŋ ti yac neŋ dandöc taŋli-ŋga ŋahu, naŋ mac ac iŋ ndu. Tigeŋ Anötö uŋ iŋ sa akêt lau batê-ŋga. Yac alic iŋ tisa su, dec asôm asê bu yomandô. ¹⁶Alic ŋgac dindec. Mac aŋyalê bu muŋ-ŋga iŋ ŋgac bôliŋ. Kwahic dec iŋ gahi ŋayham sa tu Yisu ndê ŋaê-ŋga, ŋaê naŋ yac akêt whiŋ. Yomandô! Iŋ ŋayham sa sambuc tu Yisu ndê ŋaê-ŋga ma tu yac akêt whiŋ Yisu-ŋga. ¹⁷“O asidôwai hac! Aô kayalê su bu mac ti nem lau bata Israel-ŋga nem gauc sa pi Yisu ndê ŋahu dom, dec mac ac iŋ ndu. ¹⁸Magoc lau propet hoŋ sêhoc Anötö ndê yom asê gwanŋ su, bu iŋ ndê Mesaya oc hôc ŋandê. Ma kwahic dec ŋac si yom dau ŋandô sa pi gêt naŋ mac akôm. ¹⁹Tu dinaŋ-ŋga dec wasôm têt mac bu apu daôm ma anem daôm kwi. Ma bocdinaŋ dec Anötö oc suc mac nem sac kwi. ²⁰Ma Pômdau ndê mwasiŋ oc puc mac nem gatôm dôŋ. Ma Anötö oc kêt Mesaya naŋ iŋ kêyaliŋ sa gwanŋ su, naŋ Yisu dau, naŋ mbu têt mac meŋ. ²¹Iŋ oc mbo undambê e tôm Anötö kôm gêt hoŋ tiwakuc tiyham, tôm iŋ hoc asê muŋ-ŋga ŋa iŋ ndê propet dabuŋ hoŋ whasuŋ. ²²Bu Moses to yom bocdec bu, ‘Pômdau

mac nem Anötö, oc ênyaliŋ ŋgac daŋ sa yêc lau Israel-ŋga, bu ti mac nem propet nditôm aö dauŋ. Ma yom hoŋ naŋ iŋ sôm, naŋ mac asôc ŋapu maŋ. ²³Lau naŋ sêkêŋ daŋga propet dinaŋ ndê yom dom, naŋ Anötö oc tiŋ ŋac su yêc iŋ ndê lau ŋatoŋ.’ ²⁴Moses to yom dinaŋ, ma Samuel ti propet hoŋ naŋ sêŋkuc iŋ, naŋ sêhoc yom asê gwanaj su pi gêŋ naŋ hóc asê têŋ têm dindec. ²⁵Yom naŋ lau propet sêhoc asê têŋ abanj, naŋ mac atap ŋa-ŋandô sa su. Ma pwac naŋ Anötö kêmatij whij abanj, naŋ bocdinaŋ. Bu Anötö sôm têŋ Abraham bu, ‘Lau nom-ŋga hoŋ oc sêtap mbec ŋamwasij sa yêc am nem wakuc.’ ²⁶Ma kwahic dec Anötö kêŋ ndê ŋgac akiŋ-ŋga meŋ. Iŋ têŋ mac lau Israel-ŋga muŋ, bu nem mac kwi ma ahu nem mêtê sac siŋ. Ma mac bu akôm bocdinaŋ, dec oc atap iŋ ndê mbec ŋamwasij sa.”

Sêkêŋ Pita lu Jon sêndöc gapocwalô

4 ¹Pita lu Jon sêsôm yom têŋ lau sêmbo, ma lau †dabuŋ-siga ti lau siŋ séyob lôm dabuŋ-ŋga si ŋgac bata, ma lau †Sadiusi ŋatô sêtêŋ iŋlu si. ²Ŋac sêŋgô bu Pita lu Jon sêndôhôn lau ma sêsôm têŋ ŋac bu Yisu tisa su, ma bu iŋ ti lau si ŋahu sêtisa akêŋ lau batê-ŋga. Ma iŋlu si yom dau kôm ŋac atac ŋandê. ³Tu dinaŋ-ŋga sêkôc iŋlu dôŋ, tigeŋ ŋasec sa su, dec sêŋlahi iŋlu ahuc bu sêndöc e bêbêc. ⁴Magoc lau daêsam naŋ sêŋgô yom naŋ Pita lu Jon sêsôm, naŋ sêkêŋ whij yom dau. Ŋac lau dau si laungac ŋambwa si namba gitôm 5,000.

⁵Galaŋsê bêbêc lau bata ma lau andô ti lau naŋ sêndôhôn yomsu sêkac sa yêc Jerusalem. ⁶Ma †dabuŋsiga ŋamata-ŋga Anas, ma Kayapas lu Jon ma Aleksanda ti lau ŋatô yêc dabuŋsiga ŋamata-ŋga ndê gôlôwac, naŋ sêmbo sêwhij ŋac. ⁷Sêkôc Pita lu Jon sêmeŋ sêlhac ŋac aŋgô-ŋga, goc sêŋsu iŋlu bocdec bu, “Amlu akôm gêŋ dindec am asa aŋgô, me akôc asa ndê ŋaclai dec akôm?” ⁸Têŋ dinaŋ Ŋalau Dabuŋ gêm Pita ahuc, dec sôm têŋ ŋac bu, “O mac lau bata ti lau andô Israel-ŋga! ⁹Kwahic dec mac bu aŋsu alu pi mwasiŋ naŋ akôm têŋ ŋgac bôliŋ dindec. Ma andac alu pi lêŋ iŋ ŋayham sa-ŋga. ¹⁰Mac lau bata, ti mac lau Israel-ŋga hoŋ aŋgô! Ŋgac dindec kalhac mac aŋôm-ŋga, naŋ ŋamlic ŋayham sa su tu Yisu Kilisi ndê ŋaê-ŋga. Iŋ ŋgac Nasaret-ŋga naŋ mac ac iŋ ndu pi a gicso dau. Magoc Anötö uŋ iŋ sa akêŋ lau batê-ŋga ma mbo tali tiyham. ¹¹Sêto yom pi Yisu naŋ yêc bocdec bu, ‘Hoc naŋ mac lau akwê andu-ŋga alic sac ma atec ndöc, naŋ kwahic dec ti hoc ŋamata-ŋga yêc andu dau.’ ¹²Aŋgô! Seŋ tigeŋ yêc bu yac lau nom-ŋga datap Anötö ndê mwasiŋ nem yac si-ŋga sa, naŋ datap sa tu Yisu ndê ŋaê-ŋ ga. Ŋaê daŋ yêc naŋ gitôm bu nem yac si-ŋga yêc dom. Mba andô!”

¹³Lau bata sêŋgô yom dinaŋ, ma sêŋyalê bu Pita lu Jon sêsôc lôm mêtê-ŋga daŋ dom, magoc sêŋyalê bu muŋ-ŋga iŋlu sêmbo sêwhij Yisu ŋapaŋ. Ma ŋac sêhêdaê bu iŋlu sêô lau si yom ti atac pa su. ¹⁴Magoc ŋgac bôliŋ naŋ ŋamlic ŋayham sa, naŋ kalhac whij iŋlu, ma tu dinaŋ-ŋga ŋac

si yom mba bu sêsôm. ¹⁵Bocdinaŋ sic atu iŋlu bu sêhu ŋac lau †Sanedrinaŋa siŋ ma sêkêŋ ŋasawa têtŋ ŋac bu sêsôm yom pi iŋlu. ¹⁶Goc sêsôm têtŋ dau bu, “Yac oc dakôm sake têtŋ ŋac lu dindê? Lau Jerusalem-ŋga hoŋ sêlic gêtŋ dalô atu naŋ iŋlu sêkôm su, ma yac oc dasêc ahuc nditôm dom. ¹⁷Lau hoŋ bu sêtŋgô ŋawaê pi gêtŋ dindêc, dec oc yham dom. Bocdinaŋ dakêtŋ yao ŋaŋga têtŋ iŋlu, bu sêsôm yom pi Yisu ma sêsam iŋ ndê ŋaê têtŋ lau tiyham dom.”

¹⁸Goc sêmbwêc iŋlu sêmbu sêmeŋ, ma sic yao iŋlu bu sêsôm yom ti sêndôhônŋ lau tu Yisu ndê ŋaê-ŋga tiyham dom. ¹⁹Magoc Pita lu Jon sêô ŋac awaha bocdec bu, “Mac gauc gêm bocke? Oc solop yêc Anötô aŋgô-ŋga bu alu asôc mac nem yom ŋapu, ma daŋaŋ wambu Anötô dom, a? ²⁰Mba! Alu atôm dom bu aŋgapic whaŋsuŋ tu gêtŋ naŋ alic ti aŋgô-ŋga.”

²¹⁻²²Lau bata sic yomsu iŋlu tiyham, goc sêkêŋ iŋlu sêsa si. Ŋac sêtôm dom bu sêtap lêtŋ sêmatôc iŋlu-ŋga daŋ sa. Ŋahu bu lau hoŋ sêmpinŋ Anötô tu iŋ kôm ŋac naŋ ndöc bôlinŋ yala daêsam su, naŋ ŋayham sa. Bu ŋac dau ndöc bôlinŋ ŋapaŋ e ndê yala gi tap 40 sa.

Lau sêkêŋ whiŋ-ŋga sêteŋ mbec

²³Sêtŋgapwêc Pita lu Jon su, ma iŋlu sêmbu sêtêtŋ lau sêkêŋ whiŋ-ŋga si, ma sic minŋ yom naŋ †dabuŋ-siga atu-tu ti lau bata sêsôm têtŋ iŋlu. ²⁴Sêtŋgô su, goc ŋac hoŋ sêteŋ mbec têtŋ Anötô bocdec, “O Ŋaclai Ŋadau Pômdau, am naŋ kêtŋ undambê ti nom ma gwêc ti gêtŋ hoŋ naŋ sêmbô ŋalôm. ²⁵Am daôm kêtŋ Ŋalau Dabuŋ hôc abaŋ Dawid awaha sa ma iŋ sôm, ‘*Tu sake-ŋga lau nom-ŋga sêli dau sa ma sêkic yom naŋ ŋandô mba?*’ ²⁶*Ma kinŋ ti gôlinŋwaga sêkac dau sa ma sêmatinŋ yom pitigenŋ bu sêseŋ Pômdau lu Mesaya naŋ iŋ kêtŋalinŋ sa, naŋ su.*’ ²⁷Dawid ndê yom dau ŋandô sa yêc malac atu dindêc. Bu †Herod lu Pontias Pailot, ma lau siŋ gameŋ apa-ŋga, ma lau bata Israel-ŋga sêkêŋ si gauc pitigenŋ bu sêseŋ am nem ŋac akiŋ-ŋga dabuŋ Yisu naŋ am kêtŋalinŋ iŋ sa ti Mesaya, naŋ su. ²⁸Gêtŋ naŋ am, Ŋaclai Ŋadau gauc gêm tidônŋ su, naŋ dec sêkôm ŋandô sa. ²⁹O Pômdau, lau dinaŋ sêsôm yom daêsam bu sêlhac yac ahuc. Magoc yac atenŋ am bu puc yac dôŋ bu ahoc am nem mêtê asê ti atac pa su. ³⁰Kêtŋ nem ŋaclai têtŋ yac bu akôm am nem gwelenŋ ma akôm lau gêmbac ŋayham sa, ma akôm gêtŋ dalô tidau-tidau tu am nem ŋac akiŋ-ŋga dabuŋ Yisu ndê ŋaê-ŋga.”

³¹Sêteŋ mbec dinaŋ su, goc gameŋ naŋ sêkac sa sêndöc naŋ kêtŋic dau. Ma Ŋalau Dabuŋ gêm ŋac hoŋ ahuc, ma ŋac sic hu sêsôm Anötô ndê mêtê asê ti atac pa su.

Lau sêkêŋ whiŋ-ŋga sêwêkainŋ gêtŋ toŋ tigenŋ

³²Lau sêkêŋ whiŋ-ŋga hoŋ sêkêŋ si ŋalôm ti gauc pitigenŋ. Ma ŋac si daŋ gêlic ndê gêtŋ tôm iŋ dau ndê dom. Hoŋ sêwêkainŋ gêtŋ toŋ tigenŋ.

³³Lau aposel sêhoc Pômdau Yisu tisa ñawaê asê ti ñaclai eñ, ma Anötö ndê mwasiñ kêsalê ñac hoñ ahuc sambuc. ³⁴Ñac si dañ pônnda dau tu gêñ dañ-ñga dom. Ñahu bu lau nañ sêwêkaiñ nom me andu, nañ sêkêñ si gêñ têtñ lau semlhi. Goc sêkôc ña-awa sa si, ³⁵ma sêkêñ têtñ aposel sêyob. Ma lau aposel sic sam gêñ dau têtñ lau sêpônnda dau-ñga tôm gi.

³⁶Ma ñgac dañ mbo, nañ meñ akêñ nduc Saipras. Iñ †Liwai ndê wakuc dañ, ma iñ ndê ñaê Josep. Magoc aposel sêsam iñ bu Banabas, nañ danem kwi bu ñgac puc lau dôñ-ñga. ³⁷Ñgac dau ndê nom dañ y êc, dec kêtñ têtñ lau semlhi, ma kôc ña-awa meñ kêtñ têtñ lau aposel.

Ananias lu Sapaira

5 ¹Ñgac dañ ñaê Ananias lu iñ nawhê Sapaira sêmbo, ma iñlu sêkêñ si nom dañ têtñ lau semlhi. ²Nom dau ña-awa dañga Ananias kêgamiñ yêc iñ-ñga, ma iñ nawhê Sapaira kêtñalê. Ma ñadañga nañ Ananias kêtñ têtñ lau aposel, ma kêsau bu nom dau ñaôli sambuc dinañ. ³Têtñ ndoc Pita gêlic awa dau, nañ sôm têtñ iñ bu, “Ananias, bocke dec Sadañ gêm am nem ñalôm ahuc e am gauc gêm bu êñsau Ñjalau Dabuñ, ma kêgamiñ nom ña-awa ñatô yêc am-ñga? ⁴Muñ-ñga am daôm ti ñadau nem nom, ma têtñ ndoc am kêtñ têtñ lau semlhi su, nañ am ti ñadau ña-awa dau bocdinañ. Magoc am kêtñ ñadañga têtñ yac ma kêsau bu nom dau ñaôli sambuc dinañ. Bocke dec am gauc gêm bu kôm gêñ boc-dinañ? Am kêsau ñamalac dom, am kêsau Anötö goc.” ⁵Têtñ têm Ananias ñgô yom dinañ, dec iñ hu dau sip nom gi ma mbac ndu yêc. Ma lau hoñ nañ sêñgô gêñ dau ñawaê, nañ sêtôc dau ñandô. ⁶Lau batac ñatô sêtêtñ Ananias si, sêmpan iñ ndê ñamlañ ahuc ma sêkôc sa si sêñsuhuj.

⁷Ñasawa gitôm acgatu tö giñga su, goc ñgac dau nawhê meñ ma gêm gauc gêñ nañ kôm iñ nakweñ. ⁸Ma Pita tôc mone dau têtñ iñ, goc ndac, “Lau semlhi amlu nam akweñ nem nom dañ, ma ñaôli dau dindec, me?” Ma awhê dau sôm bu, “Aêc, gêñ dau dindec.” ⁹Dec Pita sôm, “Bocke dec amlu nem ñalôm pitigeñ bu añsahê Pômdau ndê Ñjalau? Lic su nañ, lau nañ sêñsuhuj nam akweñ dec kwahic sêlhac andu ñasactô, bu sêmbalan am sa ndi whiñ.” ¹⁰Ma ñagahô ñambwa awhê dau ku sa yêc Pita gahi-ñga ma mbac ndu. Ma lau batac sêsôc si ma sêlic bu iñ mbac ndu su, dec sêkôc iñ sa si ma sêñsuhuj iñ whiñ nakweñ. ¹¹Ma lau sêkêñ whiñ-ñga hoñ, ti lau ñatô nañ sêñgô gêñ dau ñawaê, nañ hoñ sêsô ma sêtôc dau ñandô.

Aposel sêkôm gêñ dalô daêsam

¹²Têtñ ñasawa dinañ lau aposel sêkôm gêñ dalô ti gêñ atu-tu daêsam yêc lau sêkêñ whiñ-ñga si toñ ñalôm. Ma lau sêkêñ whiñ-ñga êlêmê sêkac dau sa sêmbo lôm dabuñ yêc gameñ nañ lau sêsam bu Solomon ndê Batêm. ¹³Lau hoñ sêlic ñac ñayham ma sêtoc ñac sa, tigeñ tu lau bata

Israel-nga dec sêtoç dau bu sêlhac sêwhiņ ĩac. ¹⁴Magoc launġac ti lauwhê daêsam sic hu sêkêņ whiņ Pômdau, dec lau sêkêņ whiņ-nga si namba kêsôwec tiatu ĩapan. ¹⁵Tu ġêņ atu-tu naņ lau aposel sêkôm-nga, dec lau sêhoņ si lau ġêmbac sêsa malac lôm sêmeņ ma sêkêņ ĩac sêyêc sac ti mbô. ĩac sêkêņ bata bu Pita oc êņsêlêņ meņ ma êmasec lau ġêmbac me mboe ac kêņ ĩņ ndê gatu nem ayuņ lau ġêmbac ma kôm ĩac ĩayham sa. ¹⁶Ma lau daêsam akêņ malac naņ sêyêc Jerusalem ĩamakê, naņ sêhoņ lau ġêmbac ti lau naņ ĩalau sac sêkôm ĩac sêtisac, naņ sêmeņ ma lau aposel sêkôm ĩac hoņ ĩayham sa.

Sêkêņ aposel sêndôc ġapocwalô tiyham

¹⁷Têņ dinaņ dabuņsiga ĩamata-nga ti ĩņ ndê lau hoņ akêņ Sadiusi si toņ sem lêmuņ lau aposel ĩandô. ¹⁸Tu dinaņ-nga dec sêkôc ĩac dôn ma sêkêņ ĩac sêndôc ġapocwalô. ¹⁹Tiġeņ têņ ôbwêc Pômdau ndê aņela ġêlêc andu ġapocwalô-nga ĩagatam su ma wê ĩac sêsa si. ²⁰Ma ĩņ sôm têņ ĩac bu, “Andi alhac lôm dabuņ ĩabatêmdô, ma ahoc yom asê timala eņ têņ lau, pi lau sêkêņ whiņ-nga si lêņ wakuc.” ²¹Sêņġô aņela ndê yom dinaņ su, dec bêbêc ġanduc sêtêņ lôm dabuņ si ma sic hu sêndôhôn lau.

Têņ ndoc dinaņ dabuņsiga ĩamata-nga ti ĩņ ndê lau sêmbwêc lau bata Sanedrin-nga hoņ sa sêpitigeņ bu sêmatôc aposel si yom. Ģoc sêņkiņ lau ĩatô sêtêņ ġapocwalô si bu sêkôc lau aposel sa sêmeņ. ²²Magoc têņ ndoc lau dau sêhôc asê ġapocwalô, naņ sêlic bu aposel aņġô mba. Ģoc sêmbu si ma sêsôm bu, ²³“Yac a alic bu sêņlahi ġatam ahuc ĩapep ma lau sêyob ġatam sêlhac. Dec yac alêc ġatam su magoc alic bu ĩac sêndôc dom.”

²⁴Lau siņ sêyob lôm dabuņ-nga si ĩġac bata, ma dabuņsiga atu-tu sêņġô yom dau e sêpônđa ġauc. ²⁵Sêhê ġauc sêmbo ma ĩġac daņ meņ ma sôm têņ ĩac bu, “Alic su naņ! Lauņġac naņ mac akêņ ĩac sêndôc ġapocwalô, naņ kwahic dec sêlhac lôm dabuņ ĩamakê ma sêndôhôn lau sêmbo.”

²⁶Ģoc lau siņ-nga naņ sêyob lôm dabuņ ti ĩac si ĩġac bata sêtêņ lôm dabuņ si, ma sêkôc aposel sa sêmeņ. ĩac sêwê ĩac malô ma sêņsahic ĩac dom, ĩahu bu sêtoç dau bu lau naņ sêtoç aposel sa, naņ oc sêtuc ĩac ĩa hoc. ²⁷Sêwê aposel sêmeņ ma sêkêņ ĩac sêlhac lau Sanedrin-nga aņġô-nga bu dabuņsiga ĩamata-nga êņsu ĩac. ²⁸ĩņ sôm têņ ĩac bu, “Y ac ac yao mac ĩaņġa bu andôhôn lau pi ĩġac dinaņ ma asôm ĩņ ndê ĩaê asê tiyham dom. Magoc mac nem yom pi ĩņ ġêm Jerusalem ahuc su. Mac bu ahê ĩamalac dinaņ ndê dac meņ pi yac, a?”

²⁹Dec Pita ti aposel sêô ĩņ awha ma sêsôm bu, “Yac daņaņ wambu Anôtô ndê yom hôc ġêlêc ĩamalac si yom su, ac ĩawaê. ³⁰Mac daôm ac Yisu ndu pi a, tiġeņ abaņi si Anôtô uņ ĩņ sa mbo tali tiyham. ³¹Ma Anôtô toc ĩņ sa ma kêņ ĩņ ndôc ĩņ ndê andô-nga ti Kiņ, ma ti ĩadau Nem Lau Si-nga. ĩņ kôm bocdinaņ, ĩahu bu ĩņ bu kêņ ĩasawa têņ lau Israel-nga bu sêkac si ĩalôm kwi, dec ĩņ oc suc ĩac si sac kwi. ³²Yom dinaņ yac alic

ḡandô su, dec asôm asê. Ma Ɔjalau Dabuḡ puḡ yom dau dôn bocdinaḡ. In Ɔjalau naḡ Anötö kên tēḡ lau naḡ danḡa wambu in ḡapep.”

³³Lau bata Israel-ḡga dinaḡ sēḡḡô aposel si yom dau e ḡêli ḡac ḡalôm sa sac andô, ma ḡac tac whiḡ bu sēndic aposel ndu. ³⁴Tigeḡ lau Sanedrin-ḡga si ḡḡac bata dan tisa bu lhac ḡac ahuc. In Palêsaḡ dan ḡaê Gamaliel, naḡ kêdôhôn yomsu, ma lau hoḡ sêtoc in sa. In ḡic atu yom bu sêkên aposel sêsa awê sēndi sēmbu ḡasawa sauḡ. ³⁵Goc in sôm tēḡ lau bata hoḡ, “Mac lau Israel-ḡga, akôc gauc ḡapep pi ḡêḡ naḡ mac bu akôm tēḡ lau dinaḡ. ³⁶Gauc nem Teudas, ḡḡac naḡ ḡasawa apê ḡi su toc dau sa bu ḡḡac tiwaê. Magoc lau siḡ Rom-ḡga sic in ndu, ma lau 400 naḡ sēmbu sêwhiḡ in, naḡ sēmbulu ḡac sêlhô tēḡtēḡ si. Ma in ndê gwelēḡ hoḡ hê su. ³⁷Ma tēḡ tēm sêsê lau sa tu bu sēnemlhi takis-ḡga, naḡ ḡḡac Galili-ḡga dan ḡaê Judas tisa. In ḡêli lau toḡ dan sa bu sêkên kisa lau Rom-ḡga. Magoc in ḡiḡga bocdinaḡ, ma in ndê lau hoḡ sêlhô tēḡtēḡ. ³⁸Bocdinaḡ kwahic dec aô b u wasôm aneḡ ḡalôm asê tēḡ mac. Ahu lau aposel dindê siḡ ma akên ḡac sêlhô sēndi. Ɔḡac si gwelēḡ bu meḡ akên ḡamalac ḡambwa si, ḡitôm Teudas lu Judas si gwelēḡ, dec oc tôm dom bu nem ḡandô. ³⁹Tigeḡ ḡac si gwelēḡ bu meḡ akên Anötö ndê, dec oc atôm dom bu alhac ḡac ahuc. Ma mac bu akên kisa ḡac, dec mac oc akên kisa Anötö dau.”

⁴⁰Lau bata hoḡ sēḡḡô in ndê yom ma sêsôc ḡapu. Ɔḡac sēmbwêc aposel sêsôc sēmeḡ ma sêkên lau siḡ-ḡga sêhi ḡac ḡa sô. Ma sêkên yao bu sēnem mêtê pi Yisu tiyham dom, goc sêkên ḡac sêsa si. ⁴¹Aposel sêhu lau bata Sanedrin-ḡga siḡ, ma sêsa si ti atac ḡayham atu. Ɔḡahu bu Anötö kên ḡac sêhóc ḡawapac ti ḡandê tu Yisu ndê ḡaê-ḡga, dec toc ḡac sa. ⁴²Ma tôm bêc hoḡ sēndôhôn lau sēmbu lôm dabuḡ ḡabatēmndô, ma sēndôhôn lau sêlom-sêlom andu. Ma sêhoc ḡawaê ḡayham asê ḡapaḡ ma sêsôm bu Yisu in Mesaya dau.

Sēḡyaliḡ lau 7 sa bu sēndic sam ḡêḡ daneḡ-ḡga

6 ¹Lau sêkên whiḡ Yisu-ḡga si toḡ kêsôwec ḡapaḡ. Magoc tēḡ tēm dinaḡ ḡawapac dan ḡoc asê. Yêc toḡ dau ḡalôm lau Israel-ḡga naḡ sêsôm lau Griḡ awha, naḡ sêtuḡdiḡ lau Israel-ḡga naḡ sêsôm Yom †Hibru. Ɔḡahu bu tôm bêc hoḡ lau sic sam ḡêḡ daneḡ-ḡga tēḡ lau naḡ sêpônḡa dau, magoc tandô toḡ lauwhê sawa naḡ sêsôm Yom Griḡ. ²Tu dinaḡ-ḡga aposel 12 sēmbwêc lau sêkên whiḡ-ḡga hoḡ sêpitigeḡ, ma sêsôm, “Yham dom bu yac ahu Anötö ndê gwelēḡ ḡawaê ḡayham-ḡga siḡ tu ayob gwelēḡ andic sam ḡêḡ-ḡga. ³Bocdinaḡ asidôwai, aḡyaliḡ lauḡḡac 7 sa yêc toḡ dindec ḡalôm, naḡ lau tigauc ma Ɔjalau Dabuḡ ḡêm ḡac ahuc. Ma lau dinaḡ yac oc dakên ḡac sêyob gwelēḡ dindec. ⁴Ma yac dauḡ oc akôm gwelēḡ anem mêtê ti atēḡ mbec-ḡga ḡapaḡ.”

⁵Lau hoḡ sēḡḡô ḡac si gauc dinaḡ ma sêlic ḡayham. Bocdinaḡ ḡac sēḡyaliḡ lau 7 sa, naḡ si ḡaê bocdec. Steven, in ḡḡac naḡ Ɔjalau Dabuḡ

gêm in ahuc ma kêñ whin ñanğa, ma Pilip, Prokoras, Nikanor, Timon, Pamenas, ma Nikolas nan ndê malachu Antiok. Nikolas in ñgac Israel-ña dom, magoc muñ-ña in gêm dau kwi ma gêm akiñ Anötö kêkuc lau Israel-ña si sakiñ akwa. ⁶Ñac sêkên lau 7 dau sêlhac aposel anğô-ña, ma aposel sêteñ mbec ma sêkên amba sac ñac.

⁷Tên ñasawa dinañ Anötö ndê mêtê tiapa, ma lau Jerusalem-ña daêsam sêkên whin Yisu. Ma dabuñsiga Israel-ña daêsam sêkên whin bocdinañ.

Sêkôc Steven dôn

⁸Steven in ñgac nan Anötö ndê mwasin ti ñac lai gêm in ahuc, ma kôm gên atu-atu ti gên dalô mbo lau ñalôm. ⁹Magoc lau akên lau Israel-ña si toñ dañ sic hu sêkên kisa in. Ñac lau dinañ sêmeñ akên malac Sairin ti Aleksandria ma akên gameñ Silisia ti Esia-ña. Muñ-ña ñac lau akiñ ñambwa, magoc tiñambu si ñadaui sêhu ñac siñ yêc si sakiñ, ma êlêmê sêkac sa sêmbu dau si lôm wê-ña dañ. Ñac sêpu Steven ti in ndê yom. ¹⁰Magoc tu Steven ndê gauc ti yom nan ñalau Dabuñ kên tên in-ña, dec ñac sêtôm dom bu sêku in ndê yom dulu.

¹¹Tu dinañ-ña ñac sêkôc lau ñatô ma sêkic yom gelec sêwhin ñac, bu ñac oc sêtisa ma sêngôlin yom pi Steven bocdec bu, “Yac anğô Steven sôm yom sac-sac pi Moses ma pi Anötö.” ¹²Goc ñac sêsôm yom dau e gêli lau hoñ si ñalôm sa, ma lau bata ti lau nan sêndôhôn yomsu-ña sêwhin. Goc sêkôc in dôn ma sêwê in e sêkên in kalhac lau Sanedrin-ña si anğô-ña. ¹³Goc sêkên lau tasan ñatô sêtisa ma sêsôm, “In ñgac dindec sôm yom ñapan bu êngwiniñ yac neñ lôm dabuñ ma Anötö ndê yomsu. ¹⁴Yac anğô in sôm bu Yisu Nasaret-ña oc señ gameñ dindec su, ma kên ñagôlin wakuc ô mêtê nan Moses gic dulu tên yac.” ¹⁵Tên dinañ lau hoñ nan sêndôc Sanedrin si toñ, nan tahê Steven, ma sêlic bu in ndê anğô andô ñawasi gitôm aña dañ ndê.

Steven sôm yom tên lau Sanedrin-ña

7 ¹Ma dabuñsiga ñamata-ña ndac in bu, “Yom dindec nan sêngôlin pi am, nan yom ñandô, me mba?” ²Ma Steven ô yom ma sôm, “Asidôwai ti damañi. Anğô su nan! Muñ-ña lê abañ Abraham ndôc Mesopotemia, in tên malac Haran gi su dom, ma Anötö ñawê ñadau hoc dau asê tên in. ³Ma sôm tên in, ‘Hu nem gameñ ti am nem lau siñ, ma tên gameñ dañ nan aö bu watôc tên am, nan ndi.’ ⁴Bocdinañ in hu lau Saldi si gameñ siñ, ma sa gi ndôc Haran. Tiñambu in damba mbac ndu su, goc Anötö kêkin Abraham bu tên gameñ dindec nan kwahic dec mac andôc, nan meñ. ⁵Tigeñ in kên nom tên Abraham wêkaiñ yêc gameñ dindec dom. Mba, Abraham dau tap nom sauñ dañ sa dom! Tên ndoc dinañ Abraham ndê balêkoc mba, magoc Anötö kêmatiñ yom tidôn tên

in, bu in ti in ndê lau wakuc oc sêwêkainj gameŋ dau. ⁶Ma Anötö sôm têt in bu, ‘Am nem wakuc oc sêhu gameŋ dindec siŋ ma sêndöc sêtôm lau apa yêc lau daŋ si gameŋ. Ma ŋac oc sênem akinj lau dau, ma lau dau oc sêkôm ŋac ŋayom nditôm yala 400. ⁷Magoc tiŋambu aö oc wakêtŋ ŋagêyô têt lau gameŋ dinaŋ-ŋga naŋ sem akinj ŋac, ma am nem wakuc oc sêhu gameŋ dinaŋ siŋ ma sêmbu sêmeŋ sênem akinj aö yêc gameŋ dindec.’ ⁸Ma Anötö kêtŋ †pwac sêsê lauŋgac si ŋamlic ŋatö su-ŋga têtŋ Abraham. Tiŋambu Abraham kwê ndê atungac Aisak asê, ma sê in ndê ŋamlic ŋatö su têtŋ in ndê bêc ti-8-ŋga. Aisak dau kwê Jakob asê, ma Jakob kwê yac neŋ abaŋi 12 asê, naŋ sêti yac neŋ gôlôwac Israel-ŋga toŋ 12 si ŋahu. ⁹Josep in abaŋi 12 si daŋ, magoc dôwai sem lêmuŋ in, dec sêkêtŋ in têtŋ lau semlhi. Ma lau dau sêkôc in sa sêsip gameŋ Isip-ŋga si, ma in mbo gameŋ dinaŋ tôm ŋgac akinj ŋambwa daŋ. Magoc Anötö mbo whiŋ Josep, ¹⁰dec gêm in si yêc ŋawapac bocke naŋ tap in sa. In kêtŋ gauc ŋayham-ŋayham têtŋ in dec lau Isip-ŋga si kinj Parao gêlic in ŋayham, ma kêtŋ in gêm gôlinj gêtŋ hoŋ yêc in ndê andu kinj-ŋga, ma gameŋ Isip-ŋga sambuc. ¹¹Tiŋambu tóbôm gêm Isip ma Kanan ahuc e lau sêhóc ŋawapac atu, ma abaŋi sêpônda gêtŋ sêneŋ-ŋga. ¹²Jakob ŋgô ŋawaê bu gêtŋ daneŋ-ŋga yêc Isip, dec kêkinj ndê atui sêsip Isip si. Têm ŋamata-ŋga dinaŋ sêsip si ma semlhi gêtŋ daneŋ-ŋga, ma sêmbu sêmeŋ. ¹³Tiŋambu in kêkinj ŋac sêsip Isip si tiyham, ma têtŋ dinaŋ Josep sôm dau asê têtŋ ndê asidôwai, ma Parao ŋgô ŋawaê pi Josep ndê gôlôwac. ¹⁴Goc Josep kêkinj yom têtŋ in damba Jakob ti in ndê lau ŋatö, bu ŋac hoŋ sêsip Isip sêtêtŋ in sêndi. ŋac lau dinaŋ lau 75. ¹⁵Bocdinaŋ Jakob ti yac neŋ abaŋi sêsip Isip si, ma sêndöc e sêmbac ndu sêyêc gameŋ dinaŋ. ¹⁶Ma tiŋambu ŋac si lau wakuc sêkôc ŋac si ŋakwa su yêc Isip bu sêŋsuhuŋ ŋac yêc malac Sekem, sêyêc sêhó naŋ Abraham gêmli su yêc Hamo ndê atui.

¹⁷“Tiŋambu, ndoc meŋ kêpiŋ bu yom naŋ Anötö gic bata têtŋ Abraham, naŋ ŋandô sa. Têtŋ têtŋ dinaŋ lau Israel-ŋga naŋ sêndöc Isip, naŋ sêti daêsam ŋandô. ¹⁸Magoc kinj wakuc daŋ gêm gôlinj Isip, naŋ kêyalê Josep dom. ¹⁹In yob yac neŋ abaŋi solop dom, ma kêtŋ ŋawapac atu têtŋ ŋac. In gic yomsu ŋac bu sêmbalinj balêkoc wakuc hoŋ siŋ sêniŋga. ²⁰Têtŋ ndoc dinaŋ Moses dinda kôc in, ma Anötö gêlic in ŋayham. ŋac sêlôm in sêmba damba ndê andu gitôm ayô tö. ²¹Tiŋambu sêkôc in sa si ma sêsip in, ma malô goc Parao ndê atuwê tap in sa ma gôlôm in ti ndê balêkoc. ²²Ma bocdinaŋ dec Moses sôc lôm bapia ma kêdôhôn lau Isip-ŋga si gauc hoŋ. Ma in ti ŋgac ŋaŋga tu sôm yom ma kôm gwelenj-ŋga. ²³In mbo e in ndê yala ti 40 su, ma bêc daŋ in gauc gêm bu sa ndi lic ndê asidôwai Israel-ŋga. ²⁴Têtŋ ndoc dinaŋ in gêlic ŋgac Isip-ŋga daŋ kôm ŋgac Israel-ŋga daŋ ŋayom. Dec in gic ŋgac Isip-ŋga dinaŋ ndu bu nem in ndê asidôwa dinaŋ si. ²⁵In gauc gêm bu mboe in ndê asidôwai oc sêŋyalê bu Anötö kêyalin in sa bu nem ŋac sa, magoc mba. ŋac sem gauc.

²⁶Ɔagalansê in sa gi tiyham ma gêlic Israel lu sic dau sêmbô. In bu nem malô inlu, dec sôm, ‘Amlu asidôwa, ma tu sake-nga dec akên kisa daôm?’
²⁷Magoc ngac lu dau si dan, nan bu kôm ndê asidôwa tisac, nan suc Moses sa gi, ma sôm, ‘Asa kên am bu nem gôlin ma êmatôc yac?’
²⁸Bocke? Am bu ndic aô ndu gitôm am gic ngac Isip-nga dan têt alhabêc, a?’

²⁹“Têt ndoc Moses ngô yom dinan, nan in kôlhô têt gamej Midian-nga gi, ma ndôc dinan gitôm ngac apa. Ma yêc dinan in gêm awhê sa ma kwê balêkoc ngac lu asê. ³⁰Yala 40 giŋga su, goc aŋela dan hoc dau asê têt in ŋalên bocdec. Moses mbo Lôc †Sainai yêc gamej sawa, ma gêlic ya ŋawahô golom sa a sauŋ dan. ³¹Gên dau kôm in sô ma gauc gêm yom daêsam. In tigasuc gi bu lic gêŋ dau, dec ngô Pômdau awha sa têt in meŋ bocdec bu, ³²‘Am apami Abraham lu Aisak ma Jakob si Anötö aô.’ Moses ngô yom dau e kêtitec ŋandô ma töc dau bu hôc tandô sa ma lic tiyham. ³³Goc Pômdau sôm têt in, ‘Kôc nem atapa su yêc gahim, bu gamej nan am kalhac, nan gamej dabuŋ. ³⁴Aô galic su bu aô neŋ lau sêmbô sac yêc Isip. Aô ganŋô ŋac si danŋi, madec gasip gamej bu wangaho ŋac su yêc ŋawapac dau. Bocdinaŋ kwahic dec aô oc wanŋin am mbu têt Isip ndi.’ ”

³⁵Steven gic miŋ yom dinan, goc sôm, “Aô wasôm têt mac, bu Moses in ngac dau, nan muŋ-nga lau Israel-nga sêtec in ti sêsôm in bocdec bu, ‘Asa kên am bu nem gôlin ti êmatôc yac?’ Tigeŋ Anötö dau ndê aŋela hoc dau asê têt in yêc a sauŋ dinan, ma kêkin in bu nem gôlin lau Israel-nga ma kôc ŋac su yêc gamej Isip-nga. ³⁶Bocdinaŋ in kôc ŋac sêsa akên Isip sêmeŋ. Têt ndoc dinan in kôm gêŋ dalô ti gêŋ atu-tu daêsam yêc gamej Isip-nga, ma yêc gwêc nan sêsam bu Gwêc Koc. Ma in kôm gêŋ dalô tidau-tidau yêc gamej sawa tôm yala 40.

³⁷“In Moses dau dinan goc sôm têt lau Israel-nga bu, ‘Anötö oc tôc ngac dan yêc mac nem toŋ ŋalôm, ti propet nditôm aô danŋ.’ ³⁸Moses mbo whin lau Israel-nga têt ndoc sêmbô gamej sawa. In kalhac aŋela nan sôm yom têt in yêc Lôc Sainai, ma yac neŋ abaŋi ŋalhu, bu kôc Pômdau ndê yom dandôc taŋli-nga ma kên têt lau Israel-nga. Ma lau dau sic yom dau dulu e meŋ têt yac. ³⁹Magoc yac neŋ abaŋi sêtec bu sêsôc in ŋapu. Inac sêpu in ma ŋac si ŋalôm gauc gêm gamej Isip-nga ŋapaŋ, e ŋac atac whin bu sêmbu sêndi. ⁴⁰Têt ndoc Moses mbo Lôc Sainai ŋasawa baliŋ, nan ŋac sêsôm têt Aron bu, ‘In ngac Moses dinan, kôc yac sa asa yêc Isip amên, ma kwahic dec yac am gauc gêŋ bocke hôc asê in. Bocdinaŋ êmasaŋ anötöi gwam bu sêwê yac.’ ⁴¹Têt ndoc dinan ŋac sêmasaŋ makao ŋagatu ti gwam, goc sêndê mwasin atu dan tu bu sêtoc gêŋ dau sa-nga. Inac sêkên da têt gwam dau, ma atac ŋayham kêlêc pi gêŋ nan ŋac dau amba sêmasaŋ. ⁴²Tu dinan-nga dec Anötö puc dômbwê ŋac ma hu ŋac sin bu sênem akiŋ tata ti gêŋ umbon-nga. Lau propet sêto yom pi ŋac si mêtê dau bocdec bu:

O mac lau Israel-nga. Yala 40 dinan mac ambo gamej sawa, nan mac akên nem gêŋ dan ti da têt aô dom. Mba! ⁴³Mac êlêlê

ambalaŋ bac po daŋ tu anem akiŋ mac nem anötö tasaŋ Molek-nga. Ma mac am akiŋ tata daŋ ɲaê Repa ti mac nem anötö, ma apôŋ hamduc têtŋ anötöi gwam daêsam naŋ mac amasaŋ. Tu dinaŋ-nga aö watiŋ mac su andi andöc gameŋ Babilon-nga ɲadaŋga tôm lau gapocwalô-nga. *[Amos 5:25-27]*

⁴⁴Yêc gameŋ sawa, Anötö whê sa ti tôte lêtŋ têtŋ Moses bu lau Israel-nga sêmasaŋ †bac dabuŋ daŋ ti ɲac si gameŋ sênem akiŋ iŋ-nga, naŋ sêkêtŋ †apa yomsu-nga yêc ɲalôm. Iŋ kêmasaŋ gêtŋ dau tôm Anötö tôte asê têtŋ iŋ, ma abaŋi sêmbalaŋ gêtŋ dau whiŋ ɲac, têtŋ ndoc ɲac sêŋsêlêtŋ si. ⁴⁵Ŋalêtŋ dau dinaŋ Anötö kêtŋ ndê bac dabuŋ têtŋ lau Israel-nga yêc gameŋ sawa. Tiŋambu Anötö soc lau naŋ sêndöc gameŋ Kanan-nga su, bu kêtŋ gameŋ dau têtŋ ɲac. Ma têtŋ ndoc Josua wê ɲac sêsöc gameŋ Kanan-nga si, naŋ sêmbalaŋ bac dabuŋ dau whiŋ ɲac. Ma bac dau kalhac whiŋ ɲac e Dawid ndê têtŋ. ⁴⁶Anötö gêlic Dawid ɲayham, ma Dawid tac whiŋ bu kwê lôm daŋ sa ti Jakob ndê Anötö ndê andu ɲandô. ⁴⁷Magoc Dawid kwê andu dau dom, iŋ ndê atuŋgac Solomon kwê andu dau sa. ⁴⁸Tigeŋ kwahic dec aö wasôm têtŋ mac bu Anötö Ŋaclai ti Ŋawasi Ŋadau, iŋ ndöc andu naŋ ɲamalac sêkwê, naŋ dom. Tôm yom naŋ propet Aisaya to bocdec bu:

⁴⁹Pômdu sôm, ‘Undambê ti aneŋ pôtŋ kiŋ-nga, ma gameŋ nom-nga ti gameŋ gahiŋ lhac-nga. Bocdinaŋ mac oc akwê andu kaiŋ bocke tu bu wandöc-nga? Me amasaŋ gameŋ bocke tu waŋwhaŋ dauŋ-nga?’

⁵⁰Bu aö dauŋ gakêtŋ gêtŋ hoŋ dinaŋ.’” *[Ais 66:1-2]*

⁵¹Têtŋ dinaŋ Steven sôm têtŋ ɲac lau Sanedrin-nga bu, “Mac lau ɲalôm ɲadandi-nga. Mac am daôm kwi dom, ma mac nem daŋamsuŋ kwa ɲaŋga. Mac nem mêtê gitôm apami si. Mac êlêmê atec Ŋalau Dabuŋ ndê gwelen. ⁵²Mac nem apami sêkêtŋ kisa propet hoŋ naŋ Anötö kêtŋ. Ma propet naŋ sêhoc yom asê pi ɲgac gitêtŋ nem lau si-nga naŋ Anötö oc êŋkiŋ meŋ, naŋ apami sic ɲac ndu. Ŋgac gitêtŋ dau meŋ su, magoc mac akêtŋ iŋ sip lau Rom-nga amba ma ac iŋ ndu. ⁵³O mac lau daôm! Mac daôm aköc Anötö ndê yomsu naŋ aŋela sêkêtŋ têtŋ abaŋi, naŋ su, tigeŋ asöc ɲapu dom!”

Sêtuc Steven ɲa hoc mbac ndu

⁵⁴Têtŋ ndoc lau Sanedrin-nga sêŋgô Steven ndê yom dinaŋ, naŋ ɲac atac ɲandê atu ma sêseŋ lhô tu iŋ-nga. ⁵⁵Magoc Ŋalau Dabuŋ gêm Steven dau ahuc, ma iŋ tatac undambê ma gêlic Anötö ndê ɲawasi, ma Yisu kalhac Anötö amba andô-nga. ⁵⁶Dec iŋ sôm, “Alic su naŋ! Aö galic undambê kac sa ma †Ŋamalac ndê Atu kalhac Anötö ndê amba andô-nga.” ⁵⁷Ŋac sêŋgô yom dinaŋ goc sêpöc daŋgasuŋ ahuc, ma sêmbwêc atu pi gi. Ŋac sênti sêtêtŋ iŋ si, ⁵⁸ma sêtŋ iŋ sa malac ɲamakê gi, ma sic hu sêtuc iŋ ɲa hoc. Lau naŋ sêŋgôliŋ yom pi Steven, naŋ sêkac si ɲakwê bambaliŋ su, ma sêkêtŋ têtŋ ɲgac wakuc daŋ ɲaê Saul bu yob. ⁵⁹Ŋac sêtuc

hoc pi Steven sêmbu, ma iŋ tenj mbec têtj Pômdau bocdec, “O Pômdau Yisu, kôc anej gatuŋ sa loc.” ⁶⁰Goc iŋ peŋ ŋa haduc-ŋga sip gi ma mbwêc atu bu, “Pômdau, gauc nem sac naŋ lau sêkôm têtj aô, naŋ dom.” Iŋ sôm su, goc mbac ndu.

8 ¹⁻²Saul gêlic Steven mbac ndu ma atac ŋayham tu gêtj naŋ lau dau sêkôm têtj iŋ-ŋga. Ma tiŋambu lau sêkêtj whiŋ ŋaŋga-ŋga ŋatô sêŋsuhuj Steven ma sêtaŋ iŋ.

Saul ma lau Israel-ŋga sêkêtj kisa lau naŋ sêkêtj whiŋ Yisu

Têtj bêc dau dinaŋ lau sic hu sêkêtj kisa ŋaŋga têtj lau sêkêtj whiŋ-ŋga naŋ sêmbu Jerusalem. Tu dinaŋ-ŋga ŋac si lau daêsam sêhu Jerusalem siŋ ma sêlhô têtjtêtj sêtêtj gameŋ Judia ti Samaria-ŋga si. Magoc lau aposel sêhu Jerusalem siŋ dom. ³Ma Saul bocdinaŋ gic hu bu seŋ lau sêkêtj whiŋ Yisu-ŋga. Iŋ kêsalê ŋac tôm andu, goc hê ŋac sêsa si ma kêtj ŋac sêndôc gapocwalô, laujgac sêkêtj whiŋ-ŋga, ma lauwhê bocdinaŋ.

Pilip gêm mêtê mbo Samaria

⁴Lau sêkêtj whiŋ-ŋga naŋ sêhu Jerusalem siŋ ma sêlhô têtjtêtj, naŋ sêhoc ŋawaê ŋayham pi Yisu asê, yêc malac hoŋ naŋ sêhóc asê naŋ. ⁵Pilip têtj malac atu daŋ yêc gameŋ Samaria-ŋga gi, ma gêm mêtê yêc dindê ma whê sa bu Yisu iŋ Mesaya dau. ⁶Lau daêsam sêŋgô Pilip ndê yom ti sêlic gêtj dalô naŋ iŋ kôm, dec sêkêtj daŋga iŋ ndê yom ŋapep. ⁷Pilip soc ŋalau sac daêsam su sêsa yêc lau ti sêmbwêc atu. Ma iŋ kôm lau bôliŋ daêsam ŋayham sa. ⁸Tu dinaŋ-ŋga lau daêsam yêc malac atu dinaŋ atac ŋayham atu.

Saimon, ŋgac balô

⁹ŋgac daŋ mbo malac dinaŋ, naŋ ndê ŋaê Saimon. Tôm ŋasawa baliŋ iŋ pec balô ti kôm gêtj atu-tu e lau gameŋ Samaria-ŋga hoŋ sêhêdaê. Iŋ toc dau sa bu iŋ ŋgac tiwaê. ¹⁰L au atu-tu ma lau ŋambwa hoŋ tatiŋ Saimon ŋapaŋ. ŋac sêsôm, “Anötô ndê ŋaclai naŋ dasam bu ŋaŋga Atu, naŋ puc ŋgac dindêc dôŋ.” ¹¹Ma lau daêsam tatiŋ iŋ ŋapaŋ, bu sêhêdaê tu gêtj atu-tu naŋ iŋ kôm ŋasawa hic su naŋ-ŋga. ¹²Magoc sêhu siŋ têtj ndoc sêŋgô ŋawaê ŋayham pi Anötô ndê gôliŋ ma pi Yisu Kilisi, naŋ Pilip hoc asê. Lauŋgac ti lauwhê daêsam sêkêtj whiŋ iŋ ndê yom, ma sêliŋ saŋgu. ¹³Ma Saimon dau kêtj whiŋ ma gêliŋ saŋgu whiŋ. Iŋ gêlic gêtj dalô ti gêtj atu-tu naŋ Pilip kôm, dec hêdaê ŋandô ma kêkuc iŋ ŋapaŋ.

¹⁴Têtj ndoc lau aposel naŋ sêmbu Jerusalem sêŋgô ŋawaê bu lau Samaria-ŋga sêkôc Anötô ndê yom sa, naŋ sêŋkiŋ Pita lu Jon sêtêtj ŋac si. ¹⁵Iŋlu sêhóc asê ŋac su, goc sêteŋ mbec bu Pômdau kêtj ndê ŋalau Dabuŋ pi ŋac hoŋ. ¹⁶Têtj ndoc lau Samaria-ŋga dinaŋ sêkêtj whiŋ, naŋ sêliŋ saŋgu tu Pômdau Yisu ndê ŋaê-ŋga, magoc ŋalau Dabuŋ sip meŋ pi ŋac si

daŋ dom. Tu dinaŋ-ŋga dec Pita lu Jon sêten mbec pi ŋac. ¹⁷Sêten mbec su ma sêkên amba sac ŋac, goc Ŋalau Dabuŋ meŋ gêm ŋac ahuc.

¹⁸Saimon gêlic bu têtŋ ndoc aposel lu sêkên amba sac lau dau, naŋ Ŋalau Dabuŋ meŋ pi ŋac, dec gauc gêm bu nemlhi ŋaclai dau yêc iŋlu. ¹⁹Iŋ ndac iŋlu bocdec bu, “Akên ŋaclai dinaŋ lom aô. Ma bocdinaŋ asa naŋ bu wakên amari sac iŋ, naŋ oc kôc Ŋalau Dabuŋ.” ²⁰Magoc Pita ô yom ma sôm, “Bocke? Am gauc gêm bu nemlhi Anötö ndê mwasin ŋa mone, a? Am oc niŋam, ti nem mone hoŋ! ²¹Am wêkaiŋ gweleŋ dindec whiŋ yac dom. Ŋahu bu gauc naŋ yêc am nem ŋalôm, naŋ Anötö gêlic bu solop dom. ²²Kac nem ŋalôm kwi ma hu mêtê sac dinaŋ siŋ. Ma teŋ mbec têtŋ Pômdau bu suc am nem giso kwi pi gauc sac naŋ yêc nem ŋalôm. ²³Aô galic su bu am gêm lêmuŋ Anötö ndê ŋaclai e am ŋalôm gêli sa, ma sac ŋa-ŋaclai sô am dôŋ ŋapaŋ.” ²⁴Saimon ŋgô Pita ndê yom dinaŋ, goc sôm, “Gitôm bu am teŋ mbec têtŋ Pômdau tu aô-ŋga, ma bocdinaŋ gêtŋ naŋ am sôm yom pi, naŋ oc tap aô sa dom.”

²⁵Pita lu Jon sêhoc Pômdau ndê yom asê ti sem mêtê lau su, goc sêlhö bu sêmbu sêtêtŋ Jerusalem sêndi. Ma yêc seŋ ŋasawa, naŋ sêsôm ŋawaê ŋayham asê yêc malac daêsam naŋ sêyêc gameŋ Samaria-ŋga.

Pilip lu ŋgac Itiopia-ŋga

²⁶Têtŋ ndoc dinaŋ Pômdau kêkiŋ ndê aŋela daŋ têtŋ Pilip gi, ma sôm têtŋ iŋ bu, “Êmasaŋ daôm, goc sa ndi ma êmsêlêŋ êmkuc seŋ akên Jerusalem naŋ sip têtŋ malac Gasa, seŋ naŋ gic gameŋ sawa kic.” ²⁷Bocdinaŋ Pilip tisa ma kêsêlêŋ gi. Ma yêc seŋ dinaŋ iŋ tap ŋgac Itiopia-ŋga daŋ sa, naŋ bêc ŋatô su mbo Jerusalem bu lic om, ma bu mbu têtŋ ndê gameŋ ndi. Iŋ ŋgac tiwaê naŋ yob lau Itiopia-ŋga si Kwin Kandis ndê awa hoŋ, naŋ muŋ-ŋga sêsip iŋ ndê ŋamatu sa.^c ²⁸Têtŋ ndoc Pilip tap iŋ sa yêc seŋ, naŋ ŋgac dau ndöc ndê kaleta, ma sam propet Aisaya ndê buku. ²⁹Dec Ŋalau Dabuŋ sôm têtŋ Pilip, “Am tigasuc kaleta ma êmkuc ŋgac dindê.” ³⁰Goc Pilip kêtî têtŋ kaleta gi ma ŋgô bu ŋgac dau sam propet Aisaya ndê yom asê. Dec Pilip ndac iŋ, “Am sam yom dinaŋ ma kêyalê ŋahu, me mba?” ³¹Ma iŋ sôm, “Ŋamalac daŋ bu whê sa têtŋ aô dom, dec oc waŋyalê bocke?” Ma iŋ ndac Pilip bu pi kaleta ma ndöc whiŋ iŋ. ³²Iŋ ŋgô bu ŋgac dau sam Aisaya ndê yom bocdec bu:

Ŋac sêwê iŋ bu sêndic iŋ ndu gitôm domba.

Ma iŋ gêm dau dôŋ tôm domba naŋ sêŋgapiŋ ŋamliclu, magoc taŋ dom.

³³Ŋac sêŋgwiniŋ iŋ, ma sêmatôc iŋ ndê yom gi solop dom.

^c 8:27 Muŋ-ŋga lau si gêbôm daŋ yêc bu lauŋgac akiŋ naŋ sêyob Kiŋ si andu me wapa me lauwhê, naŋ sêsip ŋac ŋamatu sa. Lauŋgac kaiŋ dinaŋ sêsam yêc Yom Inglis bu ‘Eunuch’ (Yunok).

Ɔac sic iƆ ndu, ma bocdinaƆ iƆ ndê wakuc mba. [Ais 53:7-8]

³⁴Ma Ɔac dau ndac Pilip, “Gitôm bu am whê sa têtƆ aö bu propet sôm yom dinaƆ pi iƆ dau, me pi Ɔamalac daƆ?” ³⁵Goc Pilip whê yom hoƆ sa têtƆ iƆ, gic hu yêc Aisaya ndê yom dinaƆ e sôm Ɔawaê Ɔayham pi Yisu têtƆ iƆ. Ma Ɔac dau kêtƆ whiƆ Yisu. ³⁶⁻³⁷Ɔac si e sêhêc asê bu daƆ poc seƆ Ɔamakê. Ma Ɔac dau sôm, “Lic bu dê poc. Gitôm bu aö waliƆ busaƆgu, me mba?” ³⁸Goc iƆ sôm têtƆ Ɔac naƆ gêm gôliƆ kaleta bu kêtƆ kaleta lhac. Ma iƆlu Pilip sêsip bu si ma Pilip kêku iƆ. ³⁹TêtƆ ndoc naƆ sêpi akêtƆ bu sêmeƆ, naƆ Pômdau ndê Ɔalau kêc Pilip su sep tigeƆ. Ma Ɔac dau gêlic iƆ tiyham dom, magoc kôlhö ti atac Ɔayham gi. ⁴⁰Ma Ɔalau kêc Pilip sa gi kêtƆ iƆ mbo malac Asotas. Ma iƆ kêsêlêƆ golom-golom malac, ma sôm Ɔawaê Ɔayham asê e hêc asê malac Sisaria.

Pômdau gêm Saul kwi

9 ¹TêtƆ Ɔasawa dinaƆ Saul kêtƆ kisa lau sêkêtƆ whiƆ Pômdau-Ɔga ƆapaƆ. IƆ sôm ƆaƆga bu iƆ oc kôm Ɔac Ɔayom ma ndic Ɔac ndu. IƆ têtƆ dabuƆsiga Ɔamata-Ɔga gi, ²ma ndac iƆ bu to bapia puc iƆ dôn-Ɔga, bu têtƆ têtƆ lau bata naƆ sêyob lau Israel si lôm wê-Ɔga yêc malac Damaskas. Bapia dau kêtƆ Ɔaclai têtƆ Saul bu kêc lauƆgac ti lauwhê Damaskas-Ɔga naƆ sêkêtƆ whiƆ Yisu, naƆ dôn, ma wê Ɔac sa sêtêtƆ Jerusalem sêndi bu sêmatêc Ɔac. ³IƆ kêc bapia dau su ma kêsêlêƆ e gi kêpiƆ Damaskas. Ma Ɔagahö Ɔambwa Ɔawê atu daƆ akêtƆ undambê meƆ pô gameƆ naƆ iƆ mbo. ⁴IƆ peƆ sip nom ma Ɔgö awha daƆ ta iƆ bocdec bu, “Saul, Saul, tu sake-Ɔga am kêtƆ kisa aö?” ⁵Goc Saul ô yom ma ndac, “O Ɔadau, am asa?” Ma awha dau sôm, “Aö Yisu dauƆ, dec am kêtƆ kisa. ⁶Am tisa ma sêc malac atu dê ndi. Ma gêtƆ bocke naƆ aö tac whiƆ bu am kôm-Ɔga, naƆ aö oc waƆkiƆ lau bu sêwhê sa têtƆ am yêc dindê.”

⁷Lau naƆ sêmbo seƆ sêwhiƆ Saul, naƆ sêlhac ti sem dau dôn. Ɔac sêƆgö Ɔakêcsia dau, magoc sêlic Ɔamalac daƆ dom. ⁸TêtƆ ndoc Saul tisa kalhac, naƆ kac tandö sa magoc gitôm dom bu lic gameƆ. BocdinaƆ lau dinaƆ sêkêm iƆ sip amba, ma sêwê iƆ sêsêc malac Damaskas si. ⁹Gitôm bêc töt iƆ mbo tapec, ma gêtƆ ti nôm gêtƆ daƆ dom.

¹⁰Ɔgac kêtƆ whiƆ Yisu-Ɔga daƆ mbo Damaskas, naƆ ndê Ɔaê Ananias. Ma Pômdau hoc dau asê têtƆ iƆ Ɔa mbê, ma ta iƆ bu, “Ananias!” Ma iƆ ô yom ma sôm, “Aêc Pômdau, bocke?” ¹¹Goc Pômdau sôm têtƆ iƆ, “Am sa seƆ naƆ sêsam bu SeƆ Solop ma têtƆ Judas ndê andu ndi, ma am oc tap Ɔgac daƆ sa, naƆ ndê Ɔaê Saul akêtƆ malac Tasis. Ɔgac dau teƆ mbec mbo dinaƆ. ¹²Aö gatêc têtƆ iƆ su Ɔa mbê bu Ɔamalac daƆ Ɔaê Ananias oc têtƆ iƆ ndi, kêtƆ amba sac iƆ, ma kôm iƆ tandö po asê tiyham.” ¹³Ananias Ɔgö yom dinaƆ ma sôm, “Pômdau. Aö ƆaƆgö Ɔgac dinaƆ Ɔawaê su. IƆ Ɔgac naƆ kêtƆ Ɔawapac atu têtƆ am nem lau dabuƆ naƆ sêmbo Jerusalem. ¹⁴Ma dabuƆsiga atu-tu sêkêtƆ Ɔaclai têtƆ iƆ bu têtƆ malac dindêc meƆ, ma kêc

lau nanj sêtoc am nem ñaê sa, nanj dôñ.”¹⁵ Magoc Pômdau ô Ananias ndê yom ma sôm, “Am ndi, ma hêgo daôm dom! Aô kayaliñ ngac dau sa su, bu hoc yom asê pi anej ñaê têtñ lau gameñ apa-nga ti ñac si kiñ, ma têtñ lau Israel-nga sêwhiñ.¹⁶ Ma ñawapac ti ñandê nanj iñ oc hôc tu anej ñaê-nga, nanj aô oc watôc têtñ iñ.”

¹⁷Goc Ananias têtñ andu dau gi. Iñ sôc gi, goc kêtñ amba sac Saul ma sôm, “Anej asidôwa Saul. Pômdau Yisu nanj hoc dau asê têtñ am yêc señ têtñ malac dindéc, nanj kêkiñ aô gatêtñ am gameñ. Iñ kêkiñ aô bu wakôm nem tanôm po asê, ma bu ñjalau Dabuñ nem am ahuc.”¹⁸ Ma ñagahô gêtñ gitôm i ñagala peñ akêtñ Saul tandô, ma iñ gêlic gameñ tiyham. Iñ tisa ma Ananias kêku iñ.¹⁹ Ma tiñambu iñ gêtñ gêtñ e hôc iñ dôñ.

Saul gêm mêtê mbo Damaskas

Saul mbo Damaskas whiñ lau sêkêtñ whiñ-nga gitôm bêc ñatô.²⁰ Ma têtñ têtñ dau dinañ iñ gic hu gêm mêtê lau yêc lau Israel si lôm wê-nga, ma hoc asê têtñ ñac bu Yisu iñ Anötö Atu.²¹ Ma lau hoñ nanj sêñgô iñ ndê yom, nanj sêhêdaê ma sêndac dandi, “Ñgac nanj kêtñ kisa lau Jerusalem-nga nanj sêtoc Yisu ndê ñaê sa, iñ ngac dau dindéc me? Ma iñ têtñ yac mba malac dec meñ, bu kôc lau sêkêtñ whiñ Yisu-ñ ga dôñ ma wê ñac sêtêtñ dabuñsiga atu-tu sêndi bu sêmatôc ñac.”²² Tigeñ Saul sôm yom ñanğa ma iñ ndê ñaclai kêsôwec. Iñ tôc asê têtñ lau Israel-nga nanj sêndôc Damaskas, bu yom andô, Yisu iñ lau Israel si Mesaya dau. Ma lau nanj sêkêtñ whiñ Yisu dom, nanj sêtôm dom bu sêd iñ ndê yom.

²³Saul mbo malac Damaskas e bêc daêsam giñga su, ma lau Israel-nga ñatô sêkic yom bu sêñsalê lêtñ bu sêndic iñ ndu.²⁴ Ma Saul ngô yom dau ñawaê. Tôm acsalô ti ôbwêc ñac sêkêtñ lau sêtíp gatam malac-nga ñapep bu sêkôc iñ dôñ ma sêndic iñ ndu.²⁵ Magoc lau nanj s êlhac sêwhiñ Saul ti sêñkuc iñ, nanj sem iñ sa bu lhö ndi. Têtñ ôbwêc dañ sêkêtñ iñ sip sambec atu dañ, ma sêñwhañ iñ sip akêtñ gatam saun dañ yêc malac dau ñatuñbôm e gi sip nom ma kôlhö gi.

Saul mbo Jerusalem

²⁶Tiñambu Saul mbu têtñ Jerusalem gi, ma gauc gêm bu mbo whiñ lau sêkêtñ whiñ Yisu-nga nanj sêmbo dinañ. Magoc ñac sêkêtñ whiñ dom bu iñ gêm dau kwi su ma kêtñ whiñ Yisu, dec ñac hoñ sêtôc iñ.²⁷ Magoc Banabas wê iñ sôc gi kalhac aposel anğô-nga. Ma iñ whê sa bu Pômdau hoc dau asê ma sôm yom têtñ Saul yêc señ, ma tiñambu iñ kalhac ñanğa ma gêm mêtê pi Yisu ti atac pa su yêc malac Damaskas.²⁸ Banabas ndê yom gêm malô lau Jerusalem-nga si ñalôm, dec Saul mbo whiñ ñac, ma sôc sa yêc lhu, ma hoc yom asê pi Pômdau Yisu ti atac pa su eñ.²⁹ Iñ sôm yom whiñ lau Israel-nga ñatô nanj sêsôm awha Grik, ma kêsahê bu whê ñac si gauc sa pi Yisu. Magoc ñac sêtec iñ ndê yom, ma bu sêndic iñ ndu.

³⁰Yom dau ηawaê tap lau sêkêŋ whiŋ-ŋga sa, dec sêkôc iŋ whiŋ ηac sêsip malac Sisaria si, ma sêŋkiŋ iŋ têtŋ malac Tasis gi.

³¹Têtŋ ηasawa dinaŋ lau sêhu si kisa têtŋ lau sêkêŋ whiŋ-ŋga siŋ. Ma lau sêkêŋ whiŋ-ŋga yêc gameŋ Judia ti Galili ma Samaria-ŋga sêndôc ti yom malô. Anötö kêtŋ Šalau Dabuŋ bu puc ηac dôŋ ma nem ηac sa. Ma sêsôc Pômdau ηapu ti sêtoc iŋ sa, ma ηac si toŋ kêsôwec tiatu ηapaŋ.

Pita kôm ηgac bôliŋ daŋ ηayham sa

³²Têtŋ têtŋ dinaŋ Pita kêsêlêŋ golom-golom malac ma gêm mêtê lau. Têtŋ bêc daŋ iŋ sôc malac Lida gi, bu ndic lau sêkêŋ whiŋ Yisu-ŋga kêsî. ³³Yêc malac dau iŋ tap ηgac daŋ ηaê Aenias sa. Iŋ ηgac bôliŋ ma yêc mbô ηapaŋ gitôm yala 8 su. ³⁴Ma Pita sôm têtŋ iŋ, “Aenias. Yisu Kilisi kôm am ηayham sa. Tisa ma tip nem mbô sa.” Ma ηagahô Aenias tisa kalhac. ³⁵Ma têtŋ ndoc lau naŋ sêndôc malac Lida ti malac Saron sêlic bu iŋ ηayham sa, dec ηac hoŋ sem si ηalôm kwi ma sêkêŋ whiŋ Pômdau.

Pita uŋ awhê batê daŋ sa

³⁶Têtŋ têtŋ dinaŋ awhê kêtŋ whiŋ-ŋga daŋ ndôc malac Jopa. Iŋ ndê ηaê Tabita, naŋ yêc lau Grik awha bu Dokas. Iŋ awhê naŋ kôm mêtê ηayham-ηayham, ma gêm lau ηalôm sawa sa ηalêŋ daêsam. ³⁷Magoc Dokas tap gêm bac atu sa e iŋ mbac ndu. Goc lau sêŋgwasiŋ iŋ ndê ηamlaiŋ ma sêkêŋ yêc andu ηalôm ηahô-ŋga daŋ. ³⁸Malac Jopa dau yêc kêpiŋ malac Lida, ma têtŋ têtŋ lau sêkêŋ whiŋ-ŋga yêc malac Jopa sêŋgô bu Pita mbo Lida, naŋ sêŋkiŋ ηgac lu sêtêŋ iŋ si, ma sêteŋ iŋ ηaŋga bu mbu têtŋ Jopa whiŋ iŋlu ndi. ³⁹Pita whiŋ iŋlu gi e hôc asê Jopa, ma sêwê iŋ pi andu ηalôm ηahô-ŋga dinaŋ gi. Lauwhê sawa daêsam sêmbo ti sêtaŋ Dokas. Šac sêŋgihi Pita ahuc ma sêtôc ηakwê bambaliŋ ti ηakwê ηatô naŋ Dokas kêmasaŋ têtŋ ndoc iŋ mbo tali, naŋ têtŋ Pita. ⁴⁰Goc iŋ kêtŋ ηac hoŋ sêsa awê si, ma pônŋ haduc ma teŋ mbec. Iŋ kac dau kwi bu lic awhê batê dinaŋ, ma sôm, “Tabita, am tisa!” Ma awhê dau tali sa e gêlic Pita, ma yêc dau sa meŋ ndôc. ⁴¹Goc Pita kêŋ iŋ sip amba ma keŋ iŋ sa kalhac. Ma iŋ mbwêc lauwhê sawa dinaŋ ti lau sêkêŋ whiŋ-ŋga ηatô sêsôc sêmeŋ, ma tôc têtŋ ηac bu awhê dau mbo tali tiyham. ⁴²Ma gêtŋ dau ηawaê tiapa yêc malac Jopa, e lau daêsam sêkêŋ whiŋ Pômdau. ⁴³Ma Pita mbo Jopa bêc ηatô, whiŋ ηgac daŋ ηaê Saimon. Iŋ ηgac kôm gwelêŋ kêmasaŋ bôc ηamlic-ŋga.

Anötö kêkiŋ aŋela daŋ têtŋ Konelias

10 ¹Yêc malac Sisaria ηgac daŋ mbo, naŋ ndê ηaê Konelias. Iŋ ηgac bata siŋ-ŋga naŋ yob lau siŋ-ŋga toŋ daŋ yêc lau siŋ Rom-ŋga si

toŋ atu naŋ sêsam bu Itali Ŋatoŋ.^d ²Iŋ ti ndê gôlôwac hoŋ sêtoc Anötö sa ma sêsôc iŋ ŋapu ŋapep. Iŋ teŋ mbec têtŋ Anötö tôm bêc hoŋ, ma kêŋ ndê awa daêsam bu nem lau Israel-ŋga naŋ sêpônda dau, naŋ sa. ³Têtŋ bêc daŋ, acgatu gitôm 3 kilok telha-ŋga, naŋ Anötö tôc gêtŋ ŋagatu daŋ têtŋ iŋ. Iŋ gatu gêlic Anötö ndê aŋela daŋ têtŋ iŋ meŋ ma ta iŋ bu, “Konelias!” ⁴Goc Konelias tahê iŋ ti töt dau atu, ma ndac, “Pômdau, bocke?” Ma aŋela dau sôm, “Mbec hoŋ naŋ am teŋ, ti mwasiŋ naŋ am kêŋ têtŋ lau ŋalôm sawa, naŋ Anötö gêlic gitôm da ŋayham naŋ iŋ gauc gêm ŋapan. ⁵Kwahic dec iŋ kêŋ yom têtŋ am bocdec bu. Êmkiŋ lau ŋatô sêtêtŋ malac Jopa sêndi, bu sêkôc ŋgac daŋ ŋaê Saimon mbu têtŋ am meŋ. Ŋgac dau ndê ŋaê daŋ sêsam bu Pita. ⁶Iŋ mbo whiŋ iŋ ndê wakaŋgac daŋ ŋaê Saimon, naŋ kôm gweleŋ bôc ŋamlic-ŋga, ma iŋ ndê andu kalhac gwêc dali.”

⁷Aŋela sôm yom dau pacndê su, goc hu iŋ siŋ. Dec Konelias ta iŋ ndê ŋgac akiŋ lu ma iŋ ndê ŋgac siŋ-ŋga daŋ sêmeŋ. Ŋgac siŋ-ŋga dau gêm iŋ sa tôm bêc hoŋ, ma iŋ toc Anötö sa. ⁸Konelias gic miŋ têtŋ ŋac pi yom hoŋ naŋ aŋela sôm têtŋ iŋ, goc kêkiŋ ŋac sêtêtŋ malac Jopa si.

Pita gêlic gêtŋ ŋagatu daŋ

⁹Galaŋsê ŋac sêŋsêlêŋ sêmbo seŋ ma têtŋ ac kalhac lhu, naŋ sêsuŋ sa malac atu Jopa. Têtŋ têtŋ dinaŋ, Pita pi andu gi bu teŋ mbec. ¹⁰Iŋ mbo e gêtŋ yô iŋ dec tac whiŋ bu neŋ gêtŋ. Lau sêmasaŋ iŋ ndê gêtŋ sêmbo, ma Pita gatu kaiŋ daŋ sa. ¹¹Iŋ gêlic undambê kac sa, ma gêtŋ gitôm po atu daŋ naŋ sêsô wac sip ŋakêcsu hale, naŋ sêŋwhaŋ sip nom meŋ yêc iŋ aŋgô-ŋga. ¹²Ma iŋ gêlic bôc tidau-tidau ma gêtŋ naŋ sêŋsêlêŋ ŋa ŋatac pu-ŋga, ti mbac lólôc-ŋga sêmbo po dau ŋalôm. ¹³Goc awha daŋ sôm têtŋ iŋ bocdec bu, “Pita, tisa ndic ma neŋ.” ¹⁴Magoc iŋ ô yom ma sôm, “Pômdau, mba andô! Moses ndê yomsu gic yao gêtŋ dau ma sôm bu iŋ gêtŋ ŋadômbwi, ma bocdinaŋ aô whaŋsuŋ gêm gauc sambuc.” ¹⁵Dec awha dau sôm tiyham, “Anötö bu sôm bu gêtŋ daŋ iŋ ŋawasi, dec am sôm bu gêtŋ ŋadômbwi dom.” ¹⁶Gêtŋ hoŋ dinaŋ hôc asê iŋ tidim töt su, goc po dau pi undambê gi tiyham.

¹⁷Têtŋ ndoc dinaŋ Pita ndê gauc sa bu iŋ gêlic gêtŋ ŋagatu daŋ, goc iŋ ndôc ma kôc gauc pi gêtŋ dau ŋahu. Têtŋ ndoc dinaŋ, lau naŋ Konelias kêkiŋ, naŋ sêtap Saimon ndê andu sa, ma sêlhac andu dau ŋagatam. ¹⁸M a sêta yom ma sêndac bu Saimon naŋ sêsam bu Pita, naŋ mbo andu

^d **10:1** Lau Rom-ŋga si ŋgac bata naŋ yob lau siŋ-ŋga gitôm 100, naŋ sêsam yêc Yom Inglis bu ‘Centurion’ (Senturion). Konelias iŋ senturion daŋ. Lau siŋ-ŋga gitôm 600 sêmbo Itali Ŋatoŋ ŋalôm, ma sêsam toŋ atu gitôm Itali Ŋatoŋ yêc Yom Inglis bu ‘Regiment.’ Ma ŋac sêkêŋ Regiment ŋatoŋ 10 sêpitigeŋ sêti toŋ atu, naŋ sêsam bu ‘Legion’ (lau siŋ-ŋga gitôm 6,000).

dau, me mba. ¹⁹Pita hê gauc pi gêñ nan in gat u gêlic nan mbo, ma ñalau Dabuñ sôm têt in, “Saimon, lau têt sêtñsalê am. ²⁰Tisa ma sip nom ndi, ma whin ñac ndi. Hêgo daôm bu ñac lau gameñ apa-ña lec dom, bu aô dauñ kakiñ ñac sêmey.” ²¹Goc Pita sip gi ma sôm têt lau dinañ, “Ñamalac nan mac añsalê ambo, nan aô dauñ dec. Mac amey tu sake-ña?” ²²Ma ñac sêsôm, “Ñgac bata sin-ña Konelias kêkin yac amey. In ñgac gitêt toc Anötö sa-ña, ma lau Israel-ña hon nan sêmbo malac Sisaria, nan sêlic in ñayham. Añela dabuñ dan sôm têt in bu êñgalêm am sa têt in ndê andu ndi, bu am sôm yom ñatö têt in.” ²³Pita ñgô ñac si yom dinañ su, goc kôc ñac sêsôc andu dau si bu sêmbo sêwhin in têt ôbwêc dinañ.

Pita gêm mêtê têt Konelias ti ndê lau

Têt galañsê Pita ti akêt malac Jopa whin lau dau, ma lau sêkêt whin-ña ñatö akêt Jopa sêwhin ñac si. ²⁴Bêc dan tiyham sêhêc asê Sisaria. Konelias kêt bata ñac, dec mbwêc in ndê dawai ti ndê silip hon sêkac sa sêpitigeñ. ²⁵Têt ndoc Pita bu sôc in ndê andu ndi, nan Konelias têt in gi, ma hu dau yêc in gahi-ña bu toc in sa. ²⁶Magoc Pita sôm, “Am kôm bocdinañ dom! Tisa, bu aô dauñ ñamalac ñambwa.” ²⁷Inlu sem yomgalôm ma sêsôc andu dau si, ma Pita gêlic lau ton atu sêndôc andu ñalôm. ²⁸Dec in sôm têt ñac, “Mac añyalê bu yac lau Israel-ña mba yomsu gic yao yac bu andic ahê lau nan lau Israel dom, ma ati ñacleñ ñac d om. Tigeñ Anötö têt asê têt aô bu wapu ñamalac dan bu ñadômbwi me sac dom. ²⁹Bocdinañ têt ndoc mac añkin lau bu sêtñgalêm aô sa, nan aô gasôm yom dan dom, ma gawhin ñac gameñ. Ma kwahic dec, gitôm bu mac asôm asê têt aô, ñahu bocke dec mac añgalêm aô sa gameñ?” ³⁰Goc Konelias ô yom ma sôm, “Bêc hale su, aô gambo andu ti gateñ mbec têt acgatu gitôm kwahic dec-ña, têt 3 kilok telha-ña. Ma ñagahô ñamalac dan ti ñakwê ñawasi atu hêc asê kalhac aô añôn-ña. ³¹Ma in sôm têt aô bu, ‘Konelias, Anötö ñgô am nem mbec, ma gauc gêm mwasiñ nan am kêt têt lau ñalôm sawa. ³²Kwahic dec êmkin lau ñatö sêtêt malac Jopa sêndi, ma sêkêc ñgac dan ñaê Saimon nan sêsam bu Pita, nan meñ. In ti ñacleñ in ndê wakançac ñaê Saimon ma ndôc whin in. Inçac kêmasañ bôc ñamlic-ña dinañ ndê andu kalhac gwêc ñadali.’ ³³Aô gançô su, goc ñagahô kakiñ lau ñatö sêtêt am sêloc, ma ñayham bu am mweñ su. Kwahic dec yac hon dambo Anötö añgô-ña, ma yac bu añgô yom bocke nan Pômdau gic atu am bu sôm têt yac.”

³⁴Goc Pita gic hu yom ma sôm, “Kwahic dec aô kayalê pi ñandô bu Anötö toc lau ton dan sa, hêc gêlêc ton ñatö su dom. ³⁵Yomandô! Lau akêt lau ñaton nom-ña hon nan sêtêc in ma sêkôm mêtê ñayham ma solop, nan in oc kôc ñac sa. ³⁶Anötö kêt ndê ñawaê ñayham têt lau Israel, ma yom dau hêganôn Yisu Kilisi, nan ti lau Israel ma lau gameñ apa-ña hon si Pômdau, ma whê lêt nan datap yom malô sa tu in-ña,

naŋ sa. Mac aŋgô ŋawaê dau su. ³⁷Mac aŋyalê gêŋ hoŋ naŋ hôc asê gameŋ Judia-ŋga, têtŋ ndoc Jon gêm mêtê ma kêku lau mbo Galili e meŋ têtŋ dec. ³⁸Anötö kêŋ iŋ ndê ŋaclai atu ti ŋalau Dabuŋ gêm Yisu Nasaret-ŋga ahuc, dec kêyalij iŋ sa tu kôm gwelen-ŋga. Ma Anötö whiŋ iŋ, dec iŋ gêm lau sa yêc gameŋ daêsam, ma kôm lau hoŋ naŋ Sadaŋ ndê ŋaclai kêgwiniŋ ŋac dôn, naŋ ŋayham sa tiyham. ³⁹Yac ambo awhiŋ iŋ, ma alic gêŋ hoŋ naŋ iŋ kôm yêc lau Israel si gameŋ ma yêc Jerusalem. Ŋac sic iŋ ndu pi a, ⁴⁰magoc têtŋ bêc titö-ŋga Anötö uŋ iŋ sa akêŋ lau batê-ŋga, ma kôm bu lau daêsam sêlic iŋ. ⁴¹Lau hoŋ sêlic iŋ dom, magoc yac lau naŋ aŋ ti anôm gêŋ awhiŋ Yisu têtŋ ndoc iŋ tisa ma mbo whiŋ yac tiyham, naŋ Anötö kêyalij yac sa bu ahoc iŋ ndê tisa ŋawaê asê. ⁴²Ma Anötö gic atu yac bu anem mêtê lau, ma bu ahoc yom asê bu iŋ kêyalij Yisu dau sa su, bu êŋsahê lau tali ti lau batê hoŋ têtŋ bêc ŋambu-ŋga. ⁴³Ma propet akwa hoŋ bocdinaŋ sêhoc yom asê pi iŋ. Ŋac sêto bu lau hoŋ naŋ sêkêŋ whiŋ iŋ, naŋ Anötö oc suc ŋac si sac kwi tu iŋ ndê ŋaê-ŋga.”

⁴⁴Pita sôm yom dau mbo, ma ŋalau Dabuŋ gêm lau hoŋ naŋ sêŋgô iŋ ndê yom, naŋ ahuc. ⁴⁵Ma lau Israel-ŋga naŋ sêkêŋ whiŋ Yisu ma sêmbo sêwhiŋ Pita, naŋ sêhêdaê ŋandô bu sêlic Anötö kêmwasiŋ lau naŋ sêmbo lau Israel si toŋ dom, naŋ ŋa ŋalau Dabuŋ. ⁴⁶Bu ŋac sêŋgô ŋac lau dau sêsôm yom awha wakuc-ŋga ti sêmpiŋ Anötö, tôm ŋalau Dabuŋ hôc ŋac awha sa. Dec Pita sôm têtŋ lau Israel-ŋga dinaŋ, ⁴⁷“Anötö kêŋ ŋalau Dabuŋ têtŋ lau gameŋ apa-ŋga dindoc tôm iŋ kêŋ têtŋ yac lau Israel-ŋga. Bocdinaŋ ŋayham bu ŋac sêliŋ busaŋgu.” ⁴⁸Goc iŋ kêŋ yatu bu sêŋku ŋac tu Yisu Kilisi ndê ŋaê-ŋga. Ma tiŋambu lau dinaŋ sêndac Pita bu mbo whiŋ ŋac tôm bêc ŋatô.

Pita gic miŋ lau gameŋ apa-ŋga si yom têtŋ lau Jerusalem-ŋga

11 ¹Lau aposel ti lau sêkêŋ whiŋ Yisu-ŋga naŋ sêmbo gameŋ Judia-ŋga, naŋ sêŋgô ŋawaê bu lau naŋ Israel dom, naŋ sêkôc Anötö ndê yom sa sêwhiŋ. ²Magoc têtŋ ndoc Pita hu Sisaria siŋ ma mbu têtŋ Jerusalem gi, naŋ lau ŋatô sêsôm iŋ. Ŋac lau Israel-ŋga naŋ sêkêŋ whiŋ Pômdau, ma sêsap lau Israel-ŋga si sakiŋ akwa ma pwac sêsê ŋamlic ŋatô su-ŋga dôn. Ma ŋac sêsôm Pita bocdec bu, ³“Bocke am sôc lau naŋ sêŋkuc yac neŋ mêtê dasê ŋamlic-ŋga dom, naŋ si andu, ma gêŋ gêŋ whiŋ ŋac?”

⁴Dec Pita gic hu whê sa timala têtŋ ŋac, gêŋ hoŋ naŋ hôc asê iŋ, ma sôm, ⁵“Têtŋ bêc daŋ aô gateŋ mbec gambo malac Jopa, e gatuŋ kaiŋ daŋ sa ma galic gêŋ ŋagatu daŋ. Galic gêŋ gitôm po atu daŋ, naŋ sêsô wac sip ŋakêcsu hale, ma sêŋwhaŋ sip akêŋ undambê têtŋ aô meŋ. ⁶Aô gatôc gwaniŋ ma galic bôc nom-ŋga tidau-tidau, bôc saleŋ-ŋga ti gêŋ naŋ sêŋsêlêŋ ŋa ŋatac pu-ŋga, ma mbac lôlôc-ŋga. ⁷Dinaŋ su, goc gaŋgô awha daŋ sôm têtŋ aô bocdec bu, ‘Pita! Tisa ndic ma neŋ.’ ⁸Magoc aô gaô yom ma gasôm, ‘Pômdau, mba

andô! Moses ndê yomsu gic yao gêŋ dau ma sôm bu iŋ gêŋ ŋadômbwi, ma aô whaŋsuŋ gêm gauc sambuc.’⁹ Ma awha dau sa akêŋ undambê tiyham ma sôm, ‘Anötö bu sôm bu gêŋ dan iŋ gêŋ ŋawasi, dec am sôm bu ŋadômbwi dom.’¹⁰ Gêŋ hoŋ dinaŋ hóc asê aô tidim tö su, goc Pômdau kóc mbu pi undambê gi tiyham.¹¹ Ma têtŋ ndoc dinaŋ launŋac tö sêhóc asê andu naŋ aô gambo. Ŋamalac dan kêkiŋ ŋac sêtêtŋ aô sêmeŋ akêŋ malac Sisaria.¹² Ŋalau Dabuŋ sôm têtŋ aô bu wahêgo dauŋ tu ŋac lau gameŋ apa-ŋga lec dom, ma kac aô bu wawhiŋ ŋac wandi, dec aô gawhiŋ ŋac ga. Ma asidôwai 6 akêŋ Jopa sêwhiŋ yac si. Yac ahóc asê ma asóc ŋamalac dau ndê andu a.¹³ Ma iŋ gic miŋ têtŋ yac bu aŋela dan hoc dau asê têtŋ iŋ yêc ndê andu, ma sôm yom têtŋ iŋ bocdec bu, ‘Êmkiŋ lau sêtêtŋ malac Jopa sêndi ma sêkóc Saimon naŋ sêsam bu Pita, naŋ meŋ.¹⁴ Iŋ oc whê yom sa têtŋ mac, pi lêtŋ naŋ am ti nem lau hoŋ atap Anötö ndê mwasiŋ nem mac si ambo tamli ŋapaŋ-ŋga sa.’

¹⁵ “Bocdinaŋ aô gac hu bu wasôm yom têtŋ ŋac, ma têtŋ ndoc dau dinaŋ Ŋalau Dabuŋ gêm ŋac ahuc tôm iŋ meŋ pi yac têtŋ ŋamata-ŋga.¹⁶ Ma têtŋ dinaŋ aô gauc gêm Pômdau ndê yom bocdec bu, ‘Jon kêku lau ŋa bu, tigeŋ Anötö oc êŋku mac ŋa Ŋalau Dabuŋ.’¹⁷ Lau dinaŋ sêkêŋ whiŋ Pômdau Yisu Kilisi tôm yac lau Israel-ŋga dakêŋ whiŋ, ma bocdinaŋ dec Anötö kêmwasiŋ ŋac ŋa Ŋalau Dabuŋ tôm iŋ kôm têtŋ yac. Anötö dau ndê lêtŋ dinaŋ, ma aô asa dec bu walhac ahuc?”

¹⁸ Lau Israel-ŋga dau sêŋgô Pita ndê yom dinaŋ e ŋac si yom mba, ma sêmpinŋ Anötö ma sêsôm, “Kwahic dec yac taŋyalê bu lau hoŋ naŋ sem dau kwi, naŋ oc sêtap Anötö ndê mwasiŋ sêndöc tali ŋapaŋ-ŋga sa. Yac lau Israel-ŋga, ma lau naŋ sêmbö Israel si toŋ dom, naŋ sêwhiŋ.”

Lau sêkêŋ whiŋ Yisu yêc malac Antiok

¹⁹ Têtŋ ndoc lau Israel-ŋga sic Steven ndu, naŋ sic hu sêkêŋ kisa lau sêkêŋ whiŋ-ŋga e ŋac si daêsam sêhu Jerusalem siŋ ma sêlhö têtŋtêtŋ. Ŋatö sêtêtŋ gameŋ Pionisia-ŋga ti nduc Saipras, ma ŋatö sêtêtŋ malac Antiok si. Yêc gameŋ bocke naŋ sêhóc asê, naŋ sêhoc ŋawaê ŋayham asê, magoc sêsôm têtŋ lau Israel-ŋga tawasê.²⁰ Magoc lau ŋatö naŋ sêhu Jerusalem siŋ, naŋ si malachu Sairin ma nduc Saipras, naŋ sêtêtŋ Antiok si, ma sic hu sêsôm ŋawaê ŋayham pi Pômdau Yisu têtŋ lau Grik sêwhiŋ lau Israel-ŋga yêc malac dinaŋ.²¹ Ma Pômdau gêm mbec gweleŋ dau e lau daêsam ŋandô sem dau kwi ma sêkêŋ whiŋ Pômdau.

²² Tiŋambu lau Jerusalem-ŋga naŋ sêkêŋ whiŋ Yisu, naŋ sêŋgô gêŋ dau ŋawaê, dec sêŋkiŋ Banabas têtŋ Antiok gi.²³⁻²⁴ Banabas iŋ ŋgac ŋayham naŋ Ŋalau Dabuŋ gêm iŋ ahuc ma kêtŋ whiŋ ŋaŋga. Têtŋ ndoc iŋ hóc asê Antiok, naŋ gêlic bu lau daêsam sêtap Anötö ndê mwasiŋ sa ma sêkêŋ whiŋ Yisu. Dec iŋ tac ŋayham atu, ma kêgilí ŋac bu sêsap Pômdau dôtŋ, ma sêkêŋ whiŋ iŋ ti si ŋalôm sambuc. Ma têtŋ ndoc dinaŋ lau daêsam sêŋgô Banabas ndê yom ma sêkêŋ whiŋ Pômdau.

²⁵Malô goc Banabas têtj malac atu Tasis gi ma kêsalê Saul. ²⁶Ij tap ij sa su, goc kôc ij sa, ma injlu sêmbu sêtêtj Antiok si. Ma injlu sêkôm gwelêj yêc gôlôwac dabuj njalôm, sêndôhôn lau daêsam gitôm yala sambuc danj. Malac Antiok ti malac njamata-njga nanj lau sic hu sêsam lau sêkêj whinj-njga bu Kilisi ndê lau.

²⁷Têtj njasawa dinanj propet njatô akêj Jerusalem sêsip Antiok si. ²⁸Ma njalau Dabuj kac njac si njac danj njâê Agabus, dec tisa yêc lau sêkêj whinj-njga njgô-njga, ma hoc yom asê bu tinambu tôbôm atu oc nem gamen nanj lau Rom sem gôlij, nanj ahuc sambuc. (Ma inj ndê yom dau njandô sa têtj ndoc Klaudias ti kinj Rom-njga.) ²⁹Tu dinanj-njga lau nanj sêkêj whinj Yisu sêkôc gauc pi lêtj bu sênem asidôwai nanj sêndôc gamen Judia-njga, nanj sa. Njac tigenj-tigenj sic awa sa tôm Anötô kêmwasinj njac, ³⁰ma sêkêj têtj Banabas lu Saul bu sêkôc sa sêndi, ma sêkêj têtj lau sêkêj whinj-njga si lau bata nanj sêmbo Jerusalem.

Lau sêkêj whinj-njga sêtap kisa atu sa

12 ¹Têtj ndoc dinanj Kinj †Herod gauc gêm tidôn bu kênj kisa lau sêkêj whinj-njga, ma kôc njac si lau njatô dôj. ²Ij gic atu inj ndê lau sinj, dec sic Jon ndê dôwa Jems ndu njâ biêj baliñ. ³Ij gêlic bu gêtj dinanj kôm lau Israel-njga atac njayham sa, dec inj sôm bu inj ndê lau sinj-njga sêkôc Pita dôj, têtj têm lau Israel-njga sêlic om atu †Mwasinj Bolom Yist Mba-njga. ⁴Bocdinanj lau sinj-njga sêkôc Pita dôj ma sêkêj inj ndôc gapocwalô. Ma sêkêj lau sinj-njga toñ hale sêyob inj sêdô dau sêdô dau, ma njac hale sêmbo toñ tigenj-tigenj njalôm. Herod gauc gêm bu kênj inj ndôc dinanj e lau Israel si Mwasinj Bolom Yist Mba-njga ti †Pasowa-njga pacndê, goc kôc ij sa ma êmatôc inj yêc lau njgô-njga. ⁵Bocdinanj Pita ndôc gapocwalô, magoc lau sêkêj whinj-njga hoñ nanj sêmbo Jerusalem, nanj sêteñ mbec njnnga tu inj-njga têtj Anötô.

Pômdau ndê njela gêm Pita sa

⁶Têtj ôbwêc danj Pita yêc bêc yêc gapocwalô, ma Herod kêmatinj yom tidôn su bu êmatôc inj têtj lañsê. Sêsô inj amba dôj njâ sen lu, ma gi sêsô pi njac sinj-njga lu. Ma lau sinj-njga njatô sêlhac sêyob gatam. ⁷Ma njagahô njambwa Pômdau ndê njela danj hôc asê, ma njawê pô gapocwalô njalôm. Ij toñ Pita sip njabi e tali sa, ma sôm têtj inj, “Njagahô! Tisa!” Goc sen nanj sêsô inj amba dôj, nanj tigolonj ma peñ sip gi. ⁸Ma njela sôm, “Êmasanj daôm. Kic nem piñkap dôj ma sôc nem atapa ti njakwê baliñ sa, goc êmkuc aô.” Pita kôm gitôm inj sôm, ⁹ma kêkuc njela dau. Ij gauc gêm bu gêtj nanj njela kôm, nanj gitôm mbê danj, ma kêyalê dom bu gêtj dau inj gêtj njandô. ¹⁰Injlu sêñlêc njac sinj-njga lu nanj sêyob andu dau e sêhôn asê gatam nanj sa malac lôm. Gatam dau gêlêc dau su, ma sêsa awê si. Injlu sêñsêlêj sêsa señ danj, ma sep tigenj njela hu inj sinj.

¹¹Têḅ dinaḅ Pita ndê gauc sa ma sôm têtḅ dau, “Kwahic dec aö kayalê tidônḅ bu Pômdau kêkiḅ ndê aḅla bu êḅgaho aö su yêc Herod amba, bu gêtḅ naḅ lau Israel-ḅga gauc gêm bu sêkôm têtḅ aö, naḅ oc ḅandô sa dom.” ¹²Iḅ kêtḅalê gêtḅ dau pi ḅandô, goc sa têtḅ awhê daḅ ḅaê Maria ndê andu gi. Maria iḅ Jon, ḅḅḅgacsêḅḅom naḅ sêsam bu Mak, naḅ dinda. Ma têtḅ ôbwêc dinaḅ lau daêsam sêkac sa sêmbo Maria ndê andu bu sêteḅ mbec. ¹³Pita hóc asê ma kêmati gatam. Ma awhê akiḅ daḅ ḅaê Roda sa gi bu lic asa kêmati gatam. ¹⁴Iḅ ḅḅô iḅ awha dec kêtḅalê bu Pita, dec tac ḅayham sa atu ma kêlḅiḅ gatam siḅ kêtḅi mbu gi ma sôm têtḅ lau bu, “Pita dê kalhac gatam!” ¹⁵Magoc ḅac sêkêḅ whiḅ dom, ma sêsôm têtḅ iḅ bu, “Am nem gauc kêḅsônḅ!” Goc iḅ sôm yom pi Pita ḅapaḅ e ḅac sêsôm, “Mboe iḅ ndê aḅla, me?” ¹⁶Sêkôc gauc dinaḅ sêmbo, ma Pita gacḅḅ kêmati gatam kalhac. Malô ma sêlêc gatam su têtḅ iḅ e sêlic iḅ ma sêsô ḅandô. ¹⁷Pita gic amba bu sênem dau dôḅ, goc gic miḅ yom pi ḅalêḅ naḅ Pômdau kôc iḅ su yêc gapocwalô. Ma iḅ sôm, “Mac andi ma asôm asê têtḅ Jems ma asidôwai ḅatô.” Goc iḅ hu ḅac siḅ ma sa gi. ¹⁸Têtḅ bêbêc lau siḅ-ḅga naḅ sêyob gapocwalô sêlic bu Pita aḅḅô mba. Gêtḅ dau gêli ḅac ḅalôm sa ḅandô, ma ḅac gauc gêm yom daêsam pi iḅ bu oc mbo nde. ¹⁹Ma Herod ḅḅô ḅawaê, dec kêḅ lau sêḅsalê iḅ e gimba. Goc iḅ kêsu lau siḅ-ḅga naḅ sêyob Pita, ma gic atu bu sêndic ḅac ndu.

Pômdau gic Herod ndu

Tiḅambu Herod hu gameḅ Judia-ḅga siḅ ma sa têtḅ malac Sisaria gi bu mbo bêc ḅatô. ²⁰Tôm ḅasawa hic baliḅ ḅagec gi su, naḅ yom ḅawapac ḅatô yêc Herod ma lau malac Taya ma Saidon-ḅga ḅalhu, dec iḅ gêlic ḅac sac. Magoc têtḅ têm iḅ mbo malac Sisaria, naḅ lau dau ḅalôm tigeḅ ma gauc gêm bu sêhê wamba iḅ tiyham. ḅahu bu ḅac sêmbo Herod ndê gôliḅ ḅapu ma lau gameḅ dinaḅ-ḅga takwê Herod tôḅ yala hoḅ, bu nem ḅac sa ḅa gêtḅ danêḅ-ḅga ḅatô. Tu dinaḅ-ḅga sêmasaḅ yom whiḅ Blastus, ḅḅac naḅ yob Herod ndê andu, ma semlhi iḅ bu nem ḅac awha têtḅ Herod. Ma sic ndoc bu sêmasaḅ yom wamba-ḅga dau whiḅ Herod.

²¹Têtḅ bêc dau Herod sôc ndê ḅakwê ti ḅawasi kiḅ-ḅga sa, goc ndôc ndê pônḅ ma sôm ndê yom daêsam asê têtḅ lau malac lu dinaḅ-ḅga. ²²Iḅac sêḅḅô su ma sêmbwêc, “Kec! Awha dindêc ḅamalac ḅambwa ndê awha dom, anötô daḅ ndê awha.” ²³Herod ḅḅô ḅac si yom dinaḅ, dec toc dau sa kêlêc ma kêḅ waê têtḅ Anötô dom. Ma tu dinaḅ-ḅga Pômdau ndê aḅla gic iḅ ma kôm iḅ gêmbac atu. Dombo sem iḅ ahuc ma seḅ iḅ e mbac ndu.

²⁴Têtḅ têm dinaḅ ma kêsêlêḅ meḅ, naḅ lau sem mêtê ḅapaḅ e Anötô ndê yom tiapa, ma lau daêsam sêkêḅ whiḅ. ²⁵Banabas lu Saul sic bata si gwelêḅ yêc malac Jerusalem, goc sêmbu sêtêḅ Antiok si. Ma sêkôc Jon, ḅḅac naḅ sêsam iḅ ndê ḅaê daḅ bu Mak, naḅ whiḅ iḅlu gi.

Sem mbec Banabas lu Saul bu sêkôm gwelêḅ

13 ¹Lau propet ti kêdôhônḅ-waga bocdec sêmbo m alac Antiok ma sêkôm gwelêḅ yêc gôlôwac dabuḅ ḅalôm. Banabas lu Saimon naḅ

sêsam bu Naiga, Lusias akêṅ malac Sairin, Saul ma Manaen (naṅ tiatu whiṅ †Herod Antipas têtṅ ndoc iṅlu sêmbo balê). ²Têtṅ bêc daṅ ṅac lau dau sêmbo sêwhiṅ dau ma sêhu gêtṅ daneṅ-ṅga siṅ tu sêtoc Pômdau sa-ṅga. Ma Iṅalau Dabuṅ sôm têtṅ ṅac bu, “Aô kayaliṅ Banabas lu Saul sa bu sêkôm gweleṅ ṅawaê ṅayham-ṅga. Bocdinaṅ anem mbec iṅlu ma aṅkiṅ iṅlu sêsa sêndi ma sêkôm gweleṅ dau.” ³Lau dau sêṅgô su, goc sêhu gêtṅ daneṅ-ṅga siṅ ti sêteṅ mbec ṅasawa daṅ tiyham, ma sêkêtṅ amba sac Saul lu Banabas, ma sêṅkiṅ iṅlu sêsa si.

Saul lu Banabas sêmbo nduc Saipras

⁴Iṅalêṅ dinaṅ Iṅalau Dabuṅ kêtṅ Saul lu Banabas, dec iṅlu sêtêtṅ malac Selusia si, ma sêpi waṅ daṅ ma sêsa nduc Saipras si. ⁵Iṅac sêsôc baô yêc malac Salamis, ma sêsôc lau Israel si lôm wê-ṅga yêc dindê, ma sem mêtê lau ti sêhoc Anötô ndê yom asê. Ma Jon mbo whiṅ iṅlu bu nem iṅlu sa.

⁶Tiṅambu sêṅsêlêṅ ma sêhoc ṅawaê ṅayham asê yêc nduc Saipras ṅagameṅ hoṅ e sêhôt asê malac Papos. Yêc dinaṅ sêtap propet tasanṅ daṅ sa naṅ kôm gweleṅ mbectoma-ṅga whiṅ. Iṅ ṅgac Israel-ṅga daṅ ma iṅ ndê ṅaê Ba-Jisas. ⁷Iṅ gêm akiṅ ṅgac Rom-ṅga naṅ gêm gôliṅ nduc Saipras, naṅ ndê ṅaê Segias Polas. Gôliṅwaga dau iṅ ṅgac tiguauc, dec kêgalêm Banabas lu Saul sa, bu iṅ tac whiṅ bu sêwhê Anötô ndê yom sa têtṅ iṅ. ⁸Magoc Ba-Jisas kôm bu êṅgwiniṅ ti kêtṅ kisa iṅlu, ma tac whiṅ bu kac gôliṅwaga dau kwi bu kêtṅ whiṅ Pômdau dom. (Ba-Jisas ndê ṅaê daṅ Elimas, naṅ danem kwi bu Mbectoma.) ⁹Têtṅ ndoc dinaṅ Iṅalau Dabuṅ gêm Saul, naṅ sêsam bu Pol ahuc, ma iṅ tahê Elimas ma sôm, ¹⁰“Am Sadaṅ atu am! Am kêtṅ kisa lêtṅ gitêtṅ hoṅ, ma sac ti mêtê tasanṅ gêm am ahuc. Am bu kôm Pômdau ndê lêtṅ solop êṅsônṅ. ¹¹Kwahic dec am oc êmsahê Pômdau ndê ṅaclai. Am oc tampec sa ma tôm bêc ṅatô am oc lic gameṅ ti ac ṅawê tiyham dom.” Ma ṅagahô ṅasec gêm ṅgac dau tandô ahuc, ma iṅ kêsêlêṅ kêsa ma kêsâlê ṅamalac daṅ bu kêm iṅ amba ma wê iṅ. ¹²Segias Polas hêdaê tu Saul lu Banabas si yom pi Pômdau-ṅga, ma têtṅ ndoc iṅ gêlic gêtṅ naṅ hôt asê Elimas, naṅ iṅ kêtṅ whiṅ Yisu.

Pol gêm mêtê mbo Antiok

¹³Pol lu Banabas ma Mak sêhu Papos siṅ ma sêpi waṅ daṅ, ma sêlac sêtêtṅ malac Pega naṅ yêc gameṅ Pampilia-ṅga si. Yêc gameṅ dinaṅ Jon hu iṅlu siṅ ma mbu têtṅ Jerusalem gi. ¹⁴Goc iṅlu sêhu Pega siṅ ma sêtêtṅ malac Antiok naṅ yêc gameṅ Pisidia-ṅga,^e naṅ si. Têtṅ bêc Sabat-ṅga sêsôc lau Israel si lôm wê-ṅga si, ma sêndôc sic. ¹⁵Sêṅgô Anötô ndê yom naṅ sêsam yêc Buku Yomsu-ṅga ti Propet si Buku, goc lau bata lôm wê-ṅga-

^e 13:14 Malac lu ṅaê Antiok sêyêc. Daṅ yêc gameṅ Siria-ṅga - alic Aposel 13:1 ma 14:26. Ma daṅ yêc gameṅ Pisidia-ṅga (alic map p.264).

nga sêkên yom têt inlu ma sêsôm, “Asidôwa lu. Amlu nem yom bu yêc bu apuc lau dindêc dôj, dec asôm asê têt yac.”

¹⁶Goc Pol tisa kalhac, ma gic amba têt lau bu sênem dau dôj, goc sôm, “Mac lau Israel-nga ti mac lau apa nañ atoc Anötö sa. Angô su nañ! ¹⁷Yac lau Israel-nga mba Anötö kêyalij yac mba abañi sa. Ma tiñambu iñ kôm ñac si wakuc nañ sêndöc gameñ Isip-nga, n añ sêti lau toñ atu. Ma têt ndoc iñ kôc ñac su yêc Isip, nañ kôm gêt ti ñaclai atu daêsam. ¹⁸Tiñambu ñac sêkôm mêtê wachuc daêsam tôm yala 40 nañ sêmbo gameñ sawa, magoc Anötö hu ñac siñ dom. ¹⁹T iñambu iñ ku lau toñ 7 dulu yêc gameñ Kanan-nga, ma kêt ñac si gameñ têt lau Israel-nga sêwêkain. ²⁰Gêt hoñ dinañ hóc asê yêc yala 450 ñalôm. Tiñambu iñ kêt lau sêmatôc yom-nga sêyob lau Israel-nga e meñ têt propet Samuel ndê têt. ²¹Têt ndoc dinañ lau dau sêndac kiñ dañ bu nem göliñ ñac, ma Anötö kêt Saul, nañ ndê damba Kis akêt Benjamin ndê toñ. Saul gêm göliñ tôm yala 40, ²²goc Anötö kôc iñ su ma kêt Dawid ti kiñ ô iñ su. Ma iñ sôm yom pi Dawid bocdec bu, ‘Aö galic Jessi ndê atu Dawid bu ñgac nañ ndê ñalôm ti gauc tap aneñ atac whiñ sa, ma oc kôm gêt hoñ tôm aö atac whiñ.’ ²³Anötö kêyalij ñgac nem lau si-nga Yisu sa yêc Dawid dau ndê wakuc, tôm iñ gic bata muñ su, ma kêt iñ hóc asê Israel. ²⁴Yisu gic hu ndê gweleñ su dom, ma Jon gêm mêtê têt lau Israel-nga hoñ bu sênem si ñalôm kwi ma sêliñ busangu. ²⁵Têt ndoc Jon ndê gweleñ kêpiñ bu pacndê, nañ iñ sôm têt lau bu, ‘Mac gauc gêm bu aö asa? ñgac nañ Anötö gic bata bu ti mac nem Mesaya, nañ aö dom. Mba! Magoc iñ oc meñ êñkuc aö. Iñ ñgac tiwaê ma aö ñgac ñambwa, gitôm dom bu wati iñ ndê ñgac akiñ tu wañgapwêc iñ ndê atapa ñawalô su-nga.’

²⁶“O asidôwai. Mac lau Israel-nga nañ asa akêt abañ Abraham, ti mac lau nañ ambo lau Israel si toñ dom magoc atoc Anötö sa. ñawaê dindêc pi Anötö ndê lêt nem lau si-nga, nañ iñ kêt gic waê yac hoñ. ²⁷Lau Israel Jerusalem-nga ti ñac si lau bata sêsam propet akwa-kwa si yom asê yêc ñac si lôm wê-nga tôm bêc Sabat-nga hoñ. Magoc têt têt Yisu hóc asê, nañ sênjalê dom bu iñ Mesaya dau, ma sêkic yom bu sêndic iñ ndu. ñac sênjalê dom bu lêt bocdinañ dec kôm yom nañ lau propet dau sêhoc asê pi Mesaya, nañ ñandô sa. ²⁸ñac sêtap yom giso dañ sa pi Yisu tu bu sêndic iñ ndu-nga lec dom, magoc sêndac Pailot bu ndic iñ ndu. ²⁹ñac si lêt dinañ dec kôm yom hoñ nañ sêto pi Yisu muñ su, nañ ñandô sa. Pailot ndê lau sic Yisu ndu su, goc lau sêkôc iñ su yêc a gicso ma sêkên iñ ndê ñamlañ yêc sêhó. ³⁰Magoc Anötö uñ iñ sa akêt lau batê-nga. ³¹Ma tôm bêc daêsam iñ mbo whiñ lau nañ sênjêlêñ sêwhiñ iñ têt ndoc iñ gic hu ndê gweleñ yêc Galili e lau sic iñ ndu yêc Jerusalem. ñac lau dau sêlic iñ tisa su yomandô, madec sêsôm asê têt lau hoñ. ³²⁻³³Kwahic dec yac asôm ñawaê ñayham asê têt mac bocdec bu, Anötö uñ Yisu sa akêt lau batê-nga. Ma bocdinañ dec yom nañ iñ gic bata têt abañi, nañ kwahic dec

inj kôm njandô sa têtj abanji si lau wakuc yac dec. Tôm yom nanj sêto yêc Wê tilu-nga yêc Buku Wê-nga bocdec bu, ‘*Acsalô lec am ti aô neŋ atunŋac solop, ma aô gati am Damam.*’³⁴ Anötö unj inj sa akêŋ lau batê-nga bu inj ŋamlic tibalê dom. Bu mba, dec oc tôm dom bu sêto yom bocdec bu, ‘*Pwac dabun nanj aô kamatiŋ gawhiŋ Dawid, nanj tidôn su, ma mac oc atap pwac dau ŋa-mwasin sa.*’³⁵ Ma yom dau Dawid to yêc bocdec, ‘*Am oc hu nem Inŋac Dabun sinj bu tibalê dom.*’³⁶ Anŋô su nanj! Dawid to yom dinaŋ hêganôn inj dau dom. Bu têtj ndoc Dawid gic bata gwelêŋ nanj Anötö kên sip inj amba, nanj Dawid mbac ndu whiŋ lau têtj dinaŋ-nga, ma sêŋsuhun inj whiŋ ndê apai. Ma inj ndê ŋamlan tibalê su.³⁷ Tigeŋ Yisu, nanj Anötö unj inj sa akêŋ lau batê-nga, nanj ndê ŋamlan tibalê dom.

³⁸ “Bocdinaŋ aneŋ asidôwai hac, anŋô. Aô tac whiŋ bu mac anjalê ŋapep bu yom nanj yac ahoc asê têtj mac, nanj bu whê mac nem gauc sa pi lêtj bu Anötö suc mac nem sac kwi tu Yisu-nga.³⁹ Mac nem danj gitôm dom bu êŋkuc yomsu hoŋ nanj Moses to e Anötö lic inj bu ŋamalac gitêŋ. Mba andô! Tigeŋ kwahic dec lau nanj sêkêŋ whiŋ Yisu, nanj Anötö gêlic ŋac bu lau gitêŋ tu inj-nga.⁴⁰ Ayob daôm bu atec ŋawaê ŋayham dindec dom, tu bu yom nanj lau propet sêsôm, nanj njandô sa pi mac dom. Yom dau bocdec:

⁴¹ Alic su nanj mac lau apu yom ti atanj bôlê-nga. Kwahic dec aô oc wakôm gêtj atu danj, nanj lau bu sêsôm asê têtj mac, dec oc akêŋ whiŋ dom! Mac alic ti ahêdaêm, magoc oc andinam!” [Hab 1:5]

⁴² Pol gic bata inj ndê yom dinaŋ, ma injlu Banabas bu sêhu lôm wê-nga sinj sêsa awê sêndi. Ma lau sêndac injlu bu sêmbu sêmeŋ têtj Sabat ŋambu-nga, ma sêsôm yom tiyham pi gêtj hoŋ dinaŋ.⁴³ Lau bata lôm wê-nga sêkêŋ gôlôwac sêsa si su, ma lau daêsam sêŋkuc Pol lu Banabas. Lau njatô ŋac lau Israel-nga, ma lau njatô ŋac lau gameŋ apa-nga nanj sêŋkuc lau Israel si sakinj sênem akinj Anötö-nga. Ma Pol lu Banabas sem yomgalôm sêwhiŋ ŋac, ma sem la ŋac bu takwê Anötö ndê mwasin tu bu puc ŋac si sêkêŋ whiŋ dôŋ tôm bêc hoŋ.

⁴⁴ Sabat danj tiyham hôc asê, ma lau daêsam andô sêkac dau sa bu sêŋgô Pômdau ndê yom. Kêpiŋ bu lau malac-nga hoŋ sêmeŋ sêpitigeŋ.⁴⁵ Tigeŋ lau Israel-nga njatô sêlic toŋ atu dinaŋ ma sem lêmun njandô. Bocdinaŋ ŋac atac njandê ma sêsôm yom sac-sac daêsam bu sêŋgwiniŋ Pol ti ndê yom.⁴⁶ Magoc injlu Banabas sêlhac ti atac pa su ma sêo ŋac si yom ma sêsôm, “Anötö kêkiŋ alu bu asôm inj ndê yom asê têtj mac lau Israel-nga muŋ. Magoc mac atec inj ndê yom. Mac atec bu atap seŋ andôc tamli-nga sa, a? Tu dinaŋ-nga dec alu oc ahu mac sinj, ma atêŋ lau nanj lau Israel dom, nanj andi.⁴⁷ Pômdau dau gic atu alu bu akôm bocdinaŋ, tôm yom nanj Aisaya to pi Anötö ndê njac akinj bocdec bu:

Aô wanŋinj am gitôm njawê bu têtj lau nanj lau Israel dom, nanj ndi.

Ma am oc sôm njawaê ŋayham asê pi aneŋ lêtj wanem lau si-nga e tiapa yêc gameŋ hoŋ.” [Ais 49:6]

⁴⁸Lau gameŋ apa-ŋga dinaŋ sêŋgô yom dau, ma ŋac atac ŋayham sa ma sêtoc Pômdau ndê yom sa. Ma lau hoŋ naŋ Pômdau kêyalîŋ ŋac sa su bu sêtap seŋ sêndöc tali-ŋga sa, naŋ sêkêŋ whîŋ.

⁴⁹Ma Pômdau ndê yom gi tiapa gêm gameŋ hoŋ dinaŋ ahuc. ⁵⁰Magoc yêc malac dinaŋ lau Israel-ŋga ŋatô sêŋgilî lau bata ti lauwhê tiwaê naŋ sêmbo gôlôwac Israel-ŋga ŋalôm, ma sêkêŋ kisa Pol lu Banabas ma sêmasuc iŋlu su yêc ŋac si gameŋ. ⁵¹Bocdinaŋ iŋlu sêtoŋ kop su yêc si gahi bu tôc lau dau si giso asê, ma sêtêŋ malac Aikoniam si. ⁵²Ma Anötö kêŋ ŋalau Dabuŋ gêm lau malac Antiok-ŋga naŋ sêkêŋ whîŋ Yisu, naŋ ahuc, ma sêmbo ti atac ŋayham ŋapanŋ.

Pol lu Banabas sem mêtê sêmbo malac Aikoniam

14 ¹Pol lu Banabas sêhóc asê malac Aikoniam, ma sêŋkuc si gêbôm ma sêsóc lau Israel si lôm wê-ŋga si. Ma yêc dinaŋ iŋlu sem mêtê ŋalêŋ ŋayham e lau daêsam sêkêŋ whîŋ Yisu, lau Israel-ŋga ma lau gameŋ apa-ŋga sêwhîŋ. ²Magoc lau Israel-ŋga naŋ sêkóc iŋlu si yom sa ti sêkêŋ whîŋ dom, naŋ sêŋgilî lau gameŋ apa-ŋga e sêlic lau sêkêŋ whîŋ-ŋga sac. ³Tu dinaŋ-ŋga Pol lu Banabas sêmbo malac Aikoniam ŋasawa hic baliŋ, ma sêlhac ŋaŋga tu bu sêwhê Pômdau ndê yom sa-ŋga. Ma Pômdau kêŋ ŋaclai têŋ iŋlu bu sêkôm gêŋ dalô ti gêŋ atu-tu, tu bu puŋ yom naŋ iŋlu sêhoc asê pi iŋ ndê mwasiŋ, naŋ dôŋ. ⁴Gêŋ dau kôm lau malac-ŋga sêwhê dau kôc, ŋatô sêlhac sêwhîŋ lau Israel-ŋga, ma ŋatô sêlhac sêwhîŋ aposel lu dinaŋ. ⁵Têŋ dinaŋ lau Israel-ŋga ma lau gameŋ apa-ŋga naŋ sêkêŋ kisa iŋlu, naŋ sêkic yom sêwhîŋ ŋac si lau bata bu sêkôm iŋlu ŋayom ma sêtuc iŋlu ŋa hoc ndu. ⁶⁻⁷Tigeŋ iŋlu sêŋgô ŋapuc, ma bocdinaŋ dec sêlhö sêtêŋ gameŋ Likonia-ŋga si. Ma yêc gameŋ dinaŋ, iŋlu sêkôm gwelêŋ ŋawaê ŋayham-ŋga yêc malac Listra ma malac Derbi ma yêc ŋagameŋ ŋamakê-ŋga.

Pol lu Banabas sêtêŋ malac Listra si

⁸Yêc malac Listra ŋgac bôliŋ daŋ mbo, naŋ gahi lu-lu tibalê. Dinda kôc iŋ bocdinaŋ, ma iŋ kêsêlêŋ daŋ dom. ⁹Têŋ bêc daŋ iŋ ndöc gameŋ naŋ Pol gêm mêtê mbo, ma ŋgô iŋ ndê yom. Pol tahê iŋ e kêyalê bu iŋ kêŋ whîŋ Pômdau ŋaŋga tôm bu kôm iŋ ŋayham sa. ¹⁰Dec Pol ta yom ŋa awha atu ma sôm, “Tisa lhac!” Ma ŋagahô ŋambwa ŋgac dau tisa ma kêsêlêŋ.

¹¹Lau Likonia-ŋga sêlic gêŋ naŋ Pol kôm, dec sêmbwêc yêc dau awha-ŋga ma sêsôm, “Kec, anötöi sem ŋamalac ŋgô ma sêsip sêtêŋ yac sêmeŋ.” ¹²Ma sêhê ŋaê Seus pi Banabas kêkuc ŋac si anötö ŋamata-ŋga ndê ŋaê. Ma sêsam Pol bu Hermes, kêkuc ŋac si anötö apa daŋ ŋaê, ŋahu bu iŋ ŋgac sôm yom-ŋga. ¹³Lau malac dinaŋ-ŋga si lôm tu sênem akiŋ ŋac si anötö apa Seus, naŋ kalhac kêpiŋ malac dau ŋagatam. Ma anötö

apa Seus ndê dabujsiga dan, ti nac lau malac-nga atac whij bu sêkên gêñ pi ya ti da têtj Pol lu Banabas. Dec inj kôc makao gapoc natô ma gêñ natô tu sênghôlôn makao ma sêkên ti da-nga, ma nac honj sêkac dau sa sêmbo malac dau nasactô. ¹⁴Magoc têtj ndoc aposel lu sênghô gêñ dinanj nawae, nanj sêkac si njakwê kic bu sêtôt asê bu sêlic gêñ dau so sambuc. Ma sêsa njalhu si, ma sêmbwêc yom bocdec bu, ¹⁵“Ei! Mac akôm inj dinanj tu ake-nga? Alu njamalac atôm mac, ma amenj bu asôm nawae njayham asê têtj mac. Alu bu asôm têtj mac bu ahu nem anötöi tasanj honj sinj ma anem daôm kwi ma anem akiñ Anötö Tali Njadau, nanj kêmasanj undambê ti nom ma gwêc ti gêñ honj. ¹⁶Mun-ñ ga inj kêñ njasawa têtj lau nom-nga honj bu sêkôm gêñ tôm si atac whij. ¹⁷Magoc inj kêmwasiñ lau nom-nga njapanj bu whê nac si gauc sa pi inj. Inj kêñ u gic akênj umbonj, dec mac nem ôm sem njandô daêsam. Inj kêñ gêñ danenj-nga daêsam têtj mac, ti gêñ njayham-njayham tu bu kôm mac atac njayham-nga.” ¹⁸Inju sêwhê gêñ honj dinanj sa têtj lau dau, magoc lau natô si gauc sa dom, ma sêkôm njanga bu sêkênj da têtj injlu.

¹⁹Têtj dinanj lau Israel-nga natô nanj sêmenj akênj malac Antiok ma Aikoniam, nanj sêsôm yom daêsam têtj lau e sêkac si njalôm kwi ma sêlic Pol lu Banabas sac. Dec sêtuc Pol na hoc e gauc gêm bu inj mbac ndu su, goc sêhê inj sa malac njamakê gi. ²⁰Magoc lau sêkênj whij Yisu-nga natô sêsa si sênghihi inj a huc, dec inj tisa ma mbu sôc malac Listra gi. Ma njagalañsê injlu Banabas sêlhö sêtênj malac Derbi si.

Pol lu Banabas sêmbu sêtênj Antiok si

²¹Inju sêsôm nawae njayham asê yêc malac atu Derbi, e lau daêsam sêkênj whij Pômdau. Tinambu injlu sêmbu si, ma sic lau sêkênj whij-nga kêsi yêc malac Listra, Aikoniam, ma Antiok yêc gameñ Pisidia-nga. ²²Sêpuc lau sêkênj whij-nga dôñ bu sêlhac njanga ma sêhu si sêkênj whij sinj dom. Sêsôm têtj nac bu, “Yac bu dambo Anötö ndê gôliñ njapu, nanj inj gêñ saunj dom. Dalhac njanga ma dahôc njawapac dandic nawae.” ²³Ma yêc lau sêkênj whij-nga natonj honj nanj injlu sic kêsi, nanj Pol lu Banabas sênjyalij lau bata sa bu sêyob tonj tigenj-tigenj. Inju sem mbec lau bata dau ma sêkênj nac sêsip Pômdau, nanj nac honj sêkênj whij inj, nanj amba. Ma nac honj sêhu gêñ danenj-nga sinj tu bu sêtenj mbec-nga, ma sêndac Pômdau bu puc lau bata dau dôñ. ²⁴Inju sic gameñ Pisidia-nga kêsi su, goc sêtênj gameñ Pampilia-nga si. ²⁵Yêc dinanj sêhoc nawae njayham asê yêc malac Pega, ma tinambu sêsa malac Atalia si. ²⁶Ma yêc Atalia sêpi wanj danj, ma sêmbu sêtênj malac Antiok nanj yêc gameñ Siria-nga si. Mun-nga lau yêc malac d au sênjyalij injlu sa ma sêtenj Anötö bu êmwasiñ injlu tu gwelenj nanj kwahic dec injlu sic bata su-nga. ²⁷Sêhôt asê su goc sêkac lau sêkênj whij-nga honj sa, ma sic miñ gêñ honj nanj Anötö gêm injlu sa bu sêkôm. Ma sêsôm asê têtj nac bu kwahic dec Anötö gêlêc gatam su têtj

lau naŋ lau Israel dom, dec ŋac si lau daêsam sêkêŋ whiŋ Yisu. ²⁸Ma iŋlu sêmbo sêwhiŋ lau sêkêŋ whiŋ-ŋga yêc malac Antiok ŋasawa baliŋ.

Lau atu-tu sêkac sa sêmbo Jerusalem

15 ¹Lau sêkêŋ whiŋ-ŋga ŋatô akêŋ gameŋ Judia-ŋ ga sêhêc asê Antiok, ma sêndôhôn yom têŋ lau sêkêŋ whiŋ-ŋga naŋ lau Israel dom, naŋ bocdec bu, “Mac bu asê nem laungac si ŋamlic ŋatô su aŋkuc pwac naŋ Moses to yom pi, naŋ dom, dec oc tôm dom bu Anötô nem mac si.” ²Tu yom dinaŋ-ŋga dec kisa atu yêc Pol lu Banabas ma lau gameŋ Judia-ŋga dinaŋ ŋasawa, ma sêseŋ dau ŋapaŋ pi yom dau. Bocdinaŋ lau sêkêŋ whiŋ-ŋga sêŋyaliŋ Pol lu Banabas ma lau sêkêŋ whiŋ-ŋga ŋatô sa, ma sêŋkiŋ ŋac bu sêpi Jerusalem sêndi ma sêŋgô lau aposel ti lau bata si gauc pi yom dau. ³Sêŋkiŋ ŋac si su, ma têŋ ndoc Pol ti lau dau sêŋsêlêŋ sêmbo seŋ, naŋ sic miŋ têŋ lau sêkêŋ whiŋ-ŋga yêc gameŋ Pionisia ti Samaria-ŋga, pi ŋac si gwelen têŋ lau naŋ lau Israel dom. Sêwhê sa bu lau apa daêsam sêkac si ŋalôm kwi ma sêkêŋ whiŋ Pômdau. Ma yom dau kôm lau sêkêŋ whiŋ-ŋga hoŋ atac ŋayham atu. ⁴Ma têŋ ndoc sêhêc asê Jerusalem, naŋ lau sêkêŋ whiŋ-ŋga ti aposel ma lau bata sêkêc ŋac sa. Ma iŋlu sic miŋ gêŋ hoŋ naŋ Anötô gêm iŋlu sa bu sêkôm.

⁵Têŋ dinaŋ lau Palêsai ŋatô naŋ sêkêŋ whiŋ Yisu, naŋ sêtisa ma sêsôm, “Yac gauc gêm tidôn bu dandic atu bu lau gameŋ apa-ŋga naŋ sêkêŋ whiŋ Yisu, naŋ sêsê laungac si ŋamlic ŋatô su ma sêsêc Moses ndê yomsu ŋapu.” ⁶Goc sêkac lau aposel ti lau bata hoŋ sa sêpitigeŋ bu sêkêc gauc pi yom dau. ⁷Sêsôm yom ŋasawa baliŋ su, goc Pita tisa ma sôm, “Asidôwai, gauc nem gêŋ naŋ Anötô kôm têŋ lau gameŋ apa-ŋga ŋatô, têŋ têm dê gi su. Mac aŋyalê su bu iŋ gêlic ŋayham bu ŋac sêŋgô ŋawaê ŋayham sa aô dauŋ whaŋsuŋ, ma sêkêŋ whiŋ. ⁸Anötô naŋ kêyalê ŋamalac hoŋ si ŋalôm, naŋ kêŋ ŋjalau Dabuŋ têŋ ŋac tôm iŋ kêŋ têŋ yac, dec têt asê bu iŋ ndê mwasiŋ gic ŋac ŋawaê whiŋ. ⁹Iŋ kêmasaŋ ŋac si ŋalôm ŋawasi sa tu ŋac si sêkêŋ whiŋ-ŋga, gitôm iŋ kôm têŋ yac. Gêŋ dau whê sa bu iŋ gêlic yac hoŋ bu lau kaiŋ tigeŋ. ¹⁰Magoc iŋ kêt ŋac sa tu sêŋkuc Moses ndê yomsu-ŋga dom. Yomsu dau kêŋ ŋawapac têŋ yac ti damaŋi, naŋ datôm dom bu dahêc. Bocke dec mac bu akêŋ ŋawapac dau sac lau gameŋ apa-ŋga naŋ sêkêŋ whiŋ, naŋ si bakêyac? Mac bu akôm bocdinaŋ dec oc aŋsahê Anötô, ma mboe oc kôm iŋ atac ŋandê. Ma mac oc alhac iŋ ndê lêŋ nem lau si-ŋga ahuc. ¹¹Magoc yac dakêŋ whiŋ bu Anötô gêm yac lau Israel-ŋga si tu mwasiŋ naŋ datap sa ŋambwa yêc Pômdau Yisu-ŋga. Ma ŋac lau dindê bocdinaŋ.”

¹²Ma têŋ dinaŋ Banabas lu Pol sic miŋ yom pi gêŋ dalô ti gêŋ atu-tu naŋ Anötô gêm iŋlu sa bu sêkôm yêc lau gameŋ apa-ŋga ŋalôm. Ma lau hoŋ naŋ sêkac sa sêndêc, naŋ sem dôŋ ma sêkêŋ daŋga iŋlu si yom. ¹³Iŋlu si yom pacndê, goc Jems sôm yom asê bocdec bu, “Asidôwai, aŋgô

anej yom. ¹⁴Pita whê sa têtj yac su pi gêtj naŋ Anötö kôm bu kôc lau gamej apa-nga ŋatô sa sêti iŋ ndê. ¹⁵Gêtj dau kékuc yom naŋ propet daŋ to muŋ su bocdec bu:

¹⁶Pômdau sôm, ‘Tiŋambu aö oc wambu wamej, ma wapuc Dawid ndê gôliŋ kiŋ-nga dôŋ tiyham. Dawid ndê gôliŋ dau kwahic dec tisac gitôm andu naŋ tiakwa su, magoc aö oc wakwê sa tiyham. ¹⁷Ŋalêŋ dinaŋ dec wamasaj lêtj bu lau sêŋsalê aö, ma sêtigasuc aö tiyham. Ma lau gamej apa-nga naŋ gahê anej ŋ aê pi ŋac, naŋ sêwhiŋ.’ Pômdau, naŋ oc kôm gêtj dau ŋandô sa, naŋ ndê yom dau dinaŋ. ¹⁸Iŋ kêmasaj lêtj dau gwanaj su.” *[Amos 9:11-12]*

¹⁹Goc Jems sôm, “Bocdinaŋ aö gauc gêm bu lau gamej apa-nga naŋ sêkac si ŋalôm kwi ma sêsôc Anötö ndê gôliŋ ŋapu, naŋ oc dakêŋ ŋawapac têtj ŋac dom. ²⁰Mba! Dato bapia têtj ŋac, ma dakêŋ puc ŋac bu sênej gêtj danej-nga naŋ lau sêkêŋ ti da têtj anötöi gwam, naŋ dom, bu gêtj dau ŋadômbwi yêc Anötö aŋgô-nga. Danem la ŋac bu sêkôm mêtê mockaiŋ-nga dom, ma sênej bôc naŋ sêkiŋ ndu ma wata ti dac naŋ dom. ²¹Yom dau dinaŋ. Moses ndê yom, naŋ oc sêŋyalê su, ma bocdinaŋ dato yom pi dom. Bu lau sem mêtê pi Moses ndê yom yêc malac atu-tu hoŋ gitôm yala daêsam su, ma sêsam iŋ ndê buku yêc ŋac si lôm wê-nga tôm bêc Sabat-nga hoŋ.”

Sêto bapia têtj lau gamej apa-nga

²²Têtj dinaŋ lau aposel ti lau bata, ma lau sêkêŋ whiŋ-nga hoŋ si ŋalôm tigej, bu sêŋyaliŋ ŋac si lau ŋatô sa, bu sêtêtj Antiok sêwhiŋ Pol lu Banabas sêndi. Ŋac s êŋyaliŋ lau sêkêŋ whiŋ-nga si ŋgac bata lu sa, naŋ Judas, naŋ sêsam iŋ ndê ŋaê daŋ bu Basabas, lu Sailas. ²³Ma sêto bapia daŋ bu iŋlu sêkôc tôhôn, naŋ sôm yom bocdec bu:

Yac ato bapia dindec têtj mac lau gamej apa-nga naŋ akêŋ whiŋ Pômdau, yêc malac Antiok ma gamej Siria-nga ti Silisia-nga. Mac nem asidôwai yac lau aposel ti lau bata lec, akôm acsalô ŋayham têtj mac.

²⁴Yac atap sa bu yac mba lau ŋatô sêhóc asê mac, ma sêkôm mac nem ŋalôm ŋawapac tu ŋac si yom pi mêtê dasê laungac ŋamlic-nga. Yac aŋkiŋ lau dau sêtêtj mac sêloc dom. ²⁵Bocdinaŋ yac hoŋ gauc gêm tidôn bu aŋyaliŋ lau ŋatô sa ma aŋkiŋ ŋac sêtêtj mac sêloc sêwhiŋ yac mba silip ŋayham lu, naŋ Pol lu Banabas. ²⁶Iŋlu sêkêŋ dau sambuc bu sêhoc Pômdau Yisu Kilisi ndê ŋawaê ŋayham asê, ma sêtôc dau dom bu sêmbac ndu tu iŋ ndê ŋaê-nga. ²⁷Ma kwahic dec yac aŋkiŋ Judas lu Sailas sêwhiŋ iŋlu sêtêtj mac sêloc, bu sêpuc yom bapia dindec-nga dôŋ. ²⁸Yac bu akêŋ ŋawapac têtj mac dom, tigej bu anem la mac. Ma yac akêŋ whiŋ bu Ŋalau Dabuŋ oc puc yac mba yom dau dôŋ. Yom dau bocdec. ²⁹Anej gêtj danej-

nga nanj lau sêkên ti da têtj anötöi gwam, nanj dom. Aneŋ bôc nanj sêkiŋ ndu ma wata ti dac, nanj dom. Ma akôm mêtê mockaiŋ-nga dom. Ayob daôm bu ambo ahê gêtj dau, nanj dec oc akôm mêtê ŋayham. Yom dau dinaŋ. Acsalô ŋayham têtj mac hoŋ.

³⁰Sêto bapia dau su, goc sêŋkiŋ lau dau sêtêtj Antiok si. Ma yêc dindê, ŋac sêkac lau sêkên whiŋ-nga sa, ma sêkên bapia dau têtj ŋac. ³¹Lau sêkên whiŋ-nga sêsam, dec puc ŋac dôŋ ma kôm ŋac atac ŋayham sa. ³²Judas lu Sailas dau propet lu, ma sêsôm yom ti sêkên gauc ŋayham daêsam têtj lau sêkên whiŋ-nga, bu sêpuc ŋac dôŋ. ³³Sêmbo sêwhiŋ ŋac bêc ŋatô, goc lau sêkên whiŋ-nga sem mbec iŋlu ŋa yom malô, ma sêŋkiŋ iŋlu sêmbu sêtêtj gôlôwac dabuŋ Jerusalem-nga, nanj sêŋkiŋ iŋlu sêmeŋ, nanj si tiyham. [³⁴Magoc Sailas gauc gêm bu mbo malac Antiok.] ³⁵Ma Pol lu Banabas sêmbo malac Antiok, ma iŋlu sêwhiŋ lau daêsam, sêmbo ti sêndôhôn lau ma sêhoc Pômdau ndê yom asê.

Pol lu Banabas sêhu dau siŋ

³⁶Tiŋambu Pol sôm yom têtj Banabas bocdec bu, “Aô gauc gêm bu hêclu dambu datêtj malac hoŋ nanj muŋ-nga dahoc Pômdau ndê yom asê dambo, nanj dandi. Dandic lau kêsi yêc dindê, ma dalic bu ŋac sêmbo ŋalêtj bocke.” ³⁷Banabas tac whiŋ bu sêkôc Jon nanj sêsam iŋ ndê ŋaê daŋ bu Mak, nanj whiŋ iŋlu ndi. ³⁸Magoc Pol gêlic gauc dau bu yham dom. Ŋahu bu muŋ-nga Jon hu iŋlu ma iŋlu si gwelêŋ siŋ yêc gameŋ Pampilia-nga. ³⁹Tu yom dinaŋ-nga Pol lu Banabas sêseŋ dau e sêhu dau siŋ. Banabas kôc Mak ma iŋlu sêpi waŋ daŋ ma sêtêtj nduc Saipras si. ⁴⁰Magoc Pol kêyaliŋ Sailas sa bu êŋsêlêŋ whiŋ iŋ ndi. Asidôwai Antiok-nga sem mbec iŋlu ma sêteŋ Pômdau bu puc iŋlu dôŋ ŋa iŋ ndê mwasinŋ, ma tiŋambu iŋlu sêlhô si. ⁴¹Ma iŋlu sic gameŋ Siria ti Silisia-nga kêsi ma sêpuc lau sêkên whiŋ-nga dôŋ yêc gameŋ dinaŋ.

Timoti kôm gwelêŋ whiŋ Pol lu Sailas

16 ¹Pol lu Sailas sêhôt asê malac Derbi, ma tiŋambu sêtêtj malac Lистра si. Yêc malac dinaŋ ŋgac kêtj whiŋ-nga daŋ ŋaê Timoti mbo. Iŋ dinda iŋ awê Israel-nga daŋ nanj kêtj whiŋ Pômdau, ma Timoti damba iŋ ŋgac Grik-nga. ²Lau sêkên whiŋ-nga nanj sêmbo malac Lистра ma Aikoniam sêlic Timoti bu ŋgac ŋayham ma sêmpiŋ iŋ. ³Pol tac whiŋ bu Timoti êŋsêlêŋ ti kôm gwelêŋ whiŋ iŋ. Tigeŋ iŋ kêyalê bu lau Israel-nga hoŋ nanj sêmbo gameŋ dinaŋ, nanj sêŋyalê bu Timoti damba iŋ ŋgac Grik-nga. Tu dinaŋ-nga iŋ sê Timoti ndê ŋamlic ŋatô su. ⁴Tiŋambu sêŋsêlêŋ sêlom-sêlom malac, ma sêhoc yom nanj lau bata ti lau aposel sêmatiŋ tidôn yêc Jerusalem, nanj asê têtj lau sêkên whiŋ-nga bu sêŋkuc. ⁵Ŋalêtj dau dinaŋ Anötö puc lau si sêkên whiŋ dôŋ yêc malac hoŋ dinaŋ, ma tôm bêc hoŋ lau sêkên whiŋ-nga si toŋ kêsôwec tiatu.

Pol yêc mbê pi ngac Masedonia-nga

⁶Ŋalau Dabuŋ kalhac Pol ti lau naŋ sêwhiŋ iŋ ahuc, bu sênem mêtê yêc gameŋ Esia-nga têtŋ ŋasawa dinaŋ dom. Bocdinaŋ dec ŋac gacgeŋ sêmbo gameŋ Prigia ti Galesia-nga, ma sêkôm gwelêŋ sêmbo dinaŋ. ⁷Têtŋ ndoc sêhôt asê gameŋ Misia-nga ŋabatiŋ, ma bu sêsôt malac Bitinia sêndi, naŋ Yisu ndê Ŋalau kalhac ŋac ahuc tiyham. ⁸Bocdinaŋ sêhôt gêlêc gameŋ Misia-nga ma sêsip malac Troas si. ⁹Têtŋ ôbwêc dinaŋ Pol yêc mbê ma gêlic ngac daŋ akêtŋ gameŋ Masedonia-nga meŋ kalhac iŋ aŋgô-nga, ma teŋ iŋ bocdec bu, “Têtŋ Masedonia mweŋ ma nem yac sa.” ¹⁰Pol yêc mbê dau su ma whê sa têtŋ yac^f e aŋyalê bu Anötô mbwêc yac bu anem mêtê têtŋ lau Masedonia-nga. Bocdinaŋ dec yac aŋsahic dauŋ bu atêtŋ lau dau andi.

Lidia kôc Pol ndê yom sa ma kêtŋ whiŋ Yisu.

¹¹Yac api waŋ yêc Troas ma solop atêtŋ nduc Samotres a, ma ŋagalaŋsê yac ahu nduc dau siŋ ma asôt baö yêc malac Niapolis. ¹²Goc yac aŋsêlêŋ atêtŋ malac Pilipai a a mbo bêtŋ ŋatô. Malac dau ti gameŋ Masedonia-nga ŋa-malac atu, ma lau Rom-nga naŋ sem gôliŋ gameŋ dau, naŋ sêndöt malac dinaŋ.

¹³Têtŋ Sabat daŋ yac ahu malac dau siŋ, ma asa atêtŋ bu daŋ yêc malac dau ŋamakê a. Yac gauc gêm bu mboe gameŋ dinaŋ, iŋ lau ŋatô si gameŋ sêteŋ mbec-nga. Ma yac atap lauwhê ŋatô sa, naŋ sêkac sa sêmbo dindê, dec andöt sic ma ac hu asôm yom têtŋ ŋac. ¹⁴Lauwhê naŋ sêŋgô yom dau, naŋ si daŋ iŋ Lidia. Iŋ awhê tidulu po ŋadalô-nga, naŋ meŋ akêtŋ malac Tayatira, ma iŋ awhê toc Anötô sa-nga. Têtŋ ndoc iŋ ŋgô Pol ndê yom, naŋ Pômdau kac iŋ ndê ŋalôm bu kôc yom dau sa ma kêtŋ whiŋ Yisu. ¹⁵Dec Lidia ti lau hoŋ naŋ sêndöt iŋ ndê andu naŋ sêliŋ saŋgu. Ma tiŋambu iŋ sôm têtŋ yac, “Mac bu alic aö gitôm awhê naŋ kêtŋ whiŋ Pômdau, dec amêŋ ambo aneŋ andu.” Ma iŋ piŋkap yac ŋapaŋ e yac awhiŋ iŋ a.

Pol lu Sailas sêndöt gapocwalô

¹⁶Têtŋ ndoc daŋ yac bu atêtŋ gameŋ naŋ lau sêteŋ mbec sêmbo, naŋ andi, ma awhê daŋ meŋ tap yac sa. Iŋ awhê akiŋ ŋambwa daŋ, ma ŋalau daŋ mbo whiŋ iŋ ma hoc yom asê pi gêtŋ naŋ oc meŋ sa tiŋambu. Lau daêsam êlêmê sêtêtŋ iŋ si, bu iŋ whê yom sa pi gêtŋ naŋ oc hôc asê ŋac têtŋ têm ŋambu-nga. Ma awhê dau ndê ŋadaui sêtap awa atu sa tu iŋ-nga. ¹⁷Têtŋ têm dinaŋ yac aŋsêlêŋ awhiŋ Pol, ma awhê dau kêtŋ yac ma

^f 16:10 Yêc ŋabatiŋ 10 Luk to yom ‘yac,’ dec tôc asê bu iŋ dau mbo whiŋ Pol têtŋ ndoc dinaŋ e tôm ndoc sêtêtŋ malac Pilipai si - yêc ŋabatiŋ 19 iŋ to ‘yac’ tiyham dom. Iŋ kôm ŋalêŋ tiŋeŋ yêc Apo 20:5–21:18 ma 27:1–28:16.

mbwêc bocdec bu, “Lau dindec sem akiñ Anötö Ìjawasi ti Ìjaclai Ìjadau, ma sêwhê yom sa pi lêñ Anötö nem mac si andöc tamli ñapan-nga.”

¹⁸Tôm bêc daêsam iñ kôm boc-dinañ e mbô Pol ñalôm sa. Goc iñ kac dau kwi ma sôm têtñ ñalau bu, “Tu Yisu Kilisi ndê ñaê-nga, dec wandic atu am bu sa yêc awhê dinañ.” Ma ñagahô eñ ñalau hu awhê dau siñ.

¹⁹Têtñ ndoc dinañ awhê dau ndê ñadaui sêñyalê bu ñac si lêñ sêkôc awa-nga pacndê. Dec sêlô Pol lu Sailas dôñ ma sêhê iñlu sa sêsôc malac lôm sêtêtñ lau atu-tu si. ²⁰Sêkêtñ iñlu sêlhac lau sêmatôc yom-nga si añgô-nga, ma sêsôm, “Ìñgac lu dindec iñlu ñgac Israel-nga. Ma sêmeñ bu sêli lau malac-nga si ñalôm sa. ²¹Bu iñlu sêkac lau bu sêñkuc mêtê ñatô nañ yac lau Rom-nga bu tañkuc, dec oc so yac neñ ñagôliñ.” ²²Awhê akiñ dau ndê ñadaui sêñgôliñ yom dinañ pi Pol lu Sailas, ma lau malac-nga sêpuc yom ñau dôñ. Bocdinañ lau sêmatôc yom-nga sêkêtñ yatu bu sêkac iñlu si ñakwê su ma sêhi iñlu ña sô. ²³Sêhi iñlu ña sô sac andô, goc sêkêtñ iñlu sêndöc gapocwalô. Ma sêsôm yom ñañga têtñ ñgac nañ yob gapocwalô bu yob iñlu ñapep. ²⁴Ìñ ñgô yom dau su dec kêtñ iñlu sêndöc ñalôm ña, nañ yêc andu gapocwalô-nga dau ña-ñalôm andô. Ma iñ sô iñlu gahi dôñ gêm damiñ a.

²⁵Timaniñhu Pol lu Sailas sêteñ mbec ti sem wê sêmpinñ Anötö, ma lau gapocwalô-nga ñatô sêkêtñ ñañga iñlu. ²⁶Sem wê sêmbô ma t iyhô atu gêm dec andu gapocwalô-nga wiwic sa. Ma gatam gapocwalô-nga hoñ sêlêc dau su, ma sen gapocwalô-nga suc yêc lau hoñ. ²⁷Têtñ têtñ dinañ ñgac yob gapocwalô-nga tali sa ma gêlic bu gatam hoñ kac sa su. Iñ gauc gêm bu lau hoñ oc sêlhô si su, dec púc iñ ndê bienñ baliñ sa bu kuñ dau ndu. ²⁸Magoc Pol mbwêc, “Kôm ñaôm ñayom dom. Yac hoñ kelec ambo!” ²⁹Goc ñadau sôm bu lau sêtuñ ya sa sêmeñ, ma sôc gapocwalô gi. Iñ hu dau sip nom yêc Pol lu Sailas gahi-nga, ma töc dau ti kêtitec ñandô. ³⁰Malô goc iñ wê iñlu sêsa awê si ma ndac iñlu, “O ñgac atu lu. Aô wakôm sake bu watap señ wandöc tañli-nga sa?” ³¹Ma iñlu sêô yom ma sêsôm, “Kêtñ whiñ Pômdau Yisu, dec am oc tap Anötö ndê mwasiñ nem am si-nga sa. Am ti am nem lau hoñ nañ ambo nem andu, nañ asa lêñ tigeñ dinañ.” ³²⁻³³Têtñ ôbwêc dinañ ñgac yob andu gapocwalô-nga kôc iñlu ma kêgwasinñ iñlu gamboc. Ma iñlu sêwhê Pômdau ndê yom sa têtñ iñ ti lau hoñ nañ sêmbô iñ ndê andu. Ma iñ ti ndê lau hoñ sêliñ sañgu. ³⁴Tiñambu iñ kôc iñlu sêsôc iñ ndê andu si ma kêtñ gêtñ daneñ-nga iñlu señ. Iñ tac ñayham atu bu iñ ti ndê lau hoñ kwahic dec sêkêtñ whiñ Anötö.

³⁵T êñ galañsê bêbêc lau sêmatôc yom-nga sêñkiñ lau siñ-nga ñatô sêtêtñ ñgac yob gapocwalô-nga si, bu sêsôm têtñ iñ bu êñgapwêc Pol lu Sailas su. ³⁶Ìñgac nañ yob andu gapocwalô-nga ñgô yom dau, goc sôm têtñ Pol, “Lau sêmatôc yom-nga sêkêtñ yom meñ bu wañgapwêc amlu Sailas su yêc gapocwalô. Bocdinañ amlu alhö andi ti yom malô.” ³⁷Magoc Pol sôm

têḅ lau s iḅ-ḅga dinaḅ, “Alu ḅgac Israel-ḅga, magoc alu ḅgac Rom-ḅga⁸ awḅiḅ. Sêmatôc alu mba yom ḅapep dom, ma sic alu yêc lau hoḅ aḅgô-ḅga e sêkêḅ alu andôc dec. Ma bocke dec ḅac bu sêhu alu siḅ gelec alhô andi? Mba! ḅac dau sêmeḅ ma sêwê alu asa andi.”

³⁸Lau siḅ-ḅga dinaḅ sêmbu si ma sic miḅ yom dau têtḅ lau sêmatôc yom-ḅga. ḅac sêḅgô bu Pol lu Sailas iḅlu ḅgac Rom-ḅga sêtôm ḅac, dec ḅac sêtôc dau atu. ³⁹Goc ḅac sêtêtḅ gapocwalô si ma sêkôm bu sênem malô iḅlu si ḅalôm. Sêkôc iḅlu su yêc andu gapocwalô-ḅga, ma sêwê iḅlu sêsa si. Ma sêndac iḅlu bu sêhu malac dau siḅ. ⁴⁰Têtḅ ndoc Pol lu Sailas sêhu gapocwalô siḅ, naḅ iḅlu sêtêtḅ Lidia ndê andu si. Sêkac lau sêkêḅ whiḅ-ḅga hoḅ sa, ma sêsôm yom ḅayham daêsam tu sêpuc ḅac dôn-ḅga. Ma tiḅambu sêhu ḅac siḅ.

Lau sêkêḅ kisa Pol lu Sailas yêc Tesalonika

17 ¹Iḅlu sêḅsêlêḅ si sêsa seḅ têtḅ malac Ampipolis ma Apolonia, ma gacgeḅ si e sêhóc asê Tesalonika. Yêc malac dinaḅ lau Israel si lôm wê-ḅga daḅ kalhac. ²Pol kêkuc iḅ ndê mêtê, ma têtḅ Sabat sôc lôm wê-ḅga dau gi. Ma gitôm Sabat tō iḅ gêm yomgalôm whiḅ lau yêc dindê, bu whê ḅac si gauc sa pi Anôtō ndê yom daêsam naḅ sêto yêc muḅ su naḅ. ³Iḅ whê sa ma tōc asê bu Mesaya gic waê bu hóc ḅandê e mbac ndu, ma tisa akêḅ lau batê-ḅga ma mbo tali tiyham. Dec iḅ sôm têtḅ ḅac, “Kwahic dec aô wasôm têtḅ mac bu Yisu iḅ Mesaya dau. Yom ḅandô!” ⁴Lau Israel-ḅga ḅatô sêkêḅ whiḅ ma sêlhac sêwhiḅ Pol lu Sailas. Ma lau Grik-ḅga daêsam naḅ sêtoc Anôtō sa, naḅ sêkêḅ whiḅ, ma lauwhê tiwaê daêsam bocdinaḅ.

⁵Magoc lau Israel-ḅga ḅatô sem lêmuy Pol lu Sailas, dec sêsôc malac lôm si, ma sêkac lau sac ḅatô sa sêpitigeḅ, ma sêḅgilí ḅac tu bu sêndic hu kisa. ḅac sêḅyalê bu Pol lu Sailas sêyêc Jason ndê andu, dec sênti sêtêtḅ andu dau si, bu sêhê iḅlu sêsa sêmeḅ. ⁶Magoc sêtap iḅlu sa dom, ma bocdinaḅ sêkôc Jason ti lau sêkêḅ whiḅ-ḅga ḅatô ma sêkêḅ ḅac sêlhac lau bata malac-ḅga aḅgô-ḅga. Ma sêsôm ḅa awḅa atu, “Lau naḅ sêli lau ḅalôm sa yêc gameḅ hoḅ, naḅ kwahic dec sêmeḅ sêkôm yêc yac neḅ malac. ⁷Ma Jason, ḅgac dindec, iḅ kôc ḅac sa sêmbu iḅ ndê andu. ḅac sêsôc †Sisa ndê ḅagôliḅ ḅapu dom, ma ḅac hoḅ sêsôm bu kiḅ daḅ tiyham mbo, naḅ ndê ḅaê Yisu.” ⁸Lau bata ti lau toḅ dinaḅ ma lau malac-ḅga hoḅ sêḅgô yom dinaḅ e gêli ḅac si ḅalôm sa ḅandô. ⁹Goc sêsôm bu Jason ti iḅ ndê lau sênemlhi dau su yêc gapocwalô. Semlhi su goc sêkêḅ ḅac sêlhô si.

⁸ 16:37 Yom dau ḅahu sêsôm yêc Yom Inglis bu ‘citizenship.’ Pol whê iḅlu Sailas sa bu citizen Israel-ḅga, ma citizen Rom-ḅga whiḅ. Lau Rom si ḅagôliḅ daḅ kêḅ yao bu sêhi citizen Rom-ḅga dom, bocdinaḅ gêḅ naḅ sêkôm têtḅ iḅlu Sailas, naḅ gêḅ so. Alic yom ḅatô yêc Apo 22:25-29.

Pol lu Sailas sêtêṅ malac Berea si

¹⁰Lau sêkêṅ whiṅ-ṅga yêc Tesalonika sêhôn e ṅasec sa su, goc sêṅkiṅ Pol lu Sailas sêlhô sêtêṅ malac Berea si. Sêhóc asê su sêmbo malac dinaṅ, ma sêsóc lau Israel si lôm wê-ṅga si ma sem mêtê. ¹¹Lau Berea-ṅga ṅac lau si mêtê ṅayham hôc gêlêc lau Tesalonika-ṅga si mêtê. Sêkêṅ danṅa ṅapap têtṅ Pol lu Sailas si yom pi Yisu, ma sêkóc sa ti atac whiṅ. Ma tôm bêc hoṅ sem dôhôn yom dau whiṅ Anötö ndê yom naṅ sêto muṅ su yêc naṅ. Ṽac bu sêṅyalê iṅlu si yom bu yom ṅandô me mba. ¹²Ma lau Israel-ṅga daêsam sêkêṅ whiṅ Yisu, ma yêc lau Grik-ṅga, lauwhê tiwaê ma launṅac daêsam sêkêṅ whiṅ bocdinaṅ.

¹³Malô goc lau Israel-ṅga yêc malac Tesalonika sêṅgô ṅawaê bu Pol gêm Anötö ndê mêtê têtṅ lau mbo Berea. Dec ṅac sêtêṅ Berea si, bu sêli lau ṅalôm sa bu sêkêṅ kisa Pol lu Sailas. ¹⁴Tu dinaṅ-ṅga lau sêkêṅ whiṅ-ṅga sêṅkiṅ Pol kôlhô têtṅ malac danṅ yêc gameṅ gwêc-ṅga gi. Magoc Sailas lu Timoti gacgeṅ sêmbo malac Berea. ¹⁵Lau naṅ sêhoṅ Pol ma sêsa seṅ sêwhiṅ iṅ, naṅ sêkóc iṅ sêsip malac Athens si. Goc Pol kêkiṅ ṅac sêmbu si, ma sôm bu sêkêṅ yom têtṅ Sailas lu Timoti bu sêtêṅ iṅ sêmeṅ ṅagahô.

Pol gêm mêtê yêc Athens

¹⁶Pol hôṅ iṅlu mbo Athens, ma gêlic anötöi gwam daêsam sêlhac malac lôm, dec kôm iṅ ṅalôm ṅawapac. ¹⁷Bocdinaṅ iṅ sôc lôm wê-ṅga gi ma gêm yomgalôm whiṅ lau Israel ti lau Grik-ṅga naṅ sêtoc Anötö sa. Ma tôm bêc hoṅ iṅ sôc malac lôm gi tap lau ṅatô sa, ma whê Anötö ndê yom sa têtṅ ṅac bocdinaṅ. ¹⁸Yêc Athens lau ṅatô sêmbo, naṅ êlême sem yomgalôm pi gêṅ hoṅ ṅahu sêwhiṅ dau. Sêsam ṅac bu lau Epikuria ma lau Stoik. Têtṅ ndoc ṅac si lau ṅatô sêṅgô Pol sôm ṅawaê ṅayham asê pi Yisu, ma pi lêṅ datisa akêṅ lau batê-ṅga, naṅ ṅac sic hu sêseṅ iṅ ndê gauc ti yom ṅatô. Lau ṅatô sêsôm, “Ṽgac dindêc sôm yom daêsam ṅapaṅ, ṅahu bocke?” Ma ṅatô sêsôm, “Mboe iṅ bu nem yac neṅ gauc kwi tu bu dakêṅ whiṅ anötöi apa-ṅga.” ¹⁹Bocdinaṅ dec sêwê iṅ sêtêṅ gameṅ naṅ sêsam bu Areopagas, gameṅ naṅ lau naṅ sêkip gêṅ ṅahu sa-ṅga êlême sêkac sa sêmbo. Ṽac sêkêṅ Pol kalhac lau Areopagas-ṅga ṅṅgô-ṅga, ma sêndac iṅ bocdec bu, “Gitôm bu am whê yom wakuc naṅ am kêdôhôn têtṅ lau, naṅ sa têtṅ yac? ²⁰Yac ṅṅgô am nem yom tôm yom wakuc andô danṅ, ma yac bu ṅṅyalê yom dau ṅahu.” ²¹Lau Athens ti lau apa hoṅ naṅ sêndôc malac dinaṅ, naṅ sêmbo tu sêṅgô yom ti sênem yomgalôm ṅapaṅ pi gauc wakuc bocke naṅ hôc asê ṅac-ṅga. Ṽac si gwelêṅ danṅ mba. Tu dinaṅ-ṅga dec ṅac bu sêṅgô Pol ndê yom.

²²Ma Pol tisa kalhac lau ṅṅgô-ṅga yêc Areopagas, ma sôm, “O mac lau Athens-ṅga. Aô kayalê bu mac akôm gêṅ daêsam tu bu anem akiṅ anötöi nom-ṅga. ²³Bu aô kasêlêṅ ti gatôc gwaniṅ gêṅ hoṅ naṅ mac amasaṅ tu

anem akiñ mac nem anötöi-nga. Ma aö gatap alta dañ sa, nañ mac ato yom pi bocdec bu, ‘Anötö nañ yac tam gauc, nañ ndê alta.’ Anötö nañ mac am akiñ magoc am gauc iñ, nañ kwahic dec aö oc wawhê iñ sa têtñ mac. ²⁴Iñ Anötö, nañ kêtñ nom ti gêtñ hoñ, ma iñ undambê ti nom ñadau. Ma bocdinañ iñ ndöc lôm dabuñ nañ ñamalac amba sêmasañ, nañ dom. ²⁵Ma gêtñ nañ ñamalac sêmasañ, nañ oc nem iñ sa ñalêtñ bocke? Bu iñ pônđa gêtñ dañ dom. Ma iñ dau kêtñ wayahô têtñ ñamalac bu sêmbo tali ma kêtñ gêtñ hoñ bocdinañ. ²⁶Iñ kêtñ ñamalac ñamata-nga mbo nom e kwahic dec lau titoñ-titoñ hoñ sêsa akêtñ ñgac tigeñ dinañ, ma sem nom ñagameñ sambob ahuc. Lau titoñ-titoñ hoñ si gameñ ñabatïñ, nañ Anötö kêtñaliñ sa gwanañ su, ma têtñ bu lau toñ tigeñ-tigeñ si ñaclai tiatu ma tisañ, nañ kêmatiñ tidôn gwanañ su bocdinañ. ²⁷Anötö kôm gêtñ hoñ dinañ tu bu lau sêlic, ma sêñsalê iñ e sêtap iñ sa. Magoc iñ mbo baliñ têtñ yac lau tigeñ-tigeñ dom. ²⁸Tôm yom ñagauc dañ nañ mac daôm nem ñgac dañ to muñ su, nañ sôm, ‘Tu Anötö ndê ñaclai-nga dec yac dambo tañli ma tañsêlêtñ, ma yac neñ ñahu yêc sip iñ-nga.’ Ma mac nem ñgac dañ tiyham to yom ñagauc dañ bocdec bu, ‘Yac dati iñ ndê balêkoc.’ ²⁹Yac dati iñ ndê balêkoc ma bocdinañ yac bu gauc nem bu iñ gitôm gol me silba me hoc me ñagatu dañ, nañ ñamalac sêmasañ tôm ñac si gauc, nañ dec yac gauc gêm yom so pi iñ. ³⁰Muñ-nga lau daêsam gauc gêm yom bocdinañ, bu sêñyalê Anötö dom. Magoc iñ kêtñ ñagêtñ têtñ ñac dom. Tigeñ kwahic dec iñ gic atu bu lau hoñ sênem dau kwi. ³¹Bu iñ kêtñaliñ bêt dañ sa bu êmatôc lau nom-nga hoñ, ma iñ oc kôm gêtñ dau êñkuc iñ ndê lêtñ gitêtñ. Ma iñ k êyaliñ ñgac dañ sa bu kôm gwelenñ dau. Iñ uñ ñgac dau sa akêtñ lau batê-nga, dec tôc gêtñ dau tiawê têtñ lau hoñ sêlic.”

³²Têtñ ndoc sêñgô Pol ndê yom pi lau sêtisa akêtñ lau batê-nga, nañ lau ñatô sêpu iñ. Magoc lau ñatô sêsôm, “Yac bu añgô am nem yom pi gêtñ dinañ tiyham.” ³³Ma têtñ dinañ Pol tisa ma hu lau nañ sêndöc Areopagas, nañ siñ. ³⁴Lau ñatô sêñkuc Pol ma sêkêtñ whiñ Yisu. ñac si dañ iñ Dionisias, nañ muñ-nga ndöc whiñ lau nañ sêkac sa yêc Areopagas. Ma awhê dañ ñaê Damaris ma lau ñatô sêkêtñ whiñ bocdinañ.

Pol mbo malac Korin

18 ¹Tiñambu Pol hu Atens siñ ma têtñ malac Korin gi. ²Yêc dinañ iñ tap ñgac Israel-nga dañ sa, nañ ndê ñaê Akwila. Iñ dinda kôc iñ yêc gameñ Pontus-nga, ma muñ-nga iñlu ndê awhê Prisila sêndöc malac Rom yêc gameñ Itali-nga. Magoc tiñambu Kiñ Klaudias kêtñ yatu bu lau Israel-nga hoñ sêhu malac Rom siñ, dec iñlu Prisila sêlhô si sêmbo malac Korin. Têtñ ndoc Pol hôc asê, nañ gi gêlic iñlu. ³Akwila lu Prisila i ñlu awhê lu ñgac sêkôc bôc ñamlic ma po ma sêsi pitigeñ tu sêmasañ bac-nga. Pol kêtñalê gwelenñ dau tidôn whiñ, bocdinañ dec mbo whiñ iñlu, ma sêkôm gwelenñ sêwhiñ dau. ⁴Pol tac whiñ bu lau I srael ma lau Grik nañ

sêmbô Korin sêkên whiη Pômdau, dec tòm bêc Sabat-ηga hoη sôc lôm wê-ηga gi, ma gêm yomgalôm whiη ηac.

⁵Têη ndoc Sailas lu Timoti sêmeη akêη gameη Masedonia-ηga, naη Pol kêη dau sambuc tu gweleη nem mêtê lau-ηga. Iη hoc yom asê têη lau Israel-ηga ma sôm têη ηac bu Yisu iη Mesaya dau. ⁶Magoc lau Israel-ηga sêkên whiη Pol ndê yom dom, ma sêli awha sa têη iη. Bocdinaη iη kêgoloη kop su yêc ndê ηakwê bu tôte ηac si giso asê, ma sôm, “Mac atec Anötö ndê yom, dec awêkaiη daôm nem ηagêyô. Aô dom. Kwahic dec wahu mac lau Israel-ηga siη, ma wakôm gweleη têη lau naη lau Israel dom.” ⁷Goc Pol hu lôm wê-ηga siη, ma sa gi mbo Titius Justus ndê andu. Iη ηgac gameη apa-ηga naη gêm akiη Anötö, ma iη ndê andu kalhac kêpiη lôm wê-ηga. ⁸Ma ηgac bata lôm wê-ηga daη ηaê Krispas, ti lau hoη naη sêmbô iη ndê andu, naη sêkên whiη Pômdau. Ma lau Korin-ηga daêsam naη sêηgô Pol ndê yom, naη sêkên whiη Yisu ma sêliη saηgu.

⁹Têη ôbwêc daη Pol yêc mbê, ma gêlic Pômdau sôm yom têη iη bocdec bu, “Tôte daôm dom. Sôm aneη yom asê ηapaη, ma nem daôm dôη dom. ¹⁰Bu aô gambo gawhiη am, ma oc tòm dom bu lau daη sêkên sac am. Bu yêc malac dindec, aneη lau daêsam sêmbô.” ¹¹Bocdinaη Pol mbo Korin tòm yala tigeη ma ayô 6, ma kêdôhôn Anötö ndê yom têη lau.

¹²Têη ndoc naη Galio gêm gôliη gameη Akaya-ηga, naη lau Israel-ηga naη sêndôc malac Korin, naη sêkên si ηalôm pitigeη bu sêkên kisa Pol. Ma sêkên iη kalhac Galio aηgô-ηga bu êmatôc iη ndê yom. ¹³Ma ηac sêsôm, “ηgac dindec kêdôhôn lau bu sênem akiη Anötö ηa lêη naη so yac mba yomsu.” ¹⁴Pol kac awha sa bu sôm yom, m agoc Galio dau ô lau Israel si yom ma sôm, “O mac lau Israel-ηga! Mac nem yom dec bu hêganônη sac atu daη, me gêη naη so ηagôliη Rom-ηga, dec wanηgô. ¹⁵Magoc yom naη mac asôm pi ηgac dindec, naη hêganônη mac daôm nem yom ti ηaê ηatô ma yomsu Israel-ηga. Bocdinaη mac daôm amasaη. Aô oc wamatôc yom kaiη dinaη dom.” ¹⁶Dec iη soc ηac su yêc andu matôc-ηga. ¹⁷Ma lau hoη sêkôc Sostene, ηgac bata naη yob lau Israel-ηga si lôm wê-ηga yêc malac Korin, naη dôη, ma sic iη yêc lau matôc-ηga aηgô-ηga. Ma Galio gêlic, magoc kôm tòm gêm gauc.

Pol mbu têη Antiok gi

¹⁸Pol mbo malac Korin têm baliη ηagec, goc hu lau sêkên whiη-ηga siη ma têη malac Kenkria gi, bu kôc waη ma mbu têη gameη Siria-ηga ndi. Ma Prisila lu Akwila sêwhiη iη si. Muη-ηga Pol gic bata yom daη têη Anötö, ma tu dinaη-η ga têη ndoc sêmbô malac Kenkria, naη kêη kêclauη sêηgapiη tiapê. Pacndê su, goc ηac sêpi waη ma sêlhô si. ¹⁹⁻²⁰Sêtêη malac Epesas si, ma Pol sôc lôm wê-ηga gi, ma gêm yomgalôm whiη lau Israel-ηga. Ma ηac sêndac iη bu mbo whiη ηac têm ηatô tiyham, magoc iη gôlôc têη ηac dom. Iη hu Prisila lu Akwila siη sêmbô sêwhiη ηac. ²¹Ma

têṅ ndoc iṅ pi waṅ gi, naṅ kêmatiṅ yom têṅ lau Epesas-ṅga bocdec bu, “Anötö bu lic ṅayham, dec aö wambu watêṅ mac wameṅ tiyham.” Goc waṅ dau hu Epesas siṅ ma sa gi. ²²Waṅ dau kêsêlêṅ e hóc asê malac Sisaria, goc Pol sip baö gi. Ma iṅ pi Jerusalem gi ma gic lau sêkêṅ whiṅ-ṅga kêsi yêc dinaṅ. Ma tiṅambu iṅ têṅ malac Antiok gi. ²³Iṅ mbo Antiok ṅasawa sauṅ, goc kêsêlêṅ têṅ gameṅ Prigia ma Galesia-ṅga gi. Yêc dindê iṅ golom-golom malac ma puc lau sêkêṅ whiṅ-ṅga dôn bu sêlhac ṅaṅga.

Apolos ndê miṅ

²⁴Têṅ ṅasawa dinaṅ ṅgac daṅ ṅaê Apolos hóc asê malac Epesas. I ṅ ṅgac Israel-ṅga naṅ ndê malachu Aleksandria, ma iṅ ṅgac tiguauc ma kêyalê Anötö ndê yom naṅ sêto muṅ su yêc, naṅ tidôṅ. ²⁵Lau ṅatö sêndôhôn iṅ pi Pômdau Yisu su, ma bocdinaṅ iṅ kêṅ ndê ṅalôm ti gauc sambuc bu êndôhôn lau pi Yisu ma whê iṅ ndê yom sa ṅapep. Magoc iṅ kêyalê busaṅgu ṅalêṅ tigeṅ, naṅ Jon ndê lêṅ êṅku lau tu sênem dau kwi-ṅga. ²⁶Yêc Epesas Apolos sôc lôm wê-ṅga gi, ma gêm mêtê ti ṅaṅga. Prisila lu Akwila sêṅgô iṅ ndê yom, dec sêṅgalêm iṅ têṅ iṅlu si andu gi, ma sêwhê yom ṅatö sa têṅ iṅ e iṅ kêyalê Anötö ndê lêṅ nem lau si-ṅga ṅapep eṅ.

²⁷Tiṅambu Apolos bu têṅ gameṅ Akaya-ṅga ndi, dec lau sêkêṅ whiṅ-ṅga yêc malac Epesas sêpuc iṅ ndê ṅalôm dôn. Ma sêto bapia têṅ lau Akaya-ṅga naṅ sêtap Anötö ndê mwasiṅ sa ma sêkêṅ whiṅ Yisu, ma sêteṅ ṅac bu sêkôc Apolos sa. Ma têṅ ndoc iṅ hóc asê, naṅ iṅ mbo whiṅ lau sêkêṅ whiṅ-ṅga dinaṅ, ma gêm ṅac sa ṅandö. ²⁸Bu iṅ kalhac ṅaṅga ma ô lau Israel-ṅga si yom yêc lau hoṅ aṅgô-ṅga, ma whê Anötö ndê yom naṅ sêto yêc, naṅ sa, bu tôc asê bu Yisu iṅ Mesaya dau.

Pol mbu têṅ malac Epesas gi

19 ¹Têṅ ndoc Apolos mbo Korin, naṅ Pol hu gameṅ Prigia ti Galesia-ṅga siṅ, ma kêsêlêṅ ho seṅ lôc-ṅga naṅ sa têṅ malac Epesas gi. Iṅ hóc asê Epesas, ma tap lau sêkêṅ whiṅ-ṅga ṅatö sa. ²Ma iṅ ndac ṅac bocdec bu, “Têṅ ndoc mac akêṅ whiṅ tiwakuc, naṅ mac akôc ṅalau Dabuṅ su, me mba?” Ma sêo yom ma sêsôm, “Mba. Yac akôc ṅalau Dabuṅ su dom, ma aṅgô yom daṅ pi iṅ dom.” ³Dec Pol ndac, “Mac aliṅ busaṅgu kaiṅ bocke?” Ma sêsôm bu, “Yac aliṅ busaṅgu ṅalêṅ gitôm Jon, ṅgac Kêku Lau-ṅga ndê.” ⁴Goc Pol sôm, “Jon kêku lau naṅ sem dau kwi, ma sôm têṅ ṅac bu sêkêṅ whiṅ ṅgac naṅ oc meṅ êṅkuc iṅ, naṅ Yisu.” ⁵ṅac sêṅgô Pol ndê yom dinaṅ goc sêliṅ busaṅgu tu Pômdau Yisu ndê ṅaê-ṅga. ⁶Ma têṅ ndoc Pol hu amba sac ṅac, naṅ ṅalau Dabuṅ gêm ṅac ahuc, dec sêsôm yom sem lau apa awha, ma sêhoc yom asê gitôm lau propet. ⁷Lau naṅ gêṅ dau hóc asê têṅ ṅac, naṅ laṅgac 12.

⁸Pol mbo malac Epesas ṅasawa gitôm ayö tö, ma sôc lôm wê-ṅga ṅapaṅ. Ma yêc dindê iṅ gêlêṅ yom dôn bu whê Anötö ndê gôliṅ ṅahu sa têṅ lau.

⁹Magoc lau ñatô si ñalôm ñadandi ma sêkôc Pol ndê yom sa dom. Ma yêc lau hoñ aṅgô-ṅga sêpu sen nañ Pol whê sa têtṅ ṅac. Goc Pol hu ṅac siñ ma kôc lau sêkêtṅ whiñ-ṅga su yêc lôm wê-ṅga. Ma tôm bêc hoñ iñ gêm mêtê ṅac mbo Tiranus ndê andu lau sêkac sa-ṅga. ¹⁰Iñ kôm bocdinañ tôm yala lu e lau Israel ti Grik-ṅga hoñ nañ sêmbo gameñ Esia-ṅga, nañ sêṅgô Pômdau ndê ñawaê. ¹¹Anötô kêtṅ ñaclai têtṅ Pol ma kôm gêtṅ dalô atu-tu daêsam. ¹²Iñ kôc ñaclai atu, gitôm iñ bu êmasac po waherñ-ṅga ti ñakwê awê-ṅga ma ñaclai dau oc lom ndi. Ma lau bu sêkôc po dau, ma sêkêtṅ sac lau gêmbac ti lau nañ ñalau sac sêmbo ṅac si ñalôm, dec oc kôm ṅac ñayham sa.

Skiwa atui

¹³Lau Israel-ṅga ñatô sêkôm gweleñ sêsoc ñalau sac yêc lau. Ma ṅac sic hu sêsôm Pômdau Yisu ndê ñaê asê têtṅ ndoc sêkôm gweleñ dau. ñac sêkêtṅ yatu ñalau sac bocdec bu, “Am sa mweñ, tu Yisu, nañ Pol gêm mêtê pi iñ, nañ ndê ñaê-ṅga.” ¹⁴Ma Israel si dabuñsiga a tu dañ ñaê Skiwa ndê atui 7 sêkôm gweleñ dau sêwhiñ. ¹⁵Magoc têtṅ bêc dañ ñalau sac dañ ô ṅac si yom ma sôm, “Yisu lu Pol aô kayalê iñlu su, magoc mac lau dinañ aô kayalê mac dom!” ¹⁶Goc ṅac ti ñalau sac dinañ gic ṅac e ku ṅac dulu, ma gic ṅac basô-basô e sêliñ dac sac andô ma sênti sêsa akêtṅ andu dau ñamlic ñambwa-ñambwa si.

Mêtê kêsôwec yêc Esia

¹⁷T êñ ndoc lau Israel ti lau Grik-ṅga nañ sêndöc Epesas nañ sêṅgô gêtṅ dau ñawaê, nañ sêtöc dau atu, ma lau hoñ sêtoc Pômdau Yisu ndê ñaê sa. ¹⁸Ma lau daêsam nañ sic hu sêkêtṅ whiñ Yisu su, magoc sêsap si mêtê akwa dôn, nañ sêtisa sêlhac lau hoñ aṅgô-ṅga ma sêhoc si sac asê. ¹⁹Lau mbectoma-ṅga ñatô sêkôc si bapia mbec-ṅga ma sêkêtṅ pitigeñ yêc lau aṅgô-ṅga, goc sêpec ya gêtṅ. Bapia mbec-ṅga dinañ ñaôli atu-tu. ñac bu sêkêtṅ hoñ têtṅ lau sênemlhi, dec oc sêtap awa sa gitôm mone silba 50,000.^h ²⁰Ñalêñ dinañ dec Pômdau ndê yom tiapa, ma kôm gweleñ ti ñaclai yêc lau sêkêtṅ whiñ-ṅga si ñalôm.

²¹Gêtṅ hoñ dinañ hóc asê su, goc Pol gauc gêm bu têtṅ gameñ Masedonia ti Akaya-ṅga ndi, ma tiñambu mbu têtṅ malac Jerusalem ndi. Iñ sôm, “Aô watêtṅ Jerusalem wandi, ma tiñambu wandic malac Rom kêsî whiñ.” ²²Ma iñ kêtṅ Timoti lu Erastas, ṅac lu nañ sêkôm gweleñ sêwhiñ iñ, nañ sêmuñ iñ sêtêtṅ Masedonia si. Ma iñ dau gacgeñ mbo ñasawa sauñ mbo gameñ Esia-ṅga.

^h 19:19 Mone silba dinañ sêsam bu drakma, ma drakma tigeñ gitôm ñaôli gweleñ bêc tigeñ-ṅga. 50,000 drakma dinañ ñaôli atu andô, oc hóc gêlêc PNG si mone K500,000. Lau ñatô sêkêtṅ whiñ bu yom nañ lau mbectoma sêto pi bapia dau, nañ kêtṅ ñaclai atu têtṅ ṅac, dec semlhi bapia dau ña ñaôli atu.

Lau sêli dau sa yêc Epesas

²³Têṅ ṅasawa dinaṅ lau sêli dau sa ṅandô pi seṅ naṅ lau sêkêṅ whiṅ-ṅga sêṅkuc. ²⁴ṅgac naṅ gic hu gêṅ dau naṅ ndê ṅaê Dimitrias. Iṅ ṅgac naṅ pec silba ma kêmasaṅ ti alta me gêṅ ṅatô bu lau sêkêṅ lhac si andu bu sênem akiṅ anötô gwam awhê naṅ sêsam bu Atemis. Ma iṅ ti lau ṅatô sêtap awa daêsam sa yêc gwelenṅ dinaṅ. ²⁵Iṅ kêgalêm lau dau sa, sêwhiṅ lau ṅatô naṅ sêkôm gwelenṅ kaiṅ tigeṅ, ma sôm têṅ ṅac, “Mac lau! Aṅgô su naṅ. Mac aṅyalê bu yac datap awa atu sa tu gwelenṅ dindéc-ṅga. ²⁶Magoc mac alic ti aṅgô ṅawaê pi gêṅ naṅ Pol kôm. Iṅ ṅgac naṅ sôm têṅ lau bu gwam naṅ ṅamalac amba sêmasaṅ, naṅ anötô ṅandô dom. Ma iṅ gêm lau daêsam si ṅalôm kwi bu sêhu sakiṅ anötô gwam-ṅga siṅ. Iṅ kôm yêc malac Epesas ma sauṅ iṅ ndê yom oc nem gameṅ Esia-ṅga sambuc ahuc. ²⁷Gêṅ dau oc kôm lau sêlic yac neṅ gwelenṅ sac, ma lôm naṅ lau sem akiṅ Atemis sêmbo, naṅ oc sêlic tôm gêṅ ṅambwa. Ma anötô awhê dau, naṅ lau sem akiṅ yêc gameṅ Esia-ṅga ma tôm nom ṅagameṅ hoṅ, naṅ ndê waê oc niṅga.” ²⁸Lau sêṅgô Dimitrias ndê yom ma gêli ṅac si ṅalôm sa e sic hu sêmbwêc, “Lau Epesas-ṅga si anötô Atemis, iṅ anötô tiwaê!”

²⁹Malô goc lau malac-ṅga hoṅ naṅ sêkac sa, naṅ sêli dau sa. ṅac sêkôc Gaius lu Aristakus, ṅgac lu akêṅ Masedonia naṅ êlêmê sêṅsêlêṅ sêwhiṅ Pol, naṅ dôṅ, ma ṅac hoṅ sênti sêtêṅ gameṅ lau sêkac dau sa-ṅga, naṅ si. ³⁰Pol tac whiṅ bu sôm yom têṅ lau dau, magoc lau sêkêṅ whiṅ-ṅga sêlhac iṅ ahuc. ³¹Ma lau bata Rom-ṅga ṅatô naṅ sêmbo gameṅ dinaṅ, naṅ Pol ndê silip, naṅ sêkêṅ yom têṅ iṅ, ma sêteṅ iṅ bu têṅ gameṅ dinaṅ ndi dom.

³²Lau hoṅ naṅ sêkac dau sa sêmbo, naṅ si gauc kêṅsôṅ. ṅac hoṅ sêmbwêc yom tidau-tidau. Ma ṅac si daêsam sem gauc ṅahu bocke dec sêkac sa sêmbo dinaṅ. ³³Lau Israel-ṅga sêtiṅ ṅac si ṅgac bata daṅ ṅaê Aleksanda sa ṅalhu gi, bu sôm yom ma nem malô lau Epesas-ṅga ṅalôm tu ṅac lau Israel-ṅga. Lau daêsam sêmbwêc yom ṅagauc têṅ iṅ, dec iṅ gic amba bu sênem dau dôṅ ma sêṅgô iṅ ndê yom. ³⁴Magoc lau sêlic bu iṅ ṅgac Israel-ṅga daṅ, dec hoṅ sêmbwêc ṅa awha atu tôm acgatu ṅasawa lu bu, “Lau Epesas-ṅga si anötô Atemis, iṅ anötô tiwaê! Iṅ anötô tiwaê!”

³⁵Têṅ dinaṅ ṅgac bata Epesas-ṅga daṅ tisa ma sôm lau hoṅ mamaṅ. Iṅ ṅgac naṅ to yom naṅ lau bata malac dinaṅ-ṅga sêmatiaṅ tidôṅ, ma yob ṅac si bapia. Ma iṅ sôm, “Mac lau Epesas-ṅga, bocke? Lau nom-ṅga hoṅ sêṅyalê bu mac ayob anötô awhê atu Atemis ndê lôm, ti hoc naṅ peṅ sip akêṅ umbonṅ, naṅ lau sêtoc sa tôm Atemis ndê ṅagatu. ³⁶Gêṅ hoṅ dinaṅ tôc dau yêc awê su, bocdinaṅ anem daôm dôṅ ma ayob daôm bu akôm gêṅ hoṅ ti gauc eṅ. ³⁷Mac akôc ṅgac lu dinaṅ dôṅ, ma awê iṅlu sêsôc sêmeṅ, magoc sêsu yac neṅ anötô awhê susu dom, ma sem kaṅ gêṅ daṅ

yêc inj ndê lôm dom. ³⁸Yac neŋ andu sêmatôc yom-ŋga dê sêlhac, ma lau sêmatôc yom-ŋga sêmbo. Dimitrias ti lau sêpec silba-ŋga naŋ si yom bu yêc asa, naŋ dec sêkôc inj solop sêtêŋ lau dau sêndi. ³⁹Kwahic dec mac nem yom ŋatô bu yêc, naŋ akêŋ têtŋ lau sêmatôc yom-ŋga bu sêmatôc. ⁴⁰Ayob daôm ŋapep! Tu gêtŋ naŋ mac akôm têtŋ acsalô lec-ŋga, dec gitôm bu mac daôm alhac lau dau aŋgô-ŋga, ma oc atap matôc sa pi mêtê ali lau sa-ŋga. Gêtŋ dau bu hóc asê, dec oc tôm dom bu mac amasaŋ yom têtŋ ŋgac êmatôc yom-ŋga. Bu gêtŋ naŋ mac akôm, naŋ ŋahu ŋayham mbasi.” ⁴¹Inj sôm yom dinaŋ su, goc kêkiŋ lau sêlhô têtŋtêtŋ.

Pol kôm gwelenj mbo Masedonia ma gameŋ Grik-ŋga

20 ¹Ŋantij atu dau pacndê, goc Pol kêgalêm lau Epesas-ŋga naŋ sêkêŋ whiŋ Yisu, naŋ sa sêpitigeŋ. Inj sôm yom bu puc ŋac dôn ma êŋgilí ŋac bu sêlhac ŋaŋga, goc poŋ ŋac ma ti bu têtŋ Masedonia ndi. ²Inj gi hóc asê su, ma kôm gwelenj golom-golom malac. Inj gêm mêtê ti sôm yom daêsam tu bu puc lau si sêkêŋ whiŋ dôn-ŋga, ma inj kôm ŋapaŋ e hóc asê gameŋ Grik-ŋga. ³Inj mbo dindê gitôm ayô tō ma bu pi waŋ daŋ bu mbu têtŋ gameŋ Siria-ŋga ndi. Magoc têtŋ ndoc dinaŋ lau Israel-ŋga ŋatô sêkic yom bu sêpi waŋ sêwhiŋ sêndi, ma sêkôm inj ŋayom. Pol ŋgô ŋapuc, dec inj pi waŋ gi dom, magoc mbu sôc gameŋ Masedonia-ŋga gi tiyham. ⁴Lauŋgac naŋ sêkôm gwelenj sêwhiŋ inj, naŋ si ŋaê bocdec. Sopate, inj Pirijs atungac akêŋ malac Berea, Aristakus lu Sekundus akêŋ malac Tesalonika, Gaius akêŋ Derbi, ma Tikikus lu Tropimus akêŋ gameŋ Esia-ŋga, ma Timoti. ⁵Lau hoŋ dinaŋ sêmuŋ si sêhônŋ yac sêmbo malac Troas. ⁶Ma yac ambo malac Pilipai e lau Israel si Mwasij Bolom Yist Mba-ŋga pacndê, goc akôc waŋ daŋ bu atêŋ Troas andi. Waŋ dau kêsêlêŋ mbo gwêc ŋasawa gitôm bêc amaŋdaŋ su, goc yac ahóc asê Troas ma atap lau dinaŋ sa. Ma yac ambo malac dinaŋ tôm wake sambuc daŋ.

Pol uŋ Yutikas sa

⁷⁻⁹Têtŋ Sonda ôbwêc lau sêkêŋ whiŋ-ŋga sêpitigeŋ bu sêneŋ mwasij dabuŋ. Yac akac sa ambo andu baliŋ daŋ, andôc ŋalôm ŋahô titô-ŋga ma lau sêkêŋ lam daêsam sêŋgalêŋ. Pol gauc gêm bu hu Troas siŋ têtŋ laŋsê, ma bocdinaŋ gêm mêtê baliŋ e timaniŋhu. Balê wakuc daŋ ŋaê Yutikas ndôc gatam atú ma kêŋ daŋga Pol ndê yom e bêc ku inj dulu. Inj yêc bêc kêlhiŋ dau siŋ, ma gacgeŋ peŋ sip nom gi akêŋ ŋalôm ŋahô-ŋga dinaŋ. Lau sêsip si bu sêkôc inj sa, magoc sêlic bu inj mbac ndu su. ¹⁰Magoc Pol sip gi, hu dau sac balê dau ŋahô ma kêgape inj dôn. Ma inj sôm têtŋ lau, “Mac ahêgo daôm dom. Inj tali.” ¹¹Goc inj mbu pi andu ŋalôm ŋahô-ŋga tiyham gi. Ma inj pô bolom kôc ma ŋac seŋ mwasij dabuŋ. Ma inj gic têtŋ inj ndê yom tiyham e bêbêc, goc hu ŋac siŋ ma kôlhô gi. ¹²Ma balê naŋ Pol uŋ inj sa mbo tali tiyham, naŋ lau sêkôc inj mbu têtŋ inj ndê andu gi ti atac ŋayham atu.

Pol têtj malac Miletus gi

¹³Pol gauc gêm bu ênsêlêj ho sej têtj malac Asos ndi, ma sôm têtj yac bu api waŋ daŋ andi atap iŋ sa yêc dindê. ¹⁴Yac a ahôc asê ma iŋ tap yac sa yêc Asos. Ma yac akôc iŋ pi waŋ whiŋ yac, goc atêtj malac Mitilene a. ¹⁵Ŋagalaŋsê yac ahu malac dau siŋ ma alac e a gi apoc ampiŋ nduc Kios. Têtj bêbêc yac alac atêtj nduc Samos a, ma ŋagalaŋsê ahôc asê malac Miletus. ¹⁶P ol tac whiŋ bu lic Om †Pentikos-ŋga yêc Jerusalem. Tu dinaŋ-ŋga iŋ gauc gêm bu yac andi ŋagahô, ahôc gêlêc malac Epesas, ma ambo gamej Esia-ŋga ŋasawa baliŋ dom.

Pol gic yomsu lau bata Epesas-ŋga

¹⁷Têtj ndoc yac ambo Miletus, naŋ Pol kêtj yom têtj lau sêkêj whiŋ-ŋga yêc malac Epesas, ma kêgalêm ŋac si lau bata sa sêtêj iŋ sêmej. ¹⁸Ŋac sêhôc asê ma iŋ sôm yom têtj ŋac bocdec bu, “Mac aŋyalê aneŋ lêtj hoŋ naŋ gakôm tôm bêc hoŋ naŋ gambo gawhiŋ mac, têtj bêc ŋamata-ŋga naŋ gahôc asê gamej Esia-ŋga ŋapaŋ e meŋ têtj kwahic dec. ¹⁹Lau Israel-ŋga sêkêj kisa aô ŋapaŋ dec sêkêj ŋawapac atu têtj aô. Tigeŋ aô kagwiniŋ dauŋ ma gam akiŋ Pômdau ti taŋsulu tu mac-ŋga. ²⁰Mac aŋyalê bu yom bocke naŋ gitôm bu nem mac sa, naŋ aô gasêc ahuc têtj mac dom. Aô gasôm yom hoŋ asê timala eŋ. Aô kadôhôn mac yêc lhu, ma kadôhôn mac yêc mac nem andu tôm gi. ²¹Aô gahoc yom asê têtj lau Israel ti lau Grik su, bu sênem dau kwi ma sêsôc Anötö ŋapu, ma sêkêj whiŋ yac neŋ Pômdau Yisu. ²²Kwahic dec Ŋalau Dabuŋ kac aô bu watêtj Jerusalem wandi. Magoc aô kayalê gêtj bocke naŋ oc hôc asê aô yêc dindê, naŋ dom. ²³Gêtj tigeŋ dec kayalê su, bu yêc malac hoŋ Ŋalau Dabuŋ kêtj puc aô bu ŋawapac oc sêtap aô sa, ma aô oc wandöc gapocwalô. ²⁴Tigeŋ aô gatôc ti gahêgo dauŋ pi gêtj dau dom. Aô galic dauŋ ŋamlic gitôm gêtj ŋambwa-ŋga. Aneŋ gauc atu bu walhac ŋaŋga e wandic dabiŋ gwelêj naŋ Pômdau Yisu kêtj têtj aô. Ma gwelêj dau bocdec bu, aô oc wahoc ŋawaê ŋayham asê pi Anötö ndê mwasij. ²⁵Mac lau hoŋ naŋ gahoc yom pi Anötö n dê gôliŋ asê têtj mac su, naŋ aŋgô. Kwahic dec aô kayalê bu mac nem daŋ oc lic aô aŋôn tiyham dom. ²⁶Boc-dinaŋ dec wasôm asê têtj mac, bu ŋamalac asa naŋ tec Anötö ndê yom, naŋ aô oc wawêkaiŋ iŋ ndê ŋagêyô dom. ²⁷Bu aô gawhê Anötö ndê lêtj hoŋ sa têtj mac su, yom daŋ siŋ dau yêc-ŋga dom.

²⁸“Mac lau dindêc, ayob daôm ti lau sêkêj whiŋ-ŋga hoŋ ŋapep. Bu Anötö gêmlihi iŋ ndê lau hoŋ su ŋa iŋ dau ndê dac, ma Ŋalau Dabuŋ dau kêyalij mac sa bu ayob ŋac. Bocdinaŋ ayob Anötö ndê domba ŋapep. ²⁹Aô kayalê bu têtj ndoc aô wahu mac siŋ, naŋ kêdôhônwaga tasanj oc sêmej gitôm giam pôm naŋ sêsôc sêmeŋ bu sêseŋ domba. ³⁰Ma mac daôm nem lau ŋatô oc sêtisa, ma sênem yom ŋandô kwi ti yom tasanj,

bu sêḡsôḡ lau ḡatô si gauc e sêhu mac ti yom ḡandô siḡ ma sêḡkuc ḡac.
³¹Bocdinaḡ anem ali ḡapaḡ. Gauc nem bu tôm yala sambuc tō aō gакêḡ
 puc mac tôm ac ma ôbwêc hoḡ ti taḡsulu eḡ.

³²“Kwahic dec aō wakêḡ mac asip Anötô amba. Asap yom pi iḡ ndê
 mwasiḡ atu dôn ḡapaḡ. Bu yom dau ḡitôm bu oc puc mac dôn alhac
 ḡaḡga e awêkaiḡ malam yêc undambê awhiḡ lau dabuḡ hoḡ. ³³Aō
 taḡkwê lau daḡ bu sênem aō sa ḡa gol me silba me ḡakwê dom. ³⁴Mac
 aḡyalê bu aō dauḡ amaḡ gакôm gweleḡ tu watap ḡêḡ sa bu nem aō ti lau
 naḡ sêkôm gweleḡ sêwhiḡ aō, naḡ sa. ³⁵Gweleḡ hoḡ naḡ aō gакôm naḡ
 tōc asê têḡ mac bu dakôm gweleḡ atu kaiḡ dinaḡ ḡapaḡ bu danem lau
 ḡasac sa đandic ḡawaê. Gauc nem yom naḡ Pômdu Yisu dau sôm bocdec
 bu, ‘Dakêḡ ḡêḡ têḡ lau oc êmwasiḡ yac hōc ḡêlêc lau sêkêḡ ḡêḡ têḡ yac,
 naḡ su.’”

³⁶Pol ḡic bata ndê yom ḡoc pōḡ haduc whiḡ ḡac hoḡ, ma teḡ mbec.
³⁷ḡoc ḡac hoḡ sêḡḡape iḡ đōḡ ti sêḡḡutô iḡ, ma sêtaḡ iḡ. ³⁸Pacndê, ḡoc
 sêhoḡ iḡ sêsa waḡ si. ḡac si ḡalôm ḡawapac atu pi iḡ ndê yom naḡ sôm
 bu ḡac oc sêlic iḡ aḡḡo tiyham dom.

Pol hōc asê gameḡ Siria-ḡga

21 ¹Yac ahu ḡac siḡ ma api waḡ a tiyham, ma waḡ dau sa hêḡanōḡ
 nduc daḡ ḡaê Kos, naḡ solop ḡi. ḡaḡalaḡsê waḡ dau kōc yac atêḡ
 malac Rodes, ma a e waḡ sōc malac Patara. ²Yêc dindê yac atap waḡ daḡ
 sa, naḡ bu têḡ gameḡ Pionisia-ḡga ndi, dec apwê ḡi alom ma waḡ dau hu
 Patara siḡ. ³Yac alac e alic nduc Saipras poc ḡalôm-ḡga, ma aḡlêc ambo
 awê-ḡga ma anti e asōc malac Taya yêc gameḡ Siria-ḡga, ma asip baō a.
 Waḡ dau kōc wapa malac dinaḡ-ḡga ḡatô. ⁴Yêc malac Taya yac atap lau
 sêkêḡ whiḡ-ḡga sa, ma ambo awhiḡ ḡac tôm bêc 7. ḡalau Dabuḡ kêḡ puc
 ḡac dec ḡac bu sêlhac Pol ahuc bu têḡ Jerusalem ndi dom. ⁵Magoc bêc 7
 dinaḡ su, ḡoc yac ahu ḡac siḡ bu api waḡ tiyham. Lau sêkêḡ whiḡ-ḡga ti
 ḡac si lauwhêi ma balêkoc hoḡ sêhoḡ yac asa ḡwêc a, ma yêc dindê yac
 apōḡ haḡduc ma atêḡ mbec awhiḡ dauḡ. ⁶ḡoc yac akam dauḡ ma ahu
 dauḡ siḡ. Yac api waḡ ma ḡac sêlhō sêmbu si.

⁷Waḡ dau sa akêḡ Taya ma kêti e hōc asê malac Tolemai. Yêc dindê
 yac atap lau sêkêḡ whiḡ-ḡga sa ma ambo awhiḡ ḡac tôm bêc tigeḡ.
⁸ḡaḡalaḡsê yac api waḡ tiyham ma alac e asōc malac Sisaria. Ma yac
 asip baō a ma ayêc awhiḡ ḡgac aheḡ-ḡga daḡ ḡaê Pilip. Muḡ-ḡga sêḡyaliḡ
 lau 7 sa bu sêndic sam ḡêḡ daneḡ-ḡga, ma Pilip iḡ ḡac si daḡ. ⁹Iḡ ndê
 atuwêi hale sêmbu, naḡ sem ḡgac sa su dom, ma Anötô kêmwasiḡ ḡac
 hoḡ bu sêhoc yom asê sêtôm propet. ¹⁰Yac ambo awhiḡ ḡac bêc ḡatô su,
 ḡoc propet daḡ ḡaê Agabus sip akêḡ gameḡ Judia-ḡga meḡ. ¹¹Iḡ têḡ yac
 meḡ, ḡoc kōc Pol ndê piḡkap su, ma sô iḡ dau amba ti ga hi đōḡ. Ma iḡ
 sôm, “ḡalau Dabuḡ sôm bu ḡalêḡ tigeḡ lau Israel-ḡga naḡ sêmbu malac

Jerusalem, naŋ oc sêšô piŋkap dindéc ŋadau dôŋ, ma sêkêŋ iŋ sip lau Rom-ŋga amba.”¹² Têŋ ndoc yac aŋgô yom dau, naŋ yac ac yao Pol bu pi Jerusalem ndi dom. ¹³Magoc iŋ ô yom ma sôm, “Tu sake-ŋga dec mac ataŋ tu aô-ŋga, ma bu akôm aô ŋalôm ndi lu? Iŋac bu sêšô aô dôŋ me sêndic aô ndu yêc Jerusalem tu Pômdu Yisu ndê ŋaê-ŋga, naŋ gitôm.”¹⁴ Yac alic bu iŋ oc sôc yac mba yom ŋapu dom, dec ahu siŋ ma asôm, “Gêŋ naŋ Pômdu tac whiŋ bu hôc asê, naŋ ŋandô sa.”

Pol mbo Jerusalem

¹⁵Dinaŋ su, goc yac amasaŋ dauŋ ma api Jerusalem a. ¹⁶Lau sêkêŋ whiŋ-ŋga ŋatô akêŋ Sisaria sêwhiŋ yac, ma sêwê yac atêŋ Nason ndê andu a, bu ambo dindê. Nason iŋ ŋgac akêŋ nduc Saipras, ma iŋ lau ŋamata-ŋga naŋ sêkêŋ whiŋ Yisu, naŋ si daŋ. ¹⁷Têŋ ndoc yac ahôc asê Jerusalem, naŋ asidôwai sêkôc yac sa ti atac ŋayham. ¹⁸Iŋagalaŋsê dec Pol ti yac hoŋ a alic Jems, ma lau bata hoŋ sêkac dau sa sêmbo Jems ndê andu. ¹⁹Pol kam ŋac, goc gic miŋ yom pi iŋ ndê gwelêŋ yêc lau apa si gameŋ, ma pi gêŋ hoŋ naŋ Anötô kôm bu puc gwelêŋ dau dôŋ. ²⁰Iŋac sêŋgô yom dau su ma sêmpiŋ Anötô. Magoc sêsôm têŋ Pol, “O asidôwa. Lic su naŋ. Yêc dec, lau Israel-ŋga daêsam andô sêkêŋ whiŋ Yisu, magoc sêsap Moses ndê yomsu hoŋ dôŋ ŋapaŋ. ²¹Ma ŋac sêŋgô ŋawaê bu am kêdôhôn lau Israel-ŋga naŋ sêndôc lau apa si gameŋ, bu sêhu Moses ndê yomsu siŋ. Sêŋgô bu am sôm têŋ ŋac bu sêhu yac neŋ mêtê dasê balêi si ŋamlic ŋatô su-ŋga, ti yac neŋ gêbôm ŋatô siŋ. ²²Bocdinaŋ kwahic dec yac oc dakôm bocke? Iŋac oc sêŋgô ŋawaê bu am mweŋ su. ²³D ec yac gauc gêm bu am kôm b ocdec. Yac mba lau hale dec sêmbo, naŋ sêmatiŋ yom tu bu sênem dabuŋ dau-ŋga.ⁱ ²⁴Bocdinaŋ am kôc lau dau sa ma êmkuc yac lau Israel-ŋga neŋ lêŋ tamasaŋ dauŋ ŋawasi sa yêc Anötô aŋgô-ŋga, ma nem dabuŋ daôm whiŋ ŋac. Nem ŋac sa ma nemli gêŋ bocke naŋ sêpônnda bu sêndic dabiŋ yom naŋ sêmatiŋ têŋ Anötô, ma sêŋgaliŋ ŋac kêclauŋ su. Kôm bocdinaŋ dec lau Jerusalem-ŋga oc sêŋyalê bu yom naŋ sêŋgô pi am, naŋ ŋahu mbasi. Iŋac oc sêlic bu am daôm sap yac neŋ yomsu dôŋ ma sa lêŋ hoŋ ŋapep. ²⁵Ma yom naŋ yac tamatiŋ pi lau gameŋ apa-ŋga naŋ sêkêŋ whiŋ Yisu, ma dato sip bapia ma dakêŋ têŋ ŋac su, naŋ dec yac oc dasêŋ su dom. Yac dato têŋ ŋac bu sêneŋ gêŋ daneŋ-ŋga naŋ lau sêkêŋ ti da têŋ anötôi gwam naŋ dom, ma dac ma wata ti dac, naŋ sêneŋ daŋ dom bocdinaŋ. Ma dato bu sêkôm mêtê mockaiŋ-ŋga dom.”

ⁱ 21:23 Yom naŋ lau dinaŋ sêmatiŋ tidôn, naŋ sêsam yêc Yom Inglis bu ‘Nazirite Vow.’ Lau naŋ sêmatiŋ yom dau, naŋ sêtimêtê dau ŋapep ti sem dabuŋ dau tu bu sênem akiŋ Anötô, e yom dau ŋatêŋ pacndê. Iŋac oc sêŋgapiŋ si kêclauŋ dom e têm dau pacndê, dec sêŋgaliŋ kêclauŋ hoŋ su ma sêkêŋ da ŋatô yêc lôm dabuŋ. Alic Namba 6:1-21.

²⁶Têṅ galaṅsê Pol kôc lau hale dinaṅ sa, goc gic hu tēm tu bu êmasaṅ dau ṅawasi sa yêc Anötö aṅgô-ṅga, ma kêkuc lêṅ sênem dabuṅ dau-ṅga whiṅ ṅac. Goc iṅ sôc lôm dabuṅ gi bu kên ṅawaê têṅ dabuṅsiga pi bêc bocke ṅac si ndoc sênem dabuṅ dau-ṅga oc pacndê, ma ṅac tigeṅ-tigeṅ oc sêkêṅ si da.

Sêkôc Pol dôn

²⁷Pol ndê bêc 7 bu êmasaṅ dau ṅawasi sa-ṅga kêpiṅ bu pacndê, ma lau Israel-ṅga ṅatô akêṅ gameṅ Esia-ṅga sêlic iṅ yêc lôm dabuṅ. Goc sêli lau hoṅ ṅalôm sa bu sêkôc iṅ dôn. ²⁸Ἰac sêmbwêc, “Mac lau Israel-ṅga, amêṅ anem yac sa. Alic ṅgac dec. Iṅ ṅgac naṅ kêdôhôn lau tôm gameṅ hoṅ, ma pu yac lau Israel-ṅga ti yac neṅ yomsu, ma pu gameṅ dindec whiṅ. Ma gêṅ daṅ tiyham. Iṅ kôc lau Grik ṅatô sêsôc lôm dabuṅ ṅabatêṅndô sêmeṅ, dec kôm gameṅ dabuṅ dindec ṅadômbwi sa.” ²⁹Ἰac sêsôm yom dinaṅ ṅahu bu muṅ-ṅga sêlic ṅgac Epesas-ṅga daṅ ṅaê Tropimus, mbo malac Jerusalem whiṅ Pol. Ma ṅac gauc gêm bu mboe Pol kôc iṅ têṅ lôm dabuṅ gi. ³⁰Têṅ dinaṅ lau malac-ṅga hoṅ sêli dau sa ṅandô ma sic dau sa sêpitigeṅ yêc lôm dabuṅ ṅabatêṅndô. Ἰac sêkôc Pol dôn ma sêhê iṅ sa awê gi, goc lau sic gameṅ dau ṅagatam ahuc. ³¹Ἰac sêkôm bu sêndic iṅ ndu sêṅbo, ma lau siṅ Rom-ṅga si ṅadau ṅgô ṅawaê bu lau malac Jerusalem-ṅga hoṅ sêli dau sa. ³²Goc ṅgahô iṅ kôc lau siṅ-ṅga ti ṅac si lau bata ṅatô, ma sênti sêtêṅ lau toṅ dinaṅ si. Ma têṅ ndoc lau dau sêlic ṅgac bata ti iṅ ndê lau siṅ-ṅga, naṅ sic Pol tiyham dom.

³³Goc lau siṅ si ṅadau kôc ndê lau ma sêkôc Pol dôn, ma iṅ gic atu bu sêsô iṅ dôn ṅa sen lu. Goc iṅ ndac lau bu iṅ asa, ma iṅ kôm sac bocke. ³⁴Lau yêc toṅ atu ṅalôm sêmbwêc yom tidau-tidau, dec ṅgac dau kêyalê bu iṅ gitôm dom bu tap gêṅ dau ṅahu sa. Goc iṅ gic atu bu sêkôc Pol sêtêṅ lau siṅ-ṅga si gameṅ sêndi. ³⁵Têṅ ndoc sêhôn asê tuṅbôm ṅa-têc naṅ yêc gameṅ dau ṅasactô, naṅ lau sêkôm mwasac ṅaṅga bu sêndic Pol ndu. Tu dinaṅ-ṅga lau siṅ-ṅga sêhôn iṅ sa lôlôc bu sêkôc iṅ sôc ṅac si gameṅ sêndi. ³⁶Ma lau toṅ atu naṅ sêṅkuc, naṅ sêmbwêc ṅapaṅ, “Ndic iṅ ndu! Ndic iṅ ndu!”

³⁷Lau siṅ-ṅga bu sêkôc Pol sôc ṅac si gameṅ ṅalôm ndi, magoc iṅ ndac ṅac si ṅadau bocdec bu, “Gitôm bu wasôm yom daṅ têṅ am, me?” Ma ṅgac dau ndac, “Am kêyalê yom Grik, a? ³⁸Aô gam gauc bu am ṅgac Isip-ṅga naṅ ndoc dê giṅga su, gic nem lau gitôm 4,000 sa yêc gameṅ sawa, ma kêgilí ṅac bu sêndic siṅ têṅ lau Rom-ṅga.” ³⁹Magoc Pol sôm, “Mba! Aô ṅgac Israel-ṅga daṅ, ma aneṅ malac Tasis yêc gameṅ Silisia-ṅga. Iṅ malac ṅambwa dom, malac tiwaê. Kwahic dec aô bu wandac am gitôm bu wasôm yom têṅ lau dindec, me mba?” ⁴⁰Lau siṅ-ṅga si ṅadau gôlôc, dec Pol kac dau kwi kalhac têc, ma gic amba têṅ lau bu sênem dau dôn. Ma têṅ ndoc gameṅ ṅaṅeṅ sa, naṅ gic hu sôm yom têṅ ṅac ṅa Yom †Hibru.

Pol sôm yom têt lau Jerusalem-nga.

22 ¹Ij sôm, “O asidôwai ti damaŋi. Akêtŋ daŋam ma aö waö yom naŋ lau sêŋgôliŋ pi aö.” ²Ijac sêŋgô ij sôm yom têtŋ ŋac yêc ŋac dau si awha, naŋ Yom Hibru, dec lau hoŋ sem dau dôŋ ma sêhê daŋga ij. Goc ij sôm, ³“Aö ŋgac Israel-nga. Dinaŋ kôc aö yêc gameŋ Silisia-nga, ma aneŋ malachu Tasis. Magoc aö gatiatu yêc malac atu dindéc, ma kadôhôn abanji si yomsu hoŋ ŋapep eŋ gambo Gamaliel ŋapu. Aö gayêm dauŋ su ŋandô tu wanem akiŋ Anötö-nga tôm kwahic dec mac daôm gauc gêm bu akôm. ⁴Aö gakêtŋ kisa lau naŋ sêŋkuc lêtŋ wakuc dindéc, ma gakêtŋ lauwhê ma ŋgac sêkêtŋ whiŋ Yisu-nga daêsam sêsôc gapocwalô, ma gac atu bu lau sêndic ŋatô ndu. ⁵Dabuŋsiga ŋamata-nga ti lau bata hoŋ sêŋyalê aneŋ gwelêŋ dinaŋ. Ijac lau dinaŋ sêto bapia puc aö dôŋ-nga têtŋ lau bata Israel-nga naŋ sêmbo malac Damaskas. Têtŋ bêc daŋ aö kasêlêtŋ gambo seŋ bu wasip Damaskas wandi, bu wakôc lau sêkêtŋ whiŋ Yisu-nga yêc dindê sa sêtêtŋ Jerusalem sêmeŋ, bu sêkêtŋ ŋandê têtŋ ŋac. ⁶Aö kasêlêtŋ e têtŋ ac kac lhu gasuŋ sa Damaskas, ma sep tigeŋ ŋawê undambê-nga atu daŋ pô aö. ⁷Dec gapeŋ gasip nom ma gaŋgô awha daŋ sôm yom têtŋ aö bu, ‘Saul, Saul, tu sake-nga am kêtŋ kisa aö?’ ⁸Ma aö gandac bu, ‘O ŋadau, am asa?’ Goc awha dau ô yom ma sôm, ‘Aö Yisu Nasaret-nga naŋ am kêtŋ kisa.’ ⁹Lau naŋ sêwhiŋ aö naŋ sêlic ŋawê dau ma sêŋgô awha, magoc sêŋyalê yom naŋ Yisu sôm têtŋ aö, naŋ dom. ¹⁰Ma aö gandac, ‘Pômdau, aö wakôm sake?’ Ma ij sôm, ‘Tisa, ma sôc Damaskas ndi. Ma gêtŋ bocke naŋ aö tac whiŋ bu am kôm-nga, naŋ aö oc waŋkiŋ lau bu sêwhê sa têtŋ am yêc dindê.’

¹¹“Ijawê dau kôm aö tanônŋ tipec, bocdinaŋ dec lau naŋ sêwhiŋ aö sêhê aö aman, ma sêwê aö gasôc Damaskas ga. ¹²Ma ŋgac daŋ ŋaê Ananias meŋ gêlic aö. Ij ŋgac naŋ sa ndê lêtŋ hoŋ kêkuc yomsu Israel-nga ŋapep, ma lau Israel Damaskas-nga hoŋ sêtoc ij sa. ¹³Ij kalhac kêpiŋ aö ma sôm, ‘Asidôwa Saul, tanôm ŋawa sa!’ Ma têtŋ ndoc dinaŋ eŋ aö tanônŋ ŋayham sa e galic ij. ¹⁴Ma ij sôm, ‘Damaŋi si Anötö kêyalij am sa bu êmyalê ij ndê atac whiŋ, ma bu lic ŋgac gitêtŋ Yisu dau, ma bu ŋgô yom yêc ij dau whasuŋ. ¹⁵Ma am oc hoc yom ŋandô pi ij asê têtŋ lau hoŋ, ma sôm yom asê pi gêtŋ hoŋ naŋ am gêlic ti ŋgô su. ¹⁶Ma kwahic dec am hôŋ sake? Tisa ma liŋ busaŋgu tu Yisu ndê ŋaê-nga bu êŋgwasiŋ am nem sac hoŋ su.’

¹⁷“Têtŋ ndoc aö gambu gatêtŋ Jerusalem gameŋ, naŋ gateŋ mbec gambo lôm dabuŋ e gatuŋ kaiŋ daŋ sa. ¹⁸Ma galic Pômdau Yisu sôm yom têtŋ aö bocdec bu, ‘Ijagahô, hu Jerusalem siŋ kwahic dec, bu lau dec oc sêkôc yom naŋ am hoc asê pi aö, naŋ sa dom.’ ¹⁹Dec aö gaö yom ma gasôm, ‘Pômdau, lau dindéc sêŋyalê bu muŋ-nga aö kasalê lau sêkêtŋ whiŋ am-nga tôm lôm wê-nga hoŋ, bu wandic ŋac ma wakêtŋ ŋac sêndöc

gapocwalô. ²⁰Ma têtj ndoc nanj lau sêkêc Steven ndê dac sinj tu inj hoc yom asê pi am-nga, nanj aô galhac ma galic ti atac njanham. Ma gayob lau nanj sêtuc inj nja hoc, nanj si njakwê.’ ²¹Goc Pômdau sôm têtj aô, ‘Ndi! Aô oc wanjinj am sa yêc lau Israel si gamej, bu têtj lau apa si gamej ndi.’ ”

²²Lau honj sêngô Pol ndê yom ti sem dau dôn e inj sôm yom dinaj. Dec sêli awha sa ma sêmbwêc, “Inj gitôm bu mbo tali-nga dom. Ndic inj ndu ninja!” ²³Inj sêmbwêc ti sêkac si njakwê andô-nga su ma sêmbalip kop pi lôlôc gi sêmbô. ²⁴Dec lau sinj-nga si njadau kêj yatu njac bu sêkôc Pol sôc njac si gamej ndi. Inj sôm bu sêhi inj nja sô, ma sênsu inj tu bu sêtap sa bu njahu bocke dec lau sêmbwêc inj njalêj bocdinaj. ²⁵Sêsô inj amba ti gahi dôn pi a bu sêhi inj, dec Pol sôm têtj njac bata nanj yob lau sinj-nga toj danj, nanj bocdec bu, “Bocke? Mac bu ahi njac Rom-nga danj, nanj atap giso danj sa yêc inj dom, nanj dec oc anjilî Rom si njagôlinj, me mba?” ²⁶Inj njac dau ngô Pol ndê yom, dec têtj lau sinj-nga si njadau gi ma sôm têtj inj bu, “Am oc kôm sake, bu njac dindê inj njac Rom-nga?” ²⁷Goc njac dau têtj Pol gi ma ndac inj, “Sôm asê têtj aô. Am njac Rom-nga, me mba?” Ma Pol sôm, “Aêc.” ²⁸Dec lau sinj-nga si njadau sôm, “Aô gahu awa atu sinj dec gamlhi anej bapia bu wati njac Rom-nga.” Magoc Pol sôm, “Aô damañ inj njac Rom-nga, ma bocdinaj dec aô njac Rom-nga gawhinj.”

²⁹Yom dau kôm njac dau sô njandô, bu inj kôc Pol ma sô inj dôn, magoc kêyalê dom bu inj njac Rom-nga. Ma lau nanj bu sênsu Pol, nanj njagahô sêkac dau su yêc inj.

Pol kalhac lau bata Israel-nga anjô-nga

³⁰Lau sinj-nga si njadau bu tap sa bu njahu bocke dec lau Israel-nga sêngôlinj yom pi Pol. Bocdinaj njagalañsê bêbêc inj kêj yatu bu lau dabunjsiga ti lau bata Sanedrin-nga honj sêkac dau sa, goc kôc Pol su yêc lau sinj-nga si gamej, ma kêj inj kalhac njac anjô-nga.

23 ¹Pol tahê lau Sanedrin-ng a honj ma sôm, “O anej asidôwai. Aô neñ atac pa su pi lêj honj nanj gasa tu wanem akiñ Anötö-nga njapanj, e meñ têtj acsalô lec galhac mac anjôm-nga.” ²Dabunjsiga njamata-nga njâ Ananias ngô yom dinaj, dec sôm têtj lau nanj sêlhac sêmpinj Pol bu sêtap inj sôc tôkwa. ³Goc Pol sôm têtj inj, “Anötö oc ndic am ô! Bocke dec am ndôc tu êmatôc aô ênjuc yomsu Israel-nga, magoc am daôm sôm lau sêtap aô dec kêgili yomsu dau? Am gitôm a nanj njadômbwê-nga njawasi, magoc njalôm-nga sop weñ sa.” ⁴Lau nanj sêlhac sêmpinj Pol sêsôm têtj inj bu, “Bocke dec am sôm yom sac-sac pi Anötö ndê dabunjsiga njamata-nga?” ⁵Ma Pol ô yom ma sôm, “Asidôwai. Aô kayalê dom bu inj dabunjsiga njamata-nga. Bu sêto yom yêc bocdec bu, ‘Sôm yom sac pi njac nanj gêm gôlinj nem lau, nanj dom.’ ”

⁶Pol kêyalê bu lau Sanedrin-nga njatô njac lau Palêsai, ma njatô njac lau Sadiusi. Tu dinaj-nga dec inj mbwêc yom têtj njac bocdec bu, “Anej

asidôwai aṅgô. Aö damañ iṅ Palêsai daṅ, ma aö bocdinaṅ. Aö gakêṅ whiṅ bu yac oc datisa akêṅ lau batê-ṅga. Ma kwahic dec ṅac bu sêmatôc aö tu yom dinaṅ-ṅga.” 7Têṅ ndoc iṅ sôm yom dinaṅ, dec lau Sanedrin-ṅga sêwhê dau kôc, ma lau Sadiusi ti lau Palêsai sêseṅ dau. 8Sêseṅ dau ṅahu bu lau Sadiusi sêkêṅ whiṅ dom bu lau batê oc sêtisa tiyham, ma sêsôm bu aṅela ma ṅalau daṅ sêmbo dom. Magoc lau Palêsai sêkêṅ whiṅ gêṅ hoṅ dinaṅ.

9Bocdinaṅ lau dau sêli dau sa ṅalêṅ sac. Ma Palêsai ṅatô naṅ sêndôhôn yomsu, naṅ sêtisa ma sêsôm yom ti ṅaṅga, “Yac atap giso daṅ sa yêc ṅgac dindec dom. Mboe aṅela me ṅalau daṅ kêṅ yom naṅ iṅ êlêmê hoc asê têṅ lau, naṅ têṅ iṅ.” 10Kêpiṅ bu siṅ hóc asê, dec lau siṅ-ṅga si ṅadau töc bu mboe lau oc sêkac Pol kôc ndi lu. Bocdinaṅ iṅ kêkiṅ iṅ ndê lau siṅ-ṅga bu sêsa sêndi ti ṅaṅga ma sêṅgaho Pol su yêc lau dinaṅ, ma sêkôc iṅ mbu têṅ ṅac si gameṅ ndi tiyham.

11Têṅ ôbwêc Pômdau hoc dau asê têṅ Pol ma sôm, “Hêgo daôm dom, puc daôm dôṅ! Am hoc yom asê pi aö su yêc Jerusalem, ma am oc kôm bocdinaṅ yêc malac Rom whiṅ.”

Lau Israel-ṅga sêkic yom bu sêndic Pol ndu

12Galaṅsê bêbêc lau Israel-ṅga ṅatô sêkic yom bu sêndic Pol ndu. Ma sêmatinṅ pwac têṅ dau bu oc sêneṅ me sênom gêṅ dom e iṅ mbac ndu su. 13Laungac naṅ bu sêkôm gêṅ dau naṅ si namba hóc gêlêc 40 su. 14Ṽac sêtêṅ dabuṅsiga atu-tu ti lau bata ṅatô si, ma sêsôm, “Yac amatinṅ pwac bu aneṅ gêṅ dom e andic Pol ndu su naṅ. 15Bocdinaṅ yac gauc gêm bu mac awhiṅ lau Sanedrin-ṅga andac lau siṅ si ṅadau bu hu Pol siṅ têṅ mac, bu andac iṅ pi gêṅ ṅatô tiyham. Ma yac oc asiṅ ambo seṅ bu têṅ ndoc sêwê iṅ sêsa sêmeṅ, naṅ yac andic iṅ ndu.”

16Pol lhuwê atuṅgac ṅgô gêṅ dau ṅawaê, dec sôc lau siṅ-ṅga si gameṅ têṅ Pol gi ma sôm asê têṅ iṅ. 17Pol ṅgô su dec ta ṅgac naṅ yob lau siṅ-ṅga toṅ daṅ ma sôm têṅ iṅ, “Kôc balê dindec têṅ mac nem ṅadau ndi. Iṅ kôc yom daṅ bu sôm têṅ iṅ.” 18Goc ṅgac siṅ-ṅga dinaṅ wê balê dau têṅ ṅac si ṅadau gi ma sôm, “Pol, ṅgac naṅ ndöc gapocwalô, naṅ ndac aö bu wakôc balê dindec têṅ am meṅ, bu iṅ kôc yom daṅ bu sôm têṅ am.” 19Ṽgac dau kêm balê dau sa ma iṅlu sêsa ahic si, ma iṅ ndac iṅ bu, “Am kôc yom bocke bu sôm têṅ aö?” 20Goc balê dau sôm, “Lau Israel-ṅga sêkic yom bu sêndac am bu êmkiṅ Pol ndi lhac lau Sanedrin-ṅga aṅgô-ṅga têṅ laṅsê, bu ṅac tac whiṅ bu sêndac iṅ tu yom ṅatô-ṅga. 21Ṽgô ṅac si yom dom, bu ṅac si lau hóc g êlêc 40 sem neneṅ sêhôn iṅ sêmbo seṅ. Lau dau sêsôm tidôn su bu sêneṅ ma sênom gêṅ dom e sêndic iṅ ndu. Ṽac kwahic dec sêmasaṅ dau sêmbo, sêhôn bu am lôc têṅ ṅac si yom.” 22L au siṅ-ṅga si ṅadau ṅ gô balê dau ndê yom su, goc kêkiṅ iṅ sa gi ma gic yomsu iṅ bocdec bu, “Sôm têṅ lau daṅ dom bu am mweṅ kêṅ ṅawaê dindec têṅ aö.”

Sêkôc Pol têtj malac Sisaria gi

²³Goc iŋ ta ndê ŋgac lu naŋ sêyob lau siŋ-ŋga toŋ lu naŋ sêtêtj iŋ sêmeŋ, ma sôm têtj iŋlu bu, “Andic lau siŋ-ŋga tôm 200 sa, ma lau siŋ sêndôc hosi-ŋga 70, ma lau siŋ kême-ŋga 200 sêwhiŋ. Asôm bu sêmasaŋ dau bu sêtêtj malac Sisaria sêndi têtj 9 kilok ôbwêc dindec. ²⁴Amasaŋ hosi tu Pol ndôc ŋahô-ŋga, ma ayob iŋ ŋapep e akêtj iŋ sip gôliŋwaga Rom-ŋga Filiks amba.” ²⁵Ma ŋgac atu dau to bapia daŋ bocdec:

²⁶Aô Klaudias Lisias dec gato têtj am ŋgac atu gôliŋwaga Filiks. Acsalô ŋayham am. ²⁷Lau Israel-ŋga sêkôc ŋgac dindec dôŋ ma bu sêndic iŋ ndu. Magoc aô gatap sa bu iŋ ŋgac Rom-ŋga daŋ, dec aô ti neŋ lau siŋ-ŋga aŋgaho iŋ su yêc ŋac amba. ²⁸Aô bu watap yom naŋ sêŋgôliŋ pi iŋ, naŋ ŋahu sa, dec gakêtj iŋ kalhac lau Israel si lau bata Sanedrin-ŋga aŋgô-ŋga bu sêŋsahê iŋ. ²⁹Aô gatap sa bu yom naŋ sêŋgôliŋ pi iŋ, naŋ hêganôŋ lau Israel-ŋga si yomsu. Magoc aô gatap yom daŋ sa gitôm bu yac andic iŋ ndu me akêtj iŋ ndôc gapocwalô-ŋga dom. ³⁰Malô aô gaŋgô ŋawaê bu lau ŋatô sêkic yom gelec bu sêndic iŋ ndu. Bocdinaŋ dec aô kakiŋ iŋ têtj am goloc ŋagahô, bu am êmatôc iŋ ndê yom. Ma aô gac a tu lau naŋ sêŋgôliŋ yom pi iŋ, bu sêwhê yom dau sa têtj am.

³¹Iŋ to yom dau su, goc kêŋ bapia sip iŋlu amba, ma iŋlu sic lau siŋ-ŋga sa ma sêkôm tôm iŋ gic atu ŋac. Têtj ôbwêc dau dinaŋ sêkôc Pol whiŋ ŋac, ma sêsa sêtêtj malac Antipatris si. ³²Galaŋsê bêbêc lau siŋ-ŋga naŋ sêŋsêlêŋ sêmbô nom, naŋ sêlhô sêmbu sêtêtj si gameŋ yêc Jerusalem si. Ma lau siŋ-ŋga naŋ sêndôc hosi sêhoŋ Pol sa si. ³³Têtj ndoc sêhóc asê Sisaria, naŋ sêkêtj Pol ti bapia dau têtj gôliŋwaga Filiks. ³⁴Ma iŋ sam bapia dau, goc ndac Pol bu iŋ ŋgac gameŋ bocke-ŋga. Ma tap sa bu iŋ ŋgac gameŋ Silisia-ŋga. ³⁵Goc sôm, “Aô oc waŋgô am nem yom, têtj ndoc lau naŋ sêŋgôliŋ yom pi am, naŋ sêhóc asê.” Goc iŋ kêŋ yatu iŋ ndê lau bu sêyob Pol yêc andu atu naŋ muŋ-ŋga Kiŋ Herod kwê sa naŋ.

Pol kalhac Filiks aŋgô-ŋga

24 ¹Bêc 5 giŋga su, goc dabuŋsiga ŋamata-ŋga Ananias ti lau bata Israel-ŋga ŋatô sêsip malac Sisaria si, bu sêkêtj yom naŋ sêŋgôliŋ pi Pol, têtj gôliŋwaga Filiks. Ma sêkôc ŋgac daŋ ŋaê Tetulus whiŋ ŋac, bu nem ŋac awha têtj Filiks. ²⁻³Lau sêkôc Pol sôc meŋ, goc Tetulus gic hu sôm ndê yom têtj Filiks bocdec bu, “O ŋgac ŋayham kêlêc Filiks. Am gêm gôliŋ yac ŋapep, dec yac ambo ŋayham ma ti yom malô ŋasawa baliŋ su. Am ŋgac tigauc dec kêmasaŋ lêtj wakuc ŋayham ŋatô, naŋ lau gameŋ dindec-ŋga kwahic dec sêŋkuc sêmbô. Yac ti mba lau hoŋ naŋ sêmbô am nem gôliŋ ŋapu, naŋ bu anem daŋge am ŋapaŋ. ⁴Aô bu waŋyain am nem têtj dom, ma bu wakôm am lic ŋakam sa dom. Bocdinaŋ wandac am bu

ngô yac mba yom apê lec. ⁵Ŋgac dindec iŋ ngac êngilî lau-ŋga, ma gêli lau Israel-ŋga ŋalôm sa tôm gameŋ hoŋ. Iŋ lau toŋ naŋ sêŋkuc yom so pi ngac Nasaret-ŋga dinaŋ, naŋ si ngac ŋamata-ŋga. ⁶⁻⁷Ma gêŋ daŋ whiŋ. Iŋ bu kôm mêtê naŋ toc yac mba lôm dabuŋ sa bu gameŋ dabuŋ dom. Tu dinaŋ-ŋga dec yac akôc iŋ dôŋ.^j ⁸Am daôm bu kip iŋ sa, dec am oc tap sa bu yom hoŋ naŋ yac aŋgôliŋ pi iŋ, naŋ yomandô.” ⁹Tetulus sôm iŋ ndê yom dinaŋ, goc lau Israel-ŋga hoŋ naŋ sêwhiŋ iŋ, naŋ sêpuc iŋ ndê yom dôŋ ma sêsôm bu yomandô.

¹⁰Goc gôliŋwaga Filiks tôle amba têtŋ Pol bu sôm ndê yom, dec Pol sôm, “Aô kayalê bu am gêm gôliŋ gameŋ dindec ma kêmatôle lau si yom tôm yala ŋatô su. Bocdinaŋ aô atac ŋayham bu wasôm aneŋ yom têtŋ am ma waô yom naŋ sêŋgôliŋ pi aô. ¹¹Am bu ndac lau ŋatô, dec am oc tap sa ŋagahô bu bêc 12 gi su, naŋ gapi Jerusalem ga, tu bu watoc Anötô sa-ŋga. ¹²Lau naŋ sêŋgôliŋ yom pi aô, naŋ sêŋyalê su bu aô gakôm mêtê sac daŋ dom. Aô gasôm ŋamalac daŋ yêc lôm dabuŋ dom, ma gali lau ŋalôm sa yêc lau Israel si lôm wê-ŋga me yêc malac Jerusalem ŋalôm dom. ¹³Bocdinaŋ yom naŋ sêŋgôliŋ pi aô, naŋ ŋac gitôm dom bu oc sêtôle asê bu yomandô. ¹⁴Magoc yom ŋandô tigeŋ dec wasôm asê têtŋ am bocdec bu. Aô gam akiŋ damaŋi si Anötô kakuc lêtŋ wakuc tôm lau sêkêtŋ whiŋ Yisu-ŋga sêŋkuc. Lau dinaŋ sêlic lêtŋ dau bu lêtŋ so. Magoc aô gakêtŋ whiŋ yom hoŋ naŋ kêtŋ Moses ndê yomsu ti yom hoŋ naŋ lau propet sêto muŋ su. ¹⁵Ma gakêtŋ batanŋ bu Anötô oc uŋ lau gitêtŋ ma lau sac hoŋ sa akêtŋ lau batê-ŋga tôm ŋac lau dindê sêkêtŋ whiŋ. ¹⁶Ŋalêtŋ dinaŋ dec aô kasahê bu wasa neŋ lêtŋ hoŋ solop eŋ tu bu walhac ti neŋ atac pa su yêc Anötô ti ŋamalac aŋgô-ŋga. ¹⁷Aô gahu Jerusalem siŋ yala ŋeŋ su, ma kwahic dec gambu gatêtŋ Jerusalem ga, bu wanem aneŋ lau Israel-ŋga si lau ŋalôm sawa sa, ma bu wakêtŋ da têtŋ Anötô. ¹⁸Aô kakuc lau Israel-ŋga si lêtŋ sêmasaŋ dau ŋawasi sa yêc Anötô aŋgô-ŋga muŋ su, goc gasôle lôm dabuŋ ga bu wakêtŋ neŋ da. Ma têtŋ ndoc dinaŋ lau Israel-ŋga ŋatô akêtŋ gameŋ Esia-ŋga sêlic aô. Aô gac lau toŋ atu sa dom, ma gali lau ŋalôm sa bu sêkôm kisa dom. ¹⁹Ŋac lau Esia-ŋga dau sic hu sêŋgôliŋ yom pi aô, ma bocdinaŋ ŋac bu gauc nem bu aô gakôm giso, dec ŋac dau sêmeŋ ma sêsôm asê têtŋ am. ²⁰Bu mba, goc sôm têtŋ lau Israel-ŋga naŋ kwahic sêmbô dec, bu sêtôle asê têtŋ am, giso bocke naŋ lau Israel si lau bata Sanedrin-ŋga sêtap sa yêc aô. ²¹Mboe ŋac sêlic aô sac ma sêkêtŋ aô galhac am aŋôm-ŋga bu êmatôle aô, pi yom tigeŋ naŋ aô gambwêc têtŋ ŋac bocdec bu, ‘Aô gakêtŋ whiŋ bu yac oc datisa akêtŋ lau batê-ŋga.’”

^j **24:6b-8a** Yêc bapia akwa ŋandô naŋ ŋabatîŋ 6b ma ndi têtŋ 8a sêmbô dom. Lau atu-tu gauc gêm bu lau ŋatô sêto ŋabatîŋ 6b-8a tiŋambu-ŋga. Yom dau yêc bocdec bu: ... ma yac bu amatôle iŋ êŋkuc yac mba yomsu. vs7 Magoc lau siŋ-ŋga si ŋadau Lisias ti ndê lau siŋ-ŋga daêsam sêmeŋ sêŋgaho iŋ su yêc yac amaŋ. vs8 Ma Lisias gic atu bu lau naŋ sêŋgôliŋ yom pi iŋ, naŋ sêmeŋ sêsôm asê têtŋ am.

²²Filiks ngô ti kêyalê yom daêsam su pi lau sêkêŋ whiŋ Yisu-nga si lêŋ wakuc. Bocdinaŋ dec iŋ gic bata yom, ma sôm têtŋ lau Israel-nga naŋ sêmeŋ akêŋ Jerusalem, “Têtŋ ndoc lau siŋ-nga si ŋadau Lisias meŋ akêŋ Jerusalem, naŋ aö oc wasôm aneŋ gauc asê pi mac nem yom.” ²³Goc iŋ gic atu ngac naŋ yob lau siŋ-nga toŋ daŋ, bu sêyob Pol ŋapep, magoc sêsô iŋ dôŋ dom. Ma iŋ sôm têtŋ iŋ bu kêtŋ ŋasawa têtŋ Pol ndê lau naŋ bu sêndic iŋ kêsi ti sênem iŋ sa, ma lhac ŋac ahuc dom.

Sêyob Pol sêmbo Sisaria

²⁴Bêc ŋatô giŋga su, dec Filiks lu nawhê Drusila, naŋ awhê Israel-nga daŋ, sêŋgalêm Pol bu sêŋgô iŋ whê yom sa pi lau sêkêŋ whiŋ Yisu Kilisi-nga si lêŋ. ²⁵Pol gêm yomgalôm whiŋ iŋlu ma sôm yom ŋasawa hic baliŋ, pi lêŋ naŋ lau sêti lau gitêŋ, ma sêtimêtê dau ŋapep, ma pi Anötô ndê bêc êmatôc lau-nga naŋ oc meŋ sa. Yom dau kôm Filiks töc dau sa, dec sôm, “Naŋ gitôm, am lhö mbu ndi. Têtŋ ndoc aö bu walic ŋasawa ŋayham daŋ, naŋ wakêŋ yom am tiyham.” ²⁶Ma tiŋambu iŋ kêgalêm Pol ti gêm yomgalôm whiŋ iŋ tidim daêsam, bu iŋ kêtŋ bata bu Pol oc kêtŋ awa têtŋ iŋ, bu nemlhi dau su yêc gapocwalô.

²⁷Filiks bu kôm lau Israel-nga sêlic iŋ ŋayham, dec kêtŋ Pol ndöc gapocwalô ŋapaŋ. Yala lu giŋga su, goc Pokias Festus ti gôliŋwaga ô Filiks su.

Pol kalhac Festus aŋgô-nga

25 ¹Têtŋ ndoc Festus hôc asê bu nem gôliŋ gameŋ dinaŋ, naŋ iŋ mbo malac Sisaria tôm bêc tö eŋ, goc pi Jerusalem gi. ²Ma yêc dindê dabuŋsiga atu-tu ti lau bata Israel-nga sêpitigeŋ, ma yom naŋ sêŋgôliŋ pi Pol su, naŋ sêhoc asê têtŋ Festus. ³Ŋac sêndac bu iŋ bu lic ŋac ŋayham, dec kêtŋ Pol mbu pi Jerusalem ndi. Ŋac sêndac gêtŋ dau, ŋahu bu ŋac sêmatiŋ yom tidôŋ su gelec, bu sêkêŋ lau ŋatô sêsiŋ sêmbo seŋ bu sêndic Pol ndu. ⁴Magoc Festus ô yom ma sôm, “Pol dê sêyob sêmbo Sisaria, ma malô goc aö dauŋ oc wambu watêŋ malac dinaŋ wandi. ⁵Mac asôm bu iŋ kôm giso, dec akêŋ nem lau bata ŋatô sêwhiŋ aö, bu sêsôm mac nem yom pi iŋ asê têtŋ aö yêc dindê.”

⁶Festus mbo Jerusalem bêc 8 me 10 su, goc sip Sisaria gi. Ma têtŋ ŋagalaŋsê iŋ gi ndöc iŋ ndê pônê êmatôc yom-nga, ma gic atu bu sêkôc Pol meŋ lhac iŋ aŋgô-nga. ⁷Têtŋ ndoc Pol hôc asê, naŋ lau Israel-nga naŋ sêmeŋ akêŋ malac Jerusalem, naŋ sêlhac sêŋgihi iŋ ahuc, ma sêsôm bu iŋ kôm giso atu. Sêŋgôliŋ yom daêsam pi iŋ, magoc gitôm dom bu sêtôc ŋandô asê. ⁸Goc Pol sôm ndê yom asê bocdec bu, “Aö gakôm giso daŋ pi lôm dabuŋ dom, ma kagilî lau Israel si yomsu, me Sisa ndê ŋagôliŋ daŋ dom.”

⁹Festus tac whiŋ bu lau Israel-nga sêlic iŋ ŋayham, dec ndac Pol, “Am gêlic ŋayham bu pwi Jerusalem ndi, ma aö waŋsahê ŋac si yom pi am yêc

dindê, me mba?” ¹⁰Ma Pol sôm, “Mba. Aö ñgac Rom-nga, ma am ndöc nem pônj êmatôc yom-nga g êm Sisa aᅅgô. Bocdinaᅅj êmatôc yom naᅅj sêᅅgôliᅅj pi aö yêc dindec maᅅj. Am kêyalê tidônj su bu aö gakôm giso daᅅj têᅅj lau Israel-nga dom. ¹¹Aö bu wakôm giso daᅅj naᅅj gic waê bu wambac ndu, naᅅj dec ndic aö ndu. Magoc yom naᅅj lau Israel-nga dindec sêᅅgôliᅅj pi aö, naᅅj bu ᅅandô mba, dec solop dom bu am kêᅅj aö wasip ᅅac amba. Sisa dau goc êmatôc aneᅅj yom yêc malac Rom!”

¹²Têᅅj dinaᅅj Festus gêm yomgalôm whiᅅj lau atu-tu naᅅj sêmbo iᅅj ndê gôliᅅj ᅅapu, goc sôm têᅅj Pol, “Am ndac bu Sisa êmatôc nem yom. Bocdinaᅅj dec am oc têᅅj Sisa ndi.”

Festus lu Kiᅅj Agripa sem yomgalôm pi Pol

¹³Bêc ᅅatô giᅅga su, goc Kiᅅj Agripa^k lu lhuwê Berenis sêhóc asê Sisaria bu sêti ᅅaclêᅅj Festus. ¹⁴Iᅅlu sêmbo sêwhiᅅj iᅅj bêc daêsam su, goc Festus gic miᅅj pi Pol ma sôm t êᅅj Kiᅅj Agripa, “ᅅgac daᅅj mbo dec, naᅅj Filiks kêᅅj ndöc gapocwalô ᅅapaᅅj e meᅅj têᅅj kwahic dec. ¹⁵Têᅅj ndoc aö gapi Jerusalem ga, naᅅj dabuᅅsiga atu-tu ti lau bata Israel-nga sêᅅgôliᅅj yom pi iᅅj, ma sêᅅdac aö bu walôc bu iᅅj mbac ndu. ¹⁶Aö gawhê sa têᅅj ᅅac bu yac lau Rom-nga neᅅj mêtê bocdec bu. Dandic ᅅamalac daᅅj ndu dom e dakêᅅj ᅅasawa têᅅj iᅅj bu lhac lau naᅅj sêᅅgôliᅅj yom pi iᅅj, naᅅj aᅅgô-nga, ma iᅅj ô ᅅac si yom su naᅅj. ¹⁷Têᅅj ndoc ᅅac si lau ᅅatô sêsip akêᅅj Jerusalem sêwhiᅅj aö, naᅅj gahônj bêc daêsam dom. Aö gahóc asê, ma galaᅅsê bêbêc aö gac atu aneᅅj lau bu sêkôc ᅅgac dau sôc meᅅj lhac aneᅅj pônj wamatôc yom-nga ᅅa-ndö-nga. ¹⁸Lau dau sêtisa bu sêᅅgôliᅅj yom pi iᅅj, ma aö gauc gêm bu ᅅac oc sêtôc iᅅj ndê giso ᅅandô daᅅj asê. Magoc mba! ¹⁹ᅅac sêsôm yom pi ᅅac dau si mêtê sênem akiᅅj si anötö-nga, naᅅj ᅅac gauc gêm bu Pol kêkuc dom. Ma sêlic iᅅj sac pi ᅅgac batê daᅅj ᅅaê Yisu, naᅅj Pol sôm bu tisa akêᅅj lau batê-nga ma mbo tali tiyham. ²⁰Aö gapônda dauᅅj tu lêᅅj wamatôc yom kaiᅅj dinaᅅj-nga. Bocdinaᅅj aö gasôm têᅅj Pol bu iᅅj bu tac whiᅅj bu pi Jerusalem ndi, dec yac oc amatôc iᅅj ndê yom yêc dindê. ²¹Magoc Pol tec ma ndac bu Sisa dau êmatôc iᅅj ndê yom, dec aö gac atu bu aneᅅj lau sêyob iᅅj e waᅅkiᅅj iᅅj têᅅj Sisa ndi.” ²²Goc Agripa sôm têᅅj Festus, “Aö dauᅅj atac whiᅅj bu waᅅgô ᅅamalac dau ndê yom.” Ma Festus sôm, “Bocdinaᅅj, laᅅsê naᅅj am ᅅgô iᅅj ndê yom.”

Pol kalhac Agripa aᅅgô-nga

²³Têᅅj galaᅅsê Agripa lu Berenis sêsôc si gôlônj kiᅅj-nga sa, goc sêsôc andu sêᅅgô yom-nga ᅅalôm si sêᅅdöc. Ma lau bata siᅅ-nga ti lau bata malac-nga hoᅅj sêwhiᅅj iᅅlu. Goc Festus kêᅅj yatu bu sêkôc Pol sôc meᅅj. ²⁴Ma iᅅj sôm, “Kiᅅj

^k 25:13 Kiᅅj Agripa gêm gôliᅅj gameᅅj daᅅj yêc bugictonᅅj Galili-nga ᅅamakê, ma ndöc malac Sisaria Pilipai. Iᅅj †Herod Agripa I (Apo 12:1-23) ndê atuᅅgac.

Agripa ti mac lau hoŋ naŋ ambo dindéc. Alic iŋ ngac dec. Lau Israel-ŋga hoŋ sêteŋ aö yêc Jerusalem ma yêc malac Sisaria dindéc, bu walôc bu iŋ mbac ndu. ²⁵Magoc aö gatap iŋ ndê giso daŋ sa, naŋ gitôm bu dandic iŋ ndu-ŋga dom. Ma iŋ dau ndac bu Sisa êmatôc iŋ ndê yom, madec aö bu waŋkiŋ iŋ têtŋ Rom ndi. ²⁶Ma kwahic dec aö bu wato bapia daŋ têtŋ Sisa, magoc aö kayalê yom ŋandô daŋ bu wato pi ŋgac dindéc-ŋga dom. Tu dinaŋ-ŋga Kiŋ Agripa, aö gakêŋ iŋ kalhac am ti mac lau hoŋ aŋôm-ŋga, bu dakip yom hoŋ sa, ma datap yom ŋandô daŋ sa, naŋ tôm bu wato têtŋ Sisa. ²⁷Yac bu taŋkiŋ ŋamalac g apocwalô-ŋga daŋ têtŋ Sisa, magoc dawhê iŋ ndê giso ŋahu sa whiŋ dom, oc solop dom.”

Pol whê dau sa têtŋ Agripa

26 ¹Têtŋ dinaŋ Kiŋ Agripa sôm têtŋ Pol, “Aö wakêŋ ŋasawa bu am sôm yom tu daôm-ŋga.” Goc Pol hóc amba sa têtŋ lau, ma gic hu sôm iŋ ndê yom bocdec bu, ²“Kiŋ Agripa, kwahic dec aö bu waö yom hoŋ naŋ lau Israel-ŋga sêŋgôliŋ pi aö. Ma aö atac ŋayham bu wasôm asê walhac am aŋôm-ŋga. ³Gêŋ atu daŋ whiŋ bocdec bu, lau Israel-ŋga si mêtê ti yom naŋ sêwhê dau kôc pi, naŋ am kêyalê tidôŋ su. Bocdinaŋ aö wandac am bu kêŋ ŋasawa hic baliŋ têtŋ aö bu wasôm neŋ yom hoŋ asê. ⁴Lau Israel-ŋga hoŋ sêŋyalê aneŋ lêtŋ têtŋ ndoc gambo balê-ŋga yêc dauŋ neŋ gameŋ, ma lêtŋ naŋ gasa têtŋ ndoc gambo Jerusalem, naŋ bocdinaŋ. ⁵Lau Palêsai ŋac lau naŋ sem akiŋ Anötö ŋaŋga sêhóc gêlêc lau Israel-ŋga ŋatô su. Ma oc tôm bu lau dinaŋ naŋ sêŋyalê aö têtŋ baliŋ su, naŋ sêwhê sa bu aö kakuc lau Palêsai si lêtŋ dinaŋ. Magoc sêsôm asê dom. ⁶Aö gakêŋ bataŋ gêŋ naŋ Anötö gic bata têtŋ damaŋi, ma tu dinaŋ-ŋga kwahic dec sêkêŋ aö galhac am aŋôm-ŋga. ⁷Yac lau Israel-ŋga mba toŋ 12 sem akiŋ Anötö acsalô ti ôbwêc, ma sêkêŋ bata bu sêlic gêŋ naŋ Anötö gic bata, naŋ ŋandô sa. O kiŋ, aö wasôm têtŋ am bu lau Israel-ŋga sêkêŋ kisa aö tu gêŋ dinaŋ-ŋga eŋ. ⁸Yac akêŋ bataŋ bu Anötö oc uŋ lau batê sa tiyham, ma bocke dec mac lau ŋatô asô ti gauc gêm bu gêŋ dau oc tôm dom bu ŋandô sa?

⁹“Muŋ-ŋga lê aö dauŋ gauc gêm tidôŋ ma galic ŋayham bu wakôm gêŋ daêsam tu wakêŋ kisa lau naŋ sêkêŋ whiŋ Yisu Nasaret-ŋga. ¹⁰Ma gêŋ dau dinaŋ dec gakôm yêc Jerusalem. Dabuŋsiga atu-tu sêlic ŋayham ma sêlôc têtŋ aö bu wakôc lau sêkêŋ whiŋ-ŋga daêsam dôŋ, ma wakêŋ ŋac sêndôc gapocwalô. Ma têtŋ ndoc sic ŋac si lau ŋatô ndu, naŋ aö galhac gawhiŋ ŋac ma galic ŋayham. ¹¹Tôm têtŋ daêsam aö galom-galom lôm wê-ŋga hoŋ ma kasalê lau sêkêŋ whiŋ Yisu-ŋga bu wakêŋ ŋagêyô têtŋ ŋac. Aö gauc gêm bu wakêŋ ŋandê têtŋ ŋac e sêsôm yom sac sambuc.¹ Aö atac

¹ 26:11 Yom sac sambuc - yêc Yom Inglis sêsam bu ‘blasphemy’. Lau ŋatô gauc gêm bu Pol ndê yom dau ŋahu bu iŋ bu kêŋ ŋandê têtŋ lau sêkêŋ whiŋ-ŋga e sêhu si sêkêŋ whiŋ siŋ ma sêpu Yisu. Ma lau ŋatô gauc gêm bu lau sêkêŋ whiŋ-ŋga bu sêlhac ŋaŋga ma sêsôm bu Yisu iŋ Anötö ndê Atu, dec Pol ti lau Israel-ŋga oc sêlic yom dau bu yom sac sambuc gitôm bu sêndic ŋac ndu. Alic yom ŋatô yêc Mat 26:63-66.

tec ñac ñandô, bocdinañ kasêlêñ gatêñ lau gameñ apa-ñga si malac atu-tu bu wakêñ kisa têtñ Yisu ndê lau.

¹²⁻¹³“O kiñ, têtñ bêc dañ dabuñ-si ga atu-tu sêñyaliñ aö sa ma sêñkiñ aö bu wasip malac Damaskas wandi. Aö kasêlêñ gambo señ, ma têtñ ac kalhac lhu ñawê atu dañ sip akêñ undambê ma pô aö ti lau nañ sêwhiñ aö. ¹⁴Yac hoñ apen asip nom, ma aö gangô awha dañ sôm yom têtñ aö yêc Yom Hibu bocdec bu, ‘Saul, Saul, tu sake-ñga am kêtñ kisa aö? Am gitôm bôc nañ gêli dau sa têtñ ñadau ndê gôliñ dec tap ñandê sa.’ ¹⁵Têtñ ndoc dinañ aö gandac, ‘O ñadau, am asa?’ Ma iñ ô yom ma sôm, ‘Aö Yisu, nañ am kêtñ kisa. ¹⁶Kwahic dec tisa. Aö gahoc dauñ asê têtñ am, ma kayaliñ am sa bu nem akiñ aö. Ma gêtñ nañ am kêyalê pi aö, ti gêtñ nañ watôc têtñ am, nañ am oc hoc asê têtñ lau. ¹⁷Aö wanğaho am su yêc lau Israel-ñga amba, ma yêc lau nañ lau Israel dom, nañ si amba whiñ. Kwahic dec wanğkiñ am têtñ lau gameñ apa-ñga dinañ ndi. ¹⁸Am oc kôm ñac tandô po asê e sêkac dau kwi ma sêhu señ ñasec-ñga ma Sadañ ndê gôliñ siñ, ma sêsa señ ñawê-ñga ma sêsôc Anötô ndê gôliñ ñapu. Ma lau nañ sêkac si ñalôm kwi, nañ dec Anötô oc suc ñac si sac kwi, ma kêtñ ñac sêwêkaiñ gameñ sêndôc tali ñapañ-ñga sêwhiñ lau nañ sêti lau dabuñ tu ñac si sêkêñ whiñ aö-ñga.’

¹⁹“O kiñ Agripa. Aö galic Yisu hoc dau asê akêñ undambê, ma aö gangô iñ ndê yom dec gasôc ñapu. ²⁰Aö gam mêtê lau bu sênem dau kwi ma sêsôc Anötô ñapu, ma sêkôm mêtê gitêtñ bu sêtôc asê bu ñac sem dau kwi ñandô. Aö gac hu yêc malac Damaskas, ma malô goc gam mêtê yêc Jerusalem, ma yêc gameñ Judia-ñga hoñ e gatêñ lau apa si gameñ whiñ. ²¹Tu dinañ-ñga dec lau Israel-ñga sêkôc aö dôn yêc lôm dabuñ, ma bu sêndic aö ndu. ²²Magoc Anötô yob aö ñapep e meñ têtñ acsalô dindêc aö galhac am añôm-ñga. Ma kwahic dec aö wasôm asê têtñ lau hoñ, lau tiwaê ma lau waêmbe sêwhiñ, bu yom hoñ nañ aö gahoc asê pi Yisu, nañ ñadañ so yom nañ Moses ma lau propet sêhoc asê gwanañ su pi gêtñ nañ oc hôc asê, nañ dom. ²³Ijac sêsôm bu Mesaya oc hôc ñandê e mbac ndu, ma tiñambu iñ oc ti ñgac ñamata-ñga bu tisa akêñ lau batê-ñga, ma hoc yom asê pi Anötô ndê lêtñ nem lau si sêmbo tali-ñga têtñ iñ ndê lau Israel-ñga, ma têtñ lau nañ lau Israel dom, nañ sêwhiñ. Yom dau oc tôm ñawê bu pô gameñ ñasec-ñga.”

²⁴Pol whê ndê yom sa mbo, ma Festus mbwêc iñ awha ahuc ma sôm, “Pol, am nem yom iñ yom solop dom. Yom daêsam nañ sêndôhôn têtñ am, nañ kôm am nem gauc kêñsôn.” ²⁵Magoc Pol ô yom ma sôm, “O ñgac atu Festus, aö neñ gauc kêñsôn dom. Aneñ yom iñ yom solop ma yom ñandô. ²⁶Gêtñ hoñ dindêc hôc asê yêc lhu, ma bocdinañ dec kiñ Agripa gitôm dom bu nem gauc gêtñ dau. Yomandô! Iñ kêyalê gêtñ hoñ dindêc su, ma bocdinañ aö gasôm neñ yom asê têtñ iñ yêc awê. ²⁷Kiñ Agripa, am kêtñ whiñ lau propet si yom pi Mesaya, me mba? Aö gauc gêm bu am oc

kêṅ whiṅ su.” ²⁸Dec Agripa sôm têtṅ Pol, “Am gauc gêm bu ṅasawa apê lec am oc kac aneṅ ṅalôm kwi bu wakêṅ whiṅ Yisu, a?” ²⁹Ma Pol ô yom ma sôm, “Aö bu wasôm yom ṅasawa apê me ṅasawa baliṅ, aö oc atac whiṅ gêtṅ tigeṅ. Aö wateṅ mbec pi am ti mac lau hoṅ naṅ aṅgô aneṅ yom dindec, bu Anötö kôm mac hoṅ andi atôm aö ma akêṅ whiṅ Yisu, magoc bu kôm mac atôm aö tu gandöc gapocwalô-ṅga lec dom.”

³⁰Pol sôm iṅ ndê yom meṅ têtṅ dinaṅ, goc Kiṅ Agripa tisa, ma gôliṅwaga Festus ti Berenis ma lau hoṅ naṅ sêndöc sêwhiṅ iṅ, naṅ sêtisa bocdinaṅ. ³¹Iṅac sêhu andu dau siṅ, ma sem yomgalôm têtṅ dau ma sêsôm, “Iṅgac dindec kôm giso daṅ naṅ tôm bu sêndic iṅ ndu me sêkêṅ iṅ ndöc gapocwalô-ṅga lec dom.” ³²Ma Agripa sôm têtṅ Festus, “Oc tôm bu yac dahu ṅgac dindec siṅ lhö ndi, tigeṅ iṅ dau ndac bu Sisa êmatöc iṅ ndê yom.”

Pol têtṅ malac Rom gi

27 ¹Ma tiṅambu sêsôm tidôṅ bu sêkêṅ Pol ti lau gapocwalô-ṅga ṅatö sêpi waṅ daṅ, ma sêṅkiṅ ṅac sêtêṅ malac Rom naṅ yêc gameṅ Itali-ṅga sêndi. Sêkêṅ ṅac sêsip ṅgac siṅ-ṅga daṅ amba, naṅ ndê ṅaê Julias, naṅ ti ṅgac bata siṅ-ṅga naṅ yob Sisa ndê lau siṅ-ṅga toṅ daṅ. ²Dec ṅac sêpi waṅ si, ma alu ṅgac daṅ ṅaê Aristakus akêṅ malac Tesalonika yêc gameṅ Masedonia-ṅga api awhiṅ, ma yac asa a. Waṅ dau meṅ akêṅ malac Adramitiam ma gic waê bu êṅsêlêṅ sôc malac ṅatö naṅ sêyêc gameṅ Esia-ṅga. ³Iṅgalaṅsê waṅ dau sôc baö yêc malac Saidon. Julias tawalô Pol dec kêtṅ iṅ sip baö gi bu ndic iṅ ndê silip kêsi tu bu sêpuc iṅ dôṅ ṅa gêtṅ ṅatö-ṅga. ⁴Tiṅambu yac api waṅ dau ma asa a tiyham. Yac bu ahôc gêlêc nduc Saipras, tigeṅ mbu ṅadinda puc waṅ dôṅ, dec yac aṅgihi aho yêc nduc ṅadômbwê-ṅga. ⁵Goc waṅ dau kêsêlêṅ mbo gwêc sawa, ma gi e ahôc gêlêc gameṅ Silisia-ṅga ma gameṅ Pampilia-ṅga su, ma gacgeṅ a asôc malac Maira yêc gameṅ Lisia-ṅga. ⁶Ma yêc dindê ṅgac bata siṅ-ṅga dau tap waṅ daṅ sa, naṅ meṅ akêṅ Aleksandria ma bu têtṅ Itali ndi. Dec iṅ kêtṅ yac a alom. ⁷Magoc waṅ dau kêtṅ ṅagahô dom. Yac ambo gwêc ṅasawa bêc daêsam, e a ampiṅ malac Naidas. Mbu ṅadinda puc yac dôṅ ṅapaṅ, bocdinaṅ dec akac waṅ kwi aṅôṅ gêm nduc Krit ṅa-awê-ṅga, ma anti a e ampiṅ malac daṅ ṅaê Salmone. ⁸Waṅ kêsêlêṅ ti ṅawapac e ahôc asê sôc naṅ sêsam bu Salaṅ Iṅayham, naṅ yêc kêpiṅ malac Lasea. ⁹Bêc daêsam giṅga su ma lau Israel si om atu naṅ sêhu gêtṅ daneṅ-ṅga siṅ, naṅ pacndê su, dec yac aṅyalê bu oc asip têm sac tu dalac waṅ-ṅga ṅalôm. Bocdinaṅ Pol kêtṅ puc lau waṅ-ṅga ma sôm, ¹⁰“Mac lau, aö kayalê su bu oc dasip ṅasac ṅalôm e waṅ ti wapa hoṅ oc sêniṅga, ma mboe yac dauṅ dawhiṅ.” ¹¹Magoc ṅgac bata siṅ-ṅga dau kêtṅ daṅga Pol ndê yom dom. Iṅ sôc ṅgac nem gôliṅ waṅ-ṅga ti waṅ ṅadau si yom ṅapu. ¹²Sôc dinaṅ gitôm dom bu waṅ poc ṅayham têtṅ ndoc

uhô-nga. Bocdinaŋ dec lau waŋ-nga daêsam sêsôm yom pitigeŋ bu sêsa tiyham ma sêŋsahê bu sêlac sêtêŋ malac Pioniks sêndi, ma waŋ poc dindê e têm ŋayham meŋ sa. Yêc malac Pioniks, nduc Krit pôc mbu ahuc, ma bocdinaŋ sôc naŋ yêc malac dinaŋ iŋ sôc ŋayham tu waŋ sêpoc-nga têt têm uhô-nga.

Mbu ŋadinda

¹³Yac ahôn e bêc daŋ mbu lilic kêsêlêŋ ŋayham, ma bocdinaŋ ŋac gauc gêm bu sêtap têm ŋayham sa bu sêlom malac Pioniks. Ŋac sêhê anŋa sa ma sêlac sêŋkuc baô Krit-nga si. ¹⁴Ŋasawa baliŋ dom ma mbu sac daŋ puc ŋaŋga akêŋ baô-nga mbu sa têt gwêc sawa-nga. ¹⁵Waŋ dau sip mbu dinda ŋalôm e tôm dom bu yac alac aŋkuc baô-nga. Bocdinaŋ yac am waŋ kwi kêsêlêŋ kêkuc mbu. ¹⁶Mbu soc yac e nduc sauŋ daŋ ŋaê Kauda pôc mbu ahuc ŋagec. Yac bu ahê waŋ ŋa-gômbwa pi lôlôc meŋ, magoc akôm wapac-wapac bu mbu puc ŋadinda sac andô. ¹⁷Lau sêhê gômbwa sa pi lôlôc meŋ su, goc sêkic po pi waŋ atu ŋampê bu suc dom. Ŋac sêtôc dau bu mbu oc soc yac ŋapaŋ e waŋ ndi lôc pi gaŋgac yêc Sirtis, dec sêlêc lac su ma sêkêŋ anŋa gwêc-nga sip gi bu teŋ waŋ dôŋ ênti timalô, ma sêkêŋ waŋ dau tam mbo. ¹⁸Têt bêc tilu-nga mbu ti gwêc gic pi waŋ sac andô, dec lau waŋ-nga sêtôc dau atu ma sic hu sêmbaliŋ wapa ŋatô siŋ sip gwêc. ¹⁹Bêc titô-nga sêhêc waŋ ŋalac ti po ma wapa waŋ-nga ŋatô sa ma sêmbaliŋ siŋ sip gwêc gi. ²⁰Tigeŋ mbu dau timalô dom e bêc daêsam yac alic ac ti tata dom. Ma yac hoŋ mba gauc tigeŋ bu oc andiŋaŋ.

²¹Lau waŋ-nga seŋ gêt daŋ dom tôm bêc daêsam su, goc Pol tisa ma sôm, “Mac lau, aô gakêŋ puc mac muŋ su, bu ahu nduc Krit siŋ dom, magoc mac asôc aneŋ yom ŋapu dom. Mac bu aŋgô aneŋ yom dau, dec gitôm dom bu atap ŋawapac dindêc sa, ma gêt daŋ oc niŋga dom. ²²Magoc kwahic dec wasôm têt mac bu nem ŋalôm pêŋ dôŋ, bu mac nem daŋ oc niŋga dom. Waŋ tigeŋ dec oc niŋga. ²³Aô Anötô ndê ŋgac daŋ, ma gam akiŋ iŋ ŋapaŋ. Alhabêc ôbwêc iŋ kêkiŋ ndê aŋela daŋ meŋ kalhac whiŋ aô. ²⁴Ma sôm têt aô, ‘Pol, am têt daôm dom. Am oc lhac Sisa aŋgô-nga bu iŋ êmatôc nem yom. Ma tu am-nga, Anötô oc kêŋ lau hoŋ naŋ sêmbo waŋ sêwhiŋ am, naŋ sêmbo tali.’ ²⁵Bocdinaŋ mac lau, nem ŋalôm pêŋ dôŋ, bu aô gakêŋ whiŋ Anötô bu yom dau oc ŋandô sa, tôm iŋ ndê aŋela sôm têt aô. ²⁶Waŋ oc ndi lôc pi nduc daŋ, tigeŋ yac oc dandiŋaŋ dom.”

Waŋ gôlôc pi nduc

²⁷Mbu tam yac ŋapaŋ ambo Gwêc Adria-nga. Têt bêc ti-14-nga ma timaniŋhu goc lau waŋ-nga sêŋsahê bu yac asuŋ sa baô. ²⁸Sem dôhôn gwêc ŋagapoŋ ma sêtap sa bu ŋagapoŋ gitôm 37 mita. Ŋasawa sauŋ sem dôhôn tiyham ma sêtap sa bu ŋagapoŋ gitôm 27 mita. ²⁹Ŋac sêtôc bu

wanj oc popoc pi hoc, bocdinaŋ sêmbaliŋ aŋga hale sip wanjku-ŋga, ma sêkêŋ bata bu laŋsê ŋagahô. ³⁰Lau sêyob wanj-ŋga gauc gêm bu sêhu wanj ti lau ŋatô siŋ, dec sêkôm bu sêkêŋ gômbwa sip gwêc ndi, sêŋsau bu oc sêkêŋ aŋga ŋatô sip yêc wanj ŋampê-ŋga. ³¹Magoc Pol sôm têtŋ ŋgac bata ti ndê lau siŋ-ŋga bu, “Lau dinaŋ bu sêhu wanj siŋ, dec mac oc andiŋam.” ³²Tu dinaŋ-ŋga lau siŋ-ŋga sêtim wac kic yêc g ômbwa, ma sêkêŋ peŋ sip gwêc gi.

³³Têtŋ bêbêc ganduc Pol sôm têtŋ lau bu sêneŋ gêtŋ. Iŋ sôm, “Bêc 14 giŋga su lec mac ayob wanj ŋapaŋ e mac aŋ gêtŋ daŋ dom. ³⁴Kwahic dec aô wasôm têtŋ mac bu gêtŋ daŋ oc kôm mac ŋayom dom, mac hoŋ oc ambo tamli. Bocdinaŋ dec aneŋ gêtŋ bu puc mac dôn.” ³⁵Iŋ sôm yom dinaŋ su, goc kôc bolom ma gêm daŋge Anötô yêc ŋac hoŋ aŋgô-ŋga, goc pô kôc ma gêtŋ. ³⁶Dec lau hoŋ si ŋalôm timalô ma seŋ gêtŋ sêwhiŋ. ³⁷Yac lau naŋ ambo wanj, naŋ mba namba gitôm 276. ³⁸Lau hoŋ seŋ gêtŋ hôc ŋac dôn, goc sêmbaliŋ bolom batac sip gwêc gi bu kôm wanj tilo.

³⁹Têtŋ ndoc gameŋ ŋawê sa naŋ sêlic baö, tigeŋ sem gauc gameŋ dau. Sêlic sôc ti gaŋgac apa ŋayham, dec gauc gêm bu sêkêŋ wanj ndi pi baö yêc dindê. ⁴⁰Ŋac sêtim aŋga ŋawac kic sip gwêc giŋga, ma sêŋgapwêc wac naŋ sô göliŋ dôn, naŋ su. Goc sêsö lac wanj ŋatôkwa-ŋga sa, bu mbu peŋ lac ma kôc yac api baö andi. ⁴¹Magoc wanj dau kêtŋ gi gölôc pi gaŋgac ŋabaö daŋ yêc gwêc lôm e gacgeŋ ŋaŋga sa. Ma gwêc dinda gic pi wanj ŋambu-ŋga e kac popoc. ⁴²Têtŋ ndoc dinaŋ lau siŋ-ŋga sêkic yom bu sêndic lau gapocwalô-ŋga hoŋ ndu, bu sêsip gwêc ma sêlhö sêndi dom. ⁴³Magoc ŋac si ŋgac bata bu nem Pol sa, dec kalhac ŋac ahuc bu sêkôm si yom ŋandô sa d om. Iŋ kêtŋ yatu bu lau naŋ sêŋkôc tidôn naŋ sêpwê sêsip gwêc ma sêmuŋ sêsôc baö sêndi. ⁴⁴Ma iŋ kêtŋ yatu bu lau ŋatô sêsac apa wanj-ŋga ŋatô naŋ gwêc gic popoc. Ma ŋalêŋ dinaŋ dec lau hoŋ sêhóc asê baö ti lic sambuc.

Pol mbo nduc Malta

28 ¹Yac hoŋ api baö ti lic sambuc, ma malô atap sa bu nduc dau ŋaê sêsam bu Malta. ²Ma lau nduc-ŋga sêkôc yac hoŋ sa ma sêyob ti sêmwasinŋ yac ŋalêŋ ŋayham. Têtŋ ndoc dinaŋ u gic ma gameŋ ŋalhuc atu, bocdinaŋ sêkôm ya golom bu yac aheŋ dauŋ. ³Pol tap a basô ti gap bu kêtŋ pi ya ndi, magoc mboc sac daŋ yêc gap ŋalôm, ma têtŋ ndoc kêsahê ya ŋandê, dec sa bu lhö ndi ma seŋ Pol sip amba. ⁴Lau malachu sêlic mboc dau keseneŋ Pol amba dôn gacgeŋ kêgalêŋ, dec sêsôm têtŋ dau bu, “Ŋgac dê mboe iŋ ŋgac gic ŋamalac ndu-ŋga, dec iŋ wêkaiŋ ŋagêyô atu. Gitôm bu gwêc kô iŋ ndu su, magoc kwahic dec iŋ oc wê sa dom.” ⁵Tigeŋ Pol kêbalip mboc dau sip ya gi, ma gêtŋ daŋ kôm iŋ dom. ⁶Lau dau sêkêŋ bata bu iŋ amba oc suŋ me ŋagahô iŋ oc hudau sip ndi mbac ndu. Magoc sêhônŋ ŋasawa baliŋ e sêlic gêtŋ daŋ hôc asê iŋ dom. Bocdinaŋ dec ŋac gauc gêm bu mboe iŋ oc anötô daŋ.

7 Iḡgac daŋ ɲaê Publias gêm gôliŋ nduc dinaŋ, ma iŋ wêkaiŋ ndê gameŋ daŋ yêc kêpiŋ baô naŋ waŋ popoc kalhac. Iŋ kôc yac sa a andöc iŋ ndê andu, ma yob yac ɲapep gitôm bêc tö. 8 Têŋ ndoc dinaŋ Publias damba gêmbac yêc, ɲamlic ɲamahom ti kêc dau. Pol sôc gi gêlic iŋ, ma teŋ mbec ti kêŋ amba sac iŋ, ma kôm iŋ ɲayham sa. 9 Ma têŋ ndoc lau nduc-ɲga sêlic gêŋ dinaŋ, naŋ sêhoŋ si lau gêmbac hoŋ sêtêŋ Pol sêmeŋ, ma iŋ kôm ɲac ɲayham sa tiyham. 10 Ma ɲac sêtoc yac sa ɲalêŋ ɲayham daêsam. Ma têŋ ndoc yac bu api waŋ ma alhõ andi, naŋ sêkêŋ gêŋ hoŋ bu puc yac dôn ambo gwêc ɲasawa-ɲga têŋ yac.

Pol hôc asê Rom

11 Yac ambo nduc dau tôm ayô tö su, goc api lau malac Aleksandria-ɲga si waŋ daŋ. Waŋ dau poc nduc dinaŋ têŋ ndoc uhô-ɲga ma hôŋ têm ɲayham, ma yêc ɲatôkwa-ɲga sêlêŋ ɲac si anötö gwam lu si aŋgô, daŋ sêsam ɲaê Kasto, ma daŋ ɲaê Polaks. Yac ahu gameŋ dau siŋ, 12 ma alac e ahôc asê malac Sairakyus ma ambo dinaŋ tôm bêc tö. 13 Goc ahu malac dau siŋ ma alac tiyham e a asôc malac Regiam. Têŋ galaŋsê mbu ɲayham daŋ peŋ lac ɲapep, dec kêŋ yac alac bêc tigeŋ a asôc sôc yêc malac Puteoli, ma asip baô a. 14 Yêc dinaŋ yac atap lau sêkêŋ whiŋ Yisu-ɲga ɲatô sa, ma sêkôc yac sa a ambo awhiŋ ɲac gitôm bêc 7. Ma tiŋambu yac aŋsêlêŋ bu atêŋ malac Rom andi.

15 Lau sêkêŋ whiŋ-ɲga yêc malac Rom sêŋgô ɲawaê bu yac aŋsêlêŋ ambo seŋ, dec sêsa sêmeŋ bu sêkôc yac sa. ɲatô sêtap yac sa yêc Apias ndê gameŋ sêtidulu gêŋ-ɲga, ma ɲatô sêtap yac sa yêc gameŋ naŋ sêsam bu Andu ɲaclêŋ-ɲga Tö. Têŋ ndoc Pol gêlic lau sêkêŋ whiŋ-ɲga dinaŋ, naŋ iŋ atac pa su ma gêm daŋge Anötö. 16 Yac hoŋ aŋsêlêŋ a, e ahôc asê Rom su, goc sêkêŋ ɲasawa têŋ Pol bu ndöc andu daŋ, ma sêkêŋ ɲac siŋ-ɲga daŋ yob iŋ.

Pol gêm mêtê mbo Rom

17 Bêc tö giŋga su, goc Pol kêgalêm lau bata Israel-ɲga naŋ sêndöc Rom, naŋ sa sêpitigeŋ, ma sôm têŋ ɲac, “Aneŋ asidôwai Israel-ɲga, aô gakôm gêŋ so daŋ têŋ yac neŋ lau Israel-ɲga dom. Ma gakôm gêŋ daŋ naŋ so abaŋi si gêbôm, naŋ dom. Magoc sêkôc aô dôn yêc Jerusalem ma sêkêŋ aô gasip gôliŋwaga Rom-ɲga ti iŋ ndê lau siŋ-ɲga amba. 18 Ma lau Rom-ɲga dau sêŋsahê aô e sêtap sa bu aô gakôm gêŋ giso daŋ naŋ tôm bu sêndic aô ndu-ɲga, naŋ dom. Dec ɲac bu sêhu aô siŋ walhõ wandi. 19 Magoc lau Israel-ɲga sêtec, ma sêli awha sa e aneŋ lêŋ daŋ mbasi, dec aô gandac bu Sisa ɲgô aneŋ yom. Tigeŋ aô gakôm tu galic ɲac sac-ɲga dom, me tu bu waŋgôliŋ yom pi ɲac-ɲga dom. 20 Acsaló lec aô kagalêm mac sa amej, bu aŋgô aneŋ yom pi gêŋ hoŋ dinaŋ. Mac alic bu sêsô aô dôn ɲa sen dindec, magoc aô gakôm gêŋ sac daŋ dom. Gêŋ tigeŋ gakôm, naŋ gakêŋ batan gêŋ naŋ lau Israel dau sêkêŋ bata.”

²¹Lau Israel-nga dinaŋ sêŋgô Pol ndê yom ma sêsôm, “Lau naŋ sêndöc gameŋ Judia-nga naŋ sêto bapia daŋ têtŋ yac, naŋ hêganôŋ am dom. Ma asidôwai Israel-nga akêtŋ gameŋ dinaŋ, naŋ sêtêtŋ yac sêmeŋ, naŋ sêsôm yom sac daŋ pi am dom. ²²Magoc yac aŋyalê bu yêc gameŋ hoŋ lau sêpu lêtŋ naŋ lau sêkêtŋ whiŋ Yisu-nga sêŋkuc. Bocdinaŋ yac bu aŋgô am nem gauc ti yom pi lêtŋ dau.” ²³Goc sêkêtŋ bêc daŋ bu sêkac sa sêwhiŋ Pol tiyham.

Ma têtŋ bêc dau ŋac sêkac sa sêmbo andu naŋ Pol yêc naŋ, ma lau Israel-nga hic daêsam sêmeŋ sêwhiŋ, dec ti toŋ atu. Têtŋ bêbêc ŋapaŋ e telha Pol sôm yom têtŋ ŋac. Iŋ tôc Anötö ndê gôliŋ ŋahu asê têtŋ ŋac. Ma iŋ whê Moses ti lau propet si yom sa bu kôm ŋac sêŋyalê bu Yisu iŋ Mesaya dau. ²⁴Lau ŋatô sêŋgô iŋ ndê yom ma sêkêtŋ whiŋ, magoc ŋatô sêkêtŋ whiŋ dom. ²⁵Ŋac sêseŋ dau pi iŋ ndê yom, ma bocdinaŋ Pol sôm ndê yom ŋambu-nga têtŋ ŋac, ma tiŋambu sêlhö têtŋtêtŋ. Ma yom ŋambu-nga naŋ iŋ sôm têtŋ ŋac naŋ sôm bocdec bu, “Yom dindec naŋ Ŋalau Dabuŋ sôm têtŋ mac apami, naŋ yom ŋandô ma hêganôŋ mac solop. Propet Aisaya hoc yom dau asê bocdec bu:

²⁶ Am têtŋ lau dindê ndi ma sôm têtŋ ŋac, ‘Mac aŋgô aneŋ yom ŋapaŋ, magoc aŋyalê ŋahu dom. Mac alic gêtŋ naŋ aô gakôm, naŋ ŋapaŋ, tigeŋ mac nem gauc sa dom.’ ²⁷Bu lau dau si ŋalôm ŋadandi sa. Ŋac si daŋgasuŋ hêc ahuc, ma sêpôc si tandô ahuc. Bu bocdinaŋ dom, dec oc tôm tandô sêlic, daŋgasuŋ sêŋgô, ma sêŋyalê aô tidôn yêc ŋac si ŋalôm e sênem dau kwi ma wakôm ŋac ŋayham sa.”

[Ais 6:9-10]

²⁸Goc Pol sôm, “Bocdinaŋ aŋyalê bu Anötö kêkiŋ ŋawaê ŋayham pi iŋ ndê lêtŋ nem lau si-nga naŋ mac atec, naŋ têtŋ lau gameŋ apa-nga. Ma ŋac lau dau oc sêŋgô ti sêkôc sa.” [²⁹Iŋ sôm su goc lau Israel-nga sêlhö si, ma sêseŋ dau pi iŋ ndê yom.]

³⁰Tiŋambu Pol mbo malac Rom gitôm yala lu. Ma tôm ŋasawa dinaŋ, iŋ gêmlihi ŋamalac daŋ ndê andu daŋ tu ndöc-nga, ma iŋ kôc lau daêsam sa yêc andu dau, naŋ sêmeŋ bu sêndic iŋ kêsi. ³¹Iŋ gêm mêtê pi Anötö ndê gôliŋ ma kêdôhôn lau pi Pômdau Yisu Kilisi. Iŋ kôm gêtŋ dau ti atac pa su, ma lau daŋ sêlhac iŋ ahuc dom.